

ANG IKAUNOM NGA SELYO



Iduko nato ang atong mga ulo karon sa makadiyut lang.

² Ginoo, nagakatigum kami pag-usab para sa panerbisyo. Ug ginahunahuna namo ang panahon, sa nahaunang mga adlaw kaniadto, sa diha nga nanagpangadto silang tanan sa Silo alang sa mga panalangin sa Ginoo. Ug karon, niining gabhiona, nagkatigum kami dinhi aron patalinghugan ang Imong Pulong. Ug samtang nagatuon kami niining partikular nga bahin sa Kasulatan, nga ang Cordero lamang Mao ang bugtong makaabli sa Mga Selyo, o ang makatangtang Niini. Ug ginaampo namo karong gabhiona, samtang hisgotan namo kining halangdong Ikaunom nga Selyo, ginaampo namo, Langitnong Amahan, nga ablihan Kini sa Cordero para kanamo karong gabhiona. Nga, ania kami aron masabtan Kini. Ug sa diha nga walay bisan kinsa sa yuta, o sa Langit, ang may-kasarang, ang Cordero lang ang hingkaplagan nga may-kasarang. Busa hinaut nga moanhi ang Maong may-kasarang-sa-tanan ug ablihan ang Selyo para kanamo karong gabhiona, aron matan-aw namo ang luyo sa tabil sa panahon. Magatabang kini kanamo, nagatoo kami, Amahan; nga sa niining makuyaw, mangiub, og makasasalang panahon nga among gikinabuhian; motabang kini kanamo ug magahatag kanamo og kaisog. Nagasalig kami karon nga makakaplag kami og grasya sa Imong atubangan. Ginatugyan namo ang among mga kaugalingon, uban ang Pulong, nganha Kanimo, sa Ngalan ni Jesus Cristo. Amen.

Mahimo na kamong manglingkod.

³ Maayong gabii, mga higala. Usa ka pribilihiyo nga mahianhi na usab karong gabhiona, aron maania sa buluhaton sa Ginoo. Medyo naulahi lang ko. Miadto pa man gud ko sa . . . sa usa ka panghitabo nga kinahanglan adtoan dayon, ngadto sa usa ka naghimalatyon na nga tawo, nga miyembro niini nga iglesia; miyembro pud ang iyang inahan, o nagatambong dinhi. Ug ingon nila nga ang maong lalaki kono naghimalatyon na kaganina. Busa ako—miadto ako og nakita ko ang—ang landong sa usa ka lalaki nga nagahigda sa katre, nga naghimalatyon, usa ka lalaki nga mga kaedad ko. Ug sa kalit lang, nakita ko ang maong lalaki nga mitindog na, og nagahatag og pagdayeg sa Ginoo. Ug busa, ang Dios, kung andam lang kita nga isugid ang atong mga sala ug buhaton kung unsay husto, maghangyo og kalooy, og magtawag Kaniya, nan ang Dios andam usab ug nagahulat ra nga ihatag kini kanato.

⁴ Ug, karon, nasayod ko nga mainit dinhi karong gabhiona. Ug—ug kini'y . . . Dili, mora og nawala na ang kainit. Ug—ug kita'y . . .

5 Akong namatikdan kagabii, o karong adlaw, kini mao ang ikapito kong adlaw nga anaa sulod sa usa ka lawak nga walay kahayag, de-kuryente lang nga mga suga, kita n'yo; nagatuon, ug nagaampo sa Dios nga ablihan kini nga Mga Selyo.

6 Ug pagkadaghan kaayong mga nasulat, nianang listahan sa mga pangutana ka- . . . o mga pangutana kagabii, nga, medyo, dili gyud tanan mga pangutana. Dunay mga nagtinguha nga magkaaduna unta og panerbisyo sa pagpang-ayo, sa unsa mang paagi; adunay mga gustong magpabilin og usa pa ka adlaw, aron magkaaduna og usa . . . aron magkaaduna og panerbisyo sa pagpang-ayo sa Lunes. Busa ako—ako—akong himoon, mahimo man kini, sa tinuod lang kung mao gyud kana ang—ang kabubut-on sa mga tawo nga gusto nilang magpahigayon og ingon-ana. Hunahunaa 'sa ninyo kana ug pahibaloa lang ko, kung gusto gyud ninyong magpabilin ug maiampo ang mga may sakit.

7 Tungod kay, gigahin ko na kining tibuok panahon, gayud, para niining Mga Selyo, ug wala gyud ako nagpahigayon og unsa man alang sa Mga Selyo.

8 Busa hunahunaa ninyo kana, ug iampo kana, ug dayon pahibaloa lang ko ninyo. Ug akong, kon itugot sa Ginoo, nan mahimo ko. Ang sunod nga gikatakda kong adtoan mao'y didto sa Albuquerque, New Mexico, ug kana'y mga—mga pipila pa ka adlaw gikan karon. Ug kinahanglan na 'sab nakong mopauli para sa ubang buluhaton, sa pagpangandam alang sa usa na usab ka konbensyon didto sa Arizona. Ug busa, ingon-niana, kung kabubut-on man sa Ginoo! Iampo n'yo kana, ug mao usab ang buhaton ko, dayon masayran nato ang dugang pa bahin niana pagkataudtaud.

9 Ug namatikdan ko lang. Karon nakita ko . . . Pagmahisgot ka og balatian, naa kana dayon, kita n'yo. Nakita ko kining gining nga nagalingkod dinhi mismo. Kung walay motabang kaniya, dili na siya magdugay pa dinhi. Busa, kung ingon-ana, kita n'yo, ginaampo nato nga tabangan siya sa Dios. Mao man kana kon nganong ania kamo dinhi, nga mga gikan pa sa halayo. Busa, kita n'yo, nahibalo gayud ang—ang Balaang Espiritu sa tanantan, nakita n'yo. Busa Siya . . .

10 Apan, kita n'yo, gipaningkamotan kong igahin kini nga panahon para sa Mga Selyo, tungod nga gigahin na man nato kini para niana, nakita n'yo. Apan kung aduna ma'y . . .

11 Pila ba ang mga masakiton nga ania dinhi, bisan pa man, nga mianhi aron maiampo? Tan-awon nato ang inyong mga kamot, sa tibuok palibot, tanan gyud. Oh, grabe! Hum! Bueno, pila ba ang nagahunahuna nga okey ra kana, kung kabubut-on man sa Ginoo, nga magpabilin 'usa ug ipahigayon kana, igahin ang Lunes sa gabii, para lang sa pag-ampo alang sa mga may sakit, magpahigayon og panerbisyo sa pagpang-ayo sa Lunes sa gabii? Gusto ba ninyong ipahigayon kana? Mahimo n'yo ba kana?

Bueno, kon itugot sa Ginoo, buhaton nato kana kung ingon-ana. Kita n'yo? Kita'y—magpahigayon kita og panerbisyo sa pag-ampo para sa mga may sakit, Miyerkules, o, Dominggo sa gabii, o, Lunes sa gabii, ug mag-ampo para sa mga may sakit.

¹² Karon, nagalaum ko nga dili unta kana makadisturbo sa grupo nga akong ubanan sa pag-adto, didto sa Arizona. Si Igsoong Norman, ania ba siya sa kung asa man? Makadisturbo ba kaha kana sa imong eskedyul, Igsoong Norman, sa unsa man? [Nagaingon si Igsoong Gene Norman, “Dili.”—Ed.] Igsoong Fred ug ang uban pa kaninyo, okey lang ba kana? [Nagaingon ang uban, “Okey lang.”] Kita n'yo? Okey lang kono. Sige.

¹³ Dayon, kon itugot sa Ginoo, Lunes sa gabii mag-ampo kita para sa mga may sakit, usa ka gabii ang igahin nato para lang niana, tibuok gabii, aron lang sa pag-ampo para sa mga may sakit. Karon, dili na kana mahitungod sa Mga Selyo. Kung ablihan sa Ginoo kini nga Mga Selyo, nan magaampo kita para sa mga may sakit, Lunes sa gabii.

¹⁴ Karon, oh, gikalipay ko gayud kini, kaayo, sa pagpangalagad ko sa Ginoo ilalum Niini! Gikalipay n'yo ba Kini, ang pag-abli sa Mga Selyo? [Nagaingon ang kongregasyon, “Amen!”]—Ed.]

¹⁵ Karon, magahisgot kita karon sa Ikalima nga Selyo, o sa Ikaunom nga Selyo, diay. Ug magalangkob kana karon gikan sa—sa ika-12 nga bersekulo sa ika-6 nga kapitulo, hangtud sa ika-17. Usa kini sa hataas nga Mga Selyo. Adunay diyutay'ng mga butang nga nahitabo dinhi. Ug karon ang . . .

¹⁶ Balikan 'sa nato ang mahitungod kagabii, aron medyo sa pagsuporta lang og diyutay, sa matag higayon.

¹⁷ Ug, isulti, ako—aduna ko'y gustong isulti, usab. Akong nakita, niining kahon, ang upat o lima ka importante kaayo nga mga butang para kanako. Gisultihan ko nga . . . Ug gusto ko gayud nga mangayo og pasaylo. Gipaandar na ba ang mga teyp? Gipaandar na ang teyp? Gusto kong mangayo og pasaylo sa mga igsoon kong ministro ug kaninyo nga mga tawo dinhi. Ingon sila, niadtong miaging gabii kono sa dihang naghisgot ako kang—kang Elias, niadtong orasa sa diha nga sila . . . Gihunahuna ni Elias kaniadto nga siya lamang usa ang makauban sa Pagsakgaw, o siya lamang usa ang maluwas. Ako—akong nasulti nga pito ka gatus imbis unta pito ka libo. Husto ba kana? [Nagaingon ang kongregasyon, “Oo.”—Ed.] Bueno, pasayloa gyud ko niana, mga higala. Ako—ako—mas nasayod ko kay sa niana. Usa lamang kadto ka sayup sa paglitok, tungod kay nasayod man ko nga pito ka libo kadto. Wala ko lang kana nasulti og husto. Ako . . . Ug ako—nagapasalamat ako kaninyo. Ug nagapasabot kana nga . . . Nalipay ko nga ginabantayan gyud ninyo kung unsa ma'y akong ginasulti. Ug nakita n'yo, kung ingon-ana, kana'y . . . Tungod nga, kadto, kadto'y—kadto'y pito ka libo man gyud.

18 Nakadawat ko og duha o tulo ka mga sinulat bahin niana, nga nag-ingon, “Igsoong Branham, nagatoo ko nga nasayup ka.” Ang ingon niini, “Dili ba sila’y pito ka libo imbis nga pito ka gatus?”

19 Nahunahuna ko, “Siguradong wala gyud ko miingon nga pito ka gatus.” Kita n’yo? Kana, ug dayon ako . . . si Billy . . .

20 Ug pagkahuman ako, dihadiha dayon, gikuha ko ang usa pa ka sinulat. Ang ingon niini, “Igsoong Branham, ikaw . . . nagatoo ko nga miingon ka og pito ka gatus.”

21 Ug miingon pud ang usa ka tawo, “Igsoong Branham, usa ba kana ka—ka espirituwal nga panan-awon nga—nga magkaaduna lang og usa ka tipo, ug ginatipo mo kana sa pito ka . . .?” Nagapabalaka gyud kana sa mga tawo pagmaghunahuna ka og ingon-niining mga butang, kita n’yo. Ug igo na, nga, nagapabalaka kana kanako.

22 May nahitabo karong adlawa sa dihang gipadayag kini nga Selyo, nga kinahanglan ko gayud nga molakaw-lakaw didto sa gawas sa nataran, maglakaw-lakaw sa palibot, didto sa nataran sa makadiyut. Husto kana. Halos dili na gyud ko makaginhawa tungod niana. Kita n’yo? Busa paghisgotan na, gani ang pagkatensyon? Oh, grabe! Kita n’yo?

23 Ang usa pa ka butang, kita n’yo, nagasalig baya mo sa kung unsa mismo akong ginasulti. Ug aduna gyud ko’y tulubagon sa Dios sa kung unsa ma’y ginasulti ko kaninyo. Kita n’yo? Ug busa ako—kinahanglan nga bug-os gayud akong sigurado, kita n’yo, bahin niining mga butanga, tungod kay usa—usa kini ka makuyaw nga panahon nga atong gikinabuhian. Oo.

24 Ginahunahuna ko ang mahitungod sa panerbisyo sa pagpang-ayo para sa Lunes sa gabii. Makadisturbo ba kana kanimo, Igsoong Neville sa kung asa man? [Nagaingon si Igsoong Neville, “Dili oy. Maania ra ko dinhi mismo.”—Ed.] Okey ra.

25 Ang bililhon natong Igsoong Neville! Sultihan ko kamo, nga sila’y—aduna na sila’y gihimo, siguro, dayon nawala ang sumbanan. Kini’y usa ka . . . Siya’y dugay na gayud nga usa—usa ka suod kong kauban ug higala, sultihan ko kamo.

26 Karon natukod na gyud ang tabernakulo, ug aduna na’y mga lawak pang-Sunday school ug andam na ang tanan-tanan, nga anaa sa kahan-ayan. Ug ang uban kaninyo nga ania ra sa palibot dinhi, duol sa Jeffersonville, nga gustong moanhi sa iglesia, aduna kamo’y usa ka maanindot nga dapit, ug usa ka lugar nga adtoan, duna na’y mga lawak pang-Sunday school.

27 May maayo nga magtutudlo, ug ania si Igsoong Neville, para sa pang-hamtong nga klase, ug usa ka tinuod nga pastor. Dili ko ginasulti kini ingon nga usa ka pungpong sa bulak para kaniya, apan mas gustohon ko pa nga hatagan siya og usa ka gamay’ng rosas kay sa usa ka tibuok nga pungpong sa mga bulak human

nga motaliwan na siya. Ug si Igsoong—Igsoong Neville, kaila ko na siya sukad niadtong batan-on pa lang ako. Karon, wala gyud siya nag-usab bisan gamay. Siya mao gihapon si Orman Neville, sama sa kung unsa siya kaniadto.

²⁸ Mahinumduman ko pa ang akong pagbisita. Gani aduna gayud siya’y kahimuot nga dapiton ako sa iyang pulpito kaniadtong usa pa siya ka Methodist nga magwawali dinhi sa siyudad. Ug aduna kami og usa ka maanindot nga kongregasyon didto sa Clarksville, ang . . . Sa hunahuna ko gitawag kana nga Howard Park, Harrison Avenue Methodist church. Siguro didto ka niya nakaplagan, didto dapit, Igsoong babayeng Neville. Didto, tungod kay siya’y usa man ka miyem- . . .

²⁹ Pagbalik ko, ug miingon ko sa iglesia dinhi, ingon ko, “Kana mao’y . . . Usa siya sa pinakabuutan nga mga tawo! Ug usa sa niining mga adlaw pagabautismohan ko siya sa Ngalan ni Ginoong Jesus.” Nahitabo mismo kadto.

³⁰ Ania siya. Ug karon siya’y suod kong higala, nga ania mismo sa akong kilid. Ug usa gayud ka dungganon, talahuron nga tawo! Kanunay siyang nagsuporta kanako maingon sa . . . kutob sa iya mismong mahimo. Bisan unsa ma’y akong isulti, nagsuporta lang siya kanako ug nagapabilin mismo kanako. Bisan sa kaniadtong una niyang pagtambong, wala pa niya masabti ang Mensahe kaniadto, pero gitooan gyud niya Kini ug nagpabilin siya mismo Niini. Kadungganan kana, mga pagtahud kana, sa usa ka igsoon nga sama niana. Wala gyud ko’y igong maikasulti para kaniya. Ug karon panalanginan siya sa Ginoo. Bueno.

³¹ Karon diyutay’ng pagsubli lang mahatungod kagabii, sa pag-abli sa Ikalimang Selyo. Dili na nato balikan tanan karong gabhiona, igo-igo lang aron masabtan ang Ikalimang Selyo.

³² Karon, nahibaloan nato nga ang anticristo padayon nga nagpangabay, ug gipausbaw ang iyang kaugalingon, tungod sa tulo ka gahum. Gihiusa ang tanan niadto ngadto sa usa ka gahum, ug misakay sa maluspad nga kabayo, “Kamatayon,” padulong ngadto sa bung-aw sa kahiladman nga walay-kinutoban, ngadto sa pagkalaglag, kon diin kadto naggikan. Ug dayon nahibaloan nato sa dihang ang . . .

³³ Nagaingon ang Kasulatan, “Sa diha nga nagaabot ang kaaway maingon sa usa ka baha, magpatungha ang Espiritu sa Dios og usa ka pangbatok niini.” Ug nakita nato kana nga bug-os nga gipanghimatud-an sa Pulong kagabii, tungod aduna ma’y upat ka mga Mananap nga—nga mitubag sa—sa upat ka higayon nga misakay kining mangangabay.

³⁴ Ug misakay siya sa lahi-lahi nga kabayo matag higayon, sa usa ka puti nga kabayo, ug dayon sa usa ka pula nga kabayo, ug sa usa ka itum nga kabayo, ug dayon sa usa na pud ka maluspad nga kabayo. Ug nahibaloan nato, ang maong mga kolor, ug kung unsa sila ug kung unsay gipangbuhat nila. Dayon

gikumpara kini mismo ngadto sa mga kapanahonan sa mga iglesia, ug tukmang ingon niana ang gibuhat niini, sa ingon gayud ka eksakto.

³⁵ Busa, nakita n'yo, pag nagakatakdo ang Pulong sa Dios, nagapasabot kana nga husto Kini, nakita n'yo. Oo. Nagatoo ko, nga ang unsa man nga nagasubay sa Pulong sa Dios kanunay gyud nga “amen.” Kita n'yo?

³⁶ Karon, sama sa usa ka tawong miingon nga aduna kono sila'y panan-awon, ug miingon nga ingon-niana kana. Oh, nasayod sila nga gihatag kana sa Ginoo, tungod kay nagaabot kana pinaagi sa dakung kagahum. Bueno, tingali'g maayo man ang maong panan-awon. Apan kung wala kana nagasubay sa Pulong, ug sukwahi sa Pulong, nan dili gayud kana husto. Kita n'yo?

³⁷ Karon, tingali adunay mga ania dinhi karon, nga pipila ka kaigsoonang Mormon o igsoong babaye. Ug mahimong adunay pipila nga makakuha niini nga mga teyp, karon. Ug dili ko gustong isulti nga . . . Ang pipila sa pinaka buutan nga mga tawo nga gusto nako ug ninyong mahimamat, anaa—anaa diha sa mga tawong Mormon; buutan kaayo nga matang sa mga tawo. Ug dayon ang ilang—ilang propeta pud, si Joseph Smith, nga gipatay sa mga tawong Methodist dinhi sa Illinois, sa ilang panaw kaniadto. Ug busa kana—kanang maayo nga tawo, ug ang panan-awon, wala gyud ako nagduhaduha nga aduna siya'y panan-awon. Nagatoo ko nga usa siya ka matinud-anon nga tawo. Apan ang panan-awon nga aduna siya sukwahi man sa Kasulatan. Kita n'yo? Busa, kinahanglan nilang magkaaduna og usa ka Biblia nga pang-Mormon, aron—aron makasuporta niana. Kita n'yo?

³⁸ *Kini* mao ra Kini dinhi, para kanako. Mao gyud. Mao kana'y hinungdan, ang Pulong lang gyud. Mao lang Kini. Kita n'yo?

³⁹ Usa ka higayon niadto, usa—usa—usa ka ministro ang mianhi dinhi gikan sa ubang nasud, ug siya . . . Ug nakita ko siya sa gawas uban ang usa—usa ka . . . nagasakay sa sakyanan, nga dili . . . uban ang usa—usa ka babaye. Ug mitambong sila sa usa ka panagtigum. Ug hingsayran ko, nga mibiyahе sila og duha o tulo ka adlaw, nga siya lang ug ang maong babaye, sa panagtigum, aron motambong sa panagtigum, nga magkauban. Ug naminyo na ang babaye, tulo o upat na ka nagkalainlaing higayon.

⁴⁰ Ug misulod kining ministro sa pasilyo sa hotel kung asa ako, ug miduol ug nakiglamano kanako. Ug gilamano ko siya, ug mitindog ug nagpakig-istorya kaniya. Gipangutana ko siya, ingon ko, “Pag wala ka na'y buhaton, puede ba kong makig-istorya kanimo sulod sa akong kuwarta sa makadiyut lang?”

Ingon siya, “Oo, Igsoong Branham.”

⁴¹ Gidala ko siya sa maong lawak. Ug miingon ko sa maong ministro, ingon ko, “Reverend, sir, usa ikaw ka estranyo niini

nga lugar.” Ingon ko, “Apan kining maong babaye medyo adunay dili-maayong dungog.” Ingon ko, “Dili ba, o, mianhi ka nga gikan pa sa *ingon niini-ug-ingon niana* nga dapit, paingon sa *ingon niini-ug-ingon niana* nga dapit?”

Miingon, “Oo, sir.”

42 Ug ingon pa ko, “Wala ka ba nahadlok nga kana medyo mamahimong...? Ako—wala ako...wala ko nagaduhaduha kanimo, pero wala mo ba mahunahuna nga makaapekto kana sa imong dungog ingon nga usa ka ministro? Wala mo ba mahunahuna nga kinahanglan natong magpakita og mas maayo nga ehemplo kay sa niana?”

Ug ingon siya, “Oh, balaan man kini nga babaye.”

43 Ingon ko, “Ako—wala ko nagaduhaduha niana.” Apan miingon ko, “Apan, igsoon, ang tinuod man gud niini, ang tanang tawo nga nagatan-aw kaniya dili man balaan, kita n’yo, nga mga nagatan-aw sa kung unsay inyong ginabuhat.” Ug ingon ko, “Nagatoo ko nga kinahanglan magbantay gyud ka. Tambag lang kana sa usa ka igsoon alang sa usa pa.” Ug miingon siya . . . ingon ko, “Naminyo na man gud kana nga babaye sa upat o lima na ka higayon.”

Ug ingon siya, “Oo, nasayod man ko niana.” Miingon, “Kabalo ka, ako—ako . . .”

44 Ingon ko, “Wala mo man kana ginatudlo sa imong iglesia didto sa inyong lugar, dili ba, ang ingon-niana?”

45 Ug ingon siya, “Wala. Apan,” miingon, “kabalo ba ka, aduna ko’y usa ka panan-awon mahitungod niana, Igsoong Branham.”

Ingon ko, “Bueno, maayo.” Ingon ko . . .

46 Ingon siya, “Okey lang ba kanimo?” Miingon, “Siguro medyo tul-iron ta ka og diyutay sa imong pagpanudlo mahitungod niana.”

47 Ug miingon ko, “Sige.” Ug siya . . . ingon ko, “Ako—ako—malipay ko nga mahibalo niana, sir.”

48 Ug ingon siya, “Bueno,” miingon, “abi nimo, sa niini nga panan-awon,” ingon siya, “tulog ako.”

Ug miingon ko, “Oo.” Nasayran ko, niadtong tungora, nga usa ra kadto ka damgo. Kita n’yo?

49 Ug miingon siya, “Ang akong—akong asawa,” miingon, “nakigpuyo na siya sa ubang lalaki,” ug miingon, “ug dili siya nagmatinud-anon kanako.” Ug ingon pa, “Dayon miduol siya kanako, ug miingon siya kanako, ‘Oh, palangga, pasayloa ko, pasayloa ko!’ Ang ingon, ‘Ako—ako—ako—pasayloa ko nga nabuhat ko kadto. Magmatinuuron na gyud ako sugod karon.’” Miingon, “Siyempre, gihigugma ko gayud siya, mao nga gipasaylo ko na lang siya, og miingon, ‘Sige.’” Ug miingon, “Dayon . . .”

50 Ug ingon pa, “Kabalo ba ka kung unsa? Dayon nakuha ko ang interpretasyon mahatungod niini nga panan-awon.” Miingon, “Kadto nga babaye mao diay kini nga babaye.” Miingon, “Tinuod, nga naminyo na siya, ug—ug uban pa, ug hangtud niining mga panahona.” Ug ingon pa, nga, “Okey lang para kaniya nga magminyo, tungod kay gihigugma man siya og ayo sa Ginoo. Mahimo ra siyang magminyo sa makadaghang higayon kutob sa gusto niya, basta . . .”

51 Ingon ko, “Maanindot gayud ang imong panan-awon, apan simang kaayo kana sa matul-id nga Dalan dinhi.” Ingon ko, “Kana’y—sayup kana, kita mo. Dili mo angay’ng buhaton kana.” Mao nga . . . Kita n’yo?

52 Apan pagmakita mo ang Kasulatan nga nagakatakdo sa Kasulatan, nga padayon kining may katunhayan sa diha nga nagakatakdo kini. Ang mga Kasulatan, pagmaputol Kining usa dinhi, Kining usa dinhi mosumpay ug motakdo na usab, ug ipakita ang tibuok hulagway.

53 Sama ra sa pagsumpay-sumpay og usa ka tanghaga, pananglitan. Pangitaon mo ang bahin nga mohaum. Wala na gayu’y uban pa nga mohaum niana. Dayon makita mo na ang maong hulagway.

54 Ug adunay Usa lamang nga makabuhat niana, kana mao ang Cordero, ug busa nagasalig kita Kaniya.

55 Apan nahibaloan nato nga sa dihang kining, kining mangangabayo, siya ang mao ra gihapon nga nagasakay niining mga kabayo. Ug dayon gisundan nato siya mismo, nakita kung unsay gibuhat niya ug tanan na, ug hingsayran nato, diha sa mga kapanahonan sa iglesia nga eksaktong ingon-ana ang gibuhat niya.

56 Dayon sa diha nga misakay siya sa maong mananap ug nagbuhat og usa ka butang, hingsayran nato nga aduna usab og gipadala aron pakigbatokan kung unsay gibuhat niya.

57 Adunay usa nga gikapadala para sa unang kapanahonan, ang cordero . . . ang leon. Ang Pulong kadto, siyempre, si Cristo.

58 Ang sunod mao ang laki nga baka, niadtong panahon sa mangiub nga kapanahonan, sa dihang—sa diha nga nag-organisa ang—ang iglesia ug midawat og mga dogma imbis unta ang Pulong.

59 Ug hinumdumi, nga nakabasi ang kinatibuk-an niini sa duha ka butang: ang usa, sa anticristo; ang usa pa, kang Cristo.

60 Mao gihapon nga butang sa karon. Walay tunga-tunga ra nga mga Cristohanon. Walay palahubog-nga-buutang tawo; walay itum-nga-puti nga mga langgam; wala, wala; walay makasasalang-mga-balaan. Wala. Mahimong usa ikaw ka makasasala o kaha usa ka balaan. Kita n’yo? Wala gayu’y anaa sa tunga-tunga. Mahimong natawo ka pag-usab o kaha wala ka

natawo pag-usab. Mahimong napuno ka sa Balaang Espiritu o kaha wala ka napuno sa Balaang Espiritu. Bisan unsa pa ka daghan sa mga sensasyon nga aduna ka, kung wala ka pa napuno sa Balaang Espiritu, nan wala ka pa napuno Niini. Kita n'yo? Ug kung napuno ka na Niini, makita kana sa imong kinabuhi, og nakalinya mismo Niini. Kita n'yo? Wala na'y kinahanglan nga aduna pa'y mosulti kang bisan kinsa man mahitungod niana. Makita nila mismo kana, kita n'yo, tungod nga usa man Kini ka Selyo.

⁶¹ Karon, ug nahibaloan nato kadto nga mga mananap, kung giunsa nila sa pagpangabayon matag higayon. Ang usa gipadala para sa iyang ministerio, diha sa mga gahum pang-pulitika, nga ginahiusa ang mga gahum pang-relihiyon ug—ug mga gahum pang-pulitika, gihiusa kini. Nahibaloan sab nato, nga gipadala sa Dios ang Iyang gahum aron pakigbatokan kadto. Gibalikan nato mismo ug nakita kung unsa ang nahitabo niadtong kapanahonan sa iglesia, ug pagtan-aw nato; ug nahitabo kadto mismo, nga ingon ka eksakto gayud.

⁶² Dayon nahibaloan nato, nga usa na usab ka kapanahonan ang miabot, ug gipadala sa kaaway ang anticristo ilalum sa ngalan sa relihiyon, ilalum sa Ngalan ni Cristo, og ilalum sa ngalan sa Iglesia. Oo, sir. Mitungha kini ilalum sa ngalan sa Iglesia, pa gani. “Kana mao ang tinuod nga Iglesia,” ang ingon niya. Kita n'yo?

Ang anticristo dili mao ang Rusya. Dili kana mao ang anticristo.

⁶³ Ang anticristo halos magkapareho gayud sa tinuod nga Cristianismo, hangtud nga, miingon ang Biblia, “Pagalimbongan niini ang tanan nga mga dili predestinado.” Husto kana. Miingon ang Biblia nga, “Sa kaulahiing mga adlaw, ang tanan nga mga dili predestinado, Pinili.” Nagaingon kini, “Ang mga Pinili!” Karon, ang si kinsa man, tun-i n'yo kana nga pulong ug baliki kana sa daplin sa inyong Biblia, makita ninyo kung unsay buot ipasabot niana. Nagaingon Kini, “Ang mga pinili, mga predestinado.” Kita n'yo? “Pagalimbongan niini ang matag usa kanila kinsang mga ngalan wala nahisulat sa Basahon sa Kinabuhi sa Cordero sukad pa sa pagkatukod sa kalibutan.”

⁶⁴ Sa diha nga gipatay ang Cordero, gisulat ang maong mga ngalan diha sa Basahon. Nagabarug Siya sa Balaang Dapit karong gabhiona, didto sa Himaya, ingon nga usa ka Tigpangaliya, nagapangaliya alang sa matag usa nianang mga kalag kinsang mga ngalan anaa na nianang Basahon. Ug walay si kinsa man ang nasayod niana nga ngalan kondili Siya lamang. Siya man Mao ang nagbitbit sa Basahon diha sa Iyang kamot, ug Siya ang nasayod. Pagnakasulod na kanang kaulahiing pinili, nan tapos na ang mga adlaw sa Iyang pagpangaliya. Moadto Siya didto dayon aron angkonon ang Iyang gipangaliyahan.

Ginabuhat Niya sa karon ang buluhaton Niya ingon nga Kabanay'ng Manunubos; ug moduol Siya didto aron dawaton na ang Iyang mga Iyaha. Oh, grabe!

⁶⁵ Angay ra nga magtukmod kana sa matag Cristohanon aron—aron susihon ang iyang kaugalingon, ug ipataas ang iyang mga kamot sa atubangan sa Dios, ug moingon, “Hinloi ako, Oh Ginoo! Tan-awa ang akong kinabuhi, ug—ug tugoti kong—tugoti kong makita kon asa ang dautan ko nga bahin. Tugoti kong igahiklin kini, sa gilayon.” “Kay kon ang matarung lisod man ganing maluwas, unsa pa kaha’y dangatan sa mga makasasala ug dili-diosnon?” Panahon na kini sa pagsusi.

⁶⁶ Ug kung ibutang n’yo kini, ug gustong. . . ug ihatag kini nga Pulong. (Karon, ayaw ko nga, nga pangutan-on ninyo ako mahitungod niini, tungod kay mapahilayo lang ako ngadto sa kung asa pa; ang buot kong ipasabot, pag-isulat na ninyo ang inyong mga pangutana. Natubag na man siguro ang mga pangutana, sa unsa mang paagi.) Mao na kini ang panahon sa pagsusi alang sa paghukom. Husto kana. Karon, hisgotan nato kana sa—sa Mga Trumpeta pagmodangat na kita niana, kung kanus-a man nga ihatag kini sa Ginoo, o kaha ang Mga Panaksan, ug mahibaloan nato ang mahitungod nianang pagsusi alang sa paghukom, nga mahitabo sa dili pa motungha ang Mga Panghimaraut. Ug—ug makita nato nga tinuod kana. Ug ang tulo ka mga Manulonda nga mihampak sa yuta, nagasinggit, kabalo na mo, “Alaut! Alaut! Alaut ang mga pumoluyo sa yuta!”

Ug nagapuyo na kita sa usa ka makalilisang nga panahon, sa panahon nga . . .

⁶⁷ Nakita n’yo, kining mga butang nga ania kita karon, nga ginatun-an nato mismo karon, mao’y human nga gisakgaw na ang Iglesia, kita n’yo, kini nga mga butang sa panahon sa Kasakitan. Ug sa hunahuna ko kinahanglang mapahiluna gayud kini sa kasingkasing sa matag magtotoo, nga kini nga Iglesia dili gayud makadangat sa panahon sa Kasakitan. Dili n’yo mapahimutang, sa bisan asa, ang Iglesia diha sa Kasakitan. Ako. . . Mapahimutang n’yo ang iglesia dinha, apan dili ang Pangasaw-onon. Kita n’yo, gisakgaw na ang Pangasaw-onon.

⁶⁸ Tungod kay, kita n’yo, Siya, Siya wala na man Siya’y ni usa ka sala, wala ni usa ka butang batok Kaniya. Gilukop Siya sa grasya sa Dios. Ug gitangtang na sa bleach ang tanang sala pahilayo, nga wala na gani og paghinumdom pa mahitungod niini; wala na ni unsa man kondili kaputli, kahingpitan, diha sa Presensiya sa Dios. Oh, angay gyud kini nga magpaluhod sa Pangasaw-onon ug magtuaw ngadto sa Dios!

⁶⁹ Nahinumduman ko ang usa ka diyutay’ng sugilanon; wala ko pa man kaha nagamit og ayo ang inyong panahon karon, sa niining pasiuna. Akong. . . Ako—ginabuhat ko kini para sa usa

ka katuyoan, aron mabati, hangtud nga mabati ko na gyud ang Espiritu, aron sa pagsugod.

⁷⁰ Usa kini—usa kini ka sagrado nga butang. Kita n'yo? Kini'y, kita n'yo, kinsa ma'y nakahibalo niining mga butanga? Walay si kinsa man kondili ang Dios lamang. Ug dili kini angay'ng mahipadayag, ug gipamatud-an sa Biblia nga dili kini mahipadayag, hangtud niining adlaw. Eksakto gyud kana. Kita n'yo? Kini'y—gisalagmaan lang kini kaniadto; apan karon kinahanglan natong masabtan kini sa eksakto gayud, ang Kamatuoran, gipanghimatud-an nga Kamatuoran. Kita n'yo. Matikdi.

⁷¹ Karon, dihay usa—usa ka gamay'ng gining didto sa kasadpan, kon sa unsa nga siya—nahigugma siya sa usa ka . . . Usa ka lalaki ang nahigugma kaniya. Ingon nga usa ka mamalitay og mga baka, miadto kining lalaki didto para sa Armour Company. Ug—ug aduna sila didto og usa—usa ka dakung . . .

⁷² Usa niana ka adlaw miabot ang agalon, ang anak sa agalon gikan sa Chicago, ug, siyempre, ginasul-ob nila didto ang ilang naandan nang, pang-kasadpan nga bisti. Ang—ang mga dalaga didto, nanggibisti sila og ayo; ang matag usa naninguha gyud nga maangkon kining batan-ong lalaki, oo, kabalo na mo, tungod nga anak man kadto sa maong agalon. Busa, nakabisti sila sa ilang pang-kasadpan nga bisti.

⁷³ Ug—ug ginabuhay nila kana didto sa kasadpan. Ngani bag-ohay ra silang nakapahigayon og usa sa niana nga mga buluhaton. Ug si Igsoong Maguire, siguro ania siya dinhi karon, nakita nila siya didto sa lungsod nga wala nagsul-ob sa iyang pang-kasadpan nga bisti, ug gibalhog nila siya sa—sa prisohan. Ug gidala nila siya sa usa ka mini nga korte, ug gipabayad siya tungod niadto, ug pagkahuman gipapalit siya og usa ka pang-kasadpan nga bisti. Ug nakita ko ang uban pa kanila nga nagalakaw-lakaw nga may mga pusil nga *ingon-ana* ka taas, nakabitay kanila. Nagakinabuhi sila didto ingon nga mga lumad. Ginapaningkamotan nilang magkinabuhi sa usa ka butang nga sa kaniadto pa, sa nangagi nang panahon. Kita n'yo?

⁷⁴ Ug dayon, sa Kentucky, nagapaningkamot pud kamo nga magkinabuhi sa nangagi nang mga panahon sa Sidlakan dinhi, pabalik sa Renfro Valley ug mga ingon-ana. Gusto pa ninyong mobalik sa kaniadto nga mga adlaw. Aduna gayu'y nagapahinungdan niana.

⁷⁵ Apan paghisgotan na, ang pagbalik ngadto sa Ebanghelyo diha sa orihinal, ayaw ninyong buhaton kana. Gusto ninyo og usa ka butang nga moderno, nakita n'yo. Nagapakita lang nga, kita n'yo, kamo—kamo . . . adunay usa . . .

⁷⁶ Ug unsa ma'y nagapadani sa usa—usa ka lalaki nga mobuhay og sayup? Unsa ma'y nagapadani kaniya nga maghuboghubog

ug kung unsa na lang, o sa usa ka babaye nga mobuhat og sayup? Mao'y tungod nga ginatinguha niyang... Adunay sa kung unsang butang diha kaniya, nga nagakauhaw. Ug ginapaningkamotan nilang tagbawon kana nga balaang pagkauhaw pinaagi sa mga butang nga iya sa kalibutan. Nga unta, ang Dios man dapat ang mamahimo nilang katagbawan. Gihimo ka Niya nga ingon-niana, aron mauhaw. Mao kana'y hinungdan nga nagakauhaw ka para sa usa ka butang. Gihimo ka sa Dios nga ingon-niana, aron isentro mo kana nga balaang pagkauhaw ngadto Kaniya. Kita n'yo? Apan pag sulayan na ninyo ganing tagbawon kana nga kauhaw... Mapangahason gayud ang si kinsa man nga buhaton kana! Wala kamo'y katungod nga buhaton kana, nga sulayang tagbawon kana nga balaang pagkauhaw nga nagakauhaw ka sa kung unsa man, ug, dayon, ug, inyong ginasentro kana sa kalibutan, og ginapaninguhaang tagbawon kana pinaagi sa kalibutan. Dili n'yo puedeng buhaton kana. Adunay usa lang ka butang ang mopuno niana, ug ang Dios kana. Ug gibuhat ka Niya nga ingon-niana.

⁷⁷ Busa, kadtong—kadtong batan-ong mga babaye nanggibisti og usa—usa ka naandan nang pang-kasadpan nga bisti para niining batan-ong lalaki sa dihang siya—moabot na siya. Ug sigurado gyud ang matag usa kanila nga maangkon kining batan-ong lalaki.

⁷⁸ Adunay usa ka luoy'ng ig-agaw nila didto sa ransohan, ug siya'y usa na ka ilo, ug busa siya na mismo ang nagabuhat sa—sa tanang trabahoon nga para unta niining batan-ong mga babaye. Tungod kay, kinahanglan man nilang koloran ang ilang mga kuko, kabalo na mo, ug mao nga dili sila kono makapanghugas sa mga gikan-an tungod sa ilang mga kamot ug mga ingon-niana. Ug gibuhat na lang niya ang tanang malisud nga trabahoon.

⁷⁹ Ug dayon, sa katapusan, sa dihang miabot na ang batan-ong lalaki, nanggawas sila ug gipasakay kini sa usa ka kinaraang pang-kasadpan og estilo, nga karwahi. Ug miabot ang mga tawo, nga ginapabuto ang ilang mga pusil ug unsa na lang, kabalo na mo, ug nagapasundayag. Ug niadtong gabhiona aduna sila'y dakung sayawan didto, sa usa—sa usa ka kinaraan nga sayaw, ug ang tanang mga rantsero sa palibot, nga dapit, mitambog pud sa maong sayawan, ug uban pa. Ug, mahibaloan mo na lang, aba, nagpadayon kadto, nga kasadya sa duha o tulo ka adlaw.

⁸⁰ Dayon, usa niana ka gabii, migawas kining batan-ong lalaki, hangtud... gikan sa maong lugar, aron mopahulay lang kadali sa pagsayaw-sayaw, ug mipalayo niining mga babaye. Ug nahitabo nga mitan-aw siya, paingon ngadto sa koral. Dihay migawas nga usa ka luoy'ng dalaga, nga medyo nagkagidlay kon tan-awon. Ug aduna siya'y usa ka hugasanan og mga plato nga puno og tubig, og gihugasan niya ang mga gikan-an. Ug naghunahuna ang maong lalaki, “Wala ko pa gyud siya sukad

nakita. Ako—nahibulong ko kon asa kaha siya gikan?” Busa nakadesisyon siyang moadto sa may kilid sa—sa bilding nga tuloganan sa mga trabahante, ug miadto ang lalaki didto ug mibalik, sa kilid sa koral, ug natagbo niya ang maong dalaga.

⁸¹ Nakatiniil ra siya. Mihunong siya. Padayon ra nga nakaduko ang iyang ulo. Nakita man niya kung si kinsa kadto, ug naulaw kaayo siya. Nakaila man siya niining bantugan nga batan-ong lalaki. Ug usa ra siya ka ig-agaw niining uban pang mga dalaga. Ang ilang amahan mao’y kapatas niining halapad nga ransohan sa kompanyang Armour, busa nagpabilin silang. . . Nagsige lang siya’g duko. Naulaw man gud siya nga nakatiniil lang.

⁸² Miingon ang lalaki, “Unsa’y ngalan nimo?” Gisultihan niya siya. Miingon, “Nganong wala man ka didto sa. . .kon diin atua silang tanan?” Ug medyo naghimo na lang siya og mga pasumangil.

⁸³ Ug busa, pagkasunod gabii, gibantayan na usab niya ang maong dalaga. Sa katapusan. . .Naglingkod na siya sa gawas didto. Ug nagsugod na silang tanan sa pagsadya-sadya, og tanan na. Siya—naglingkod na siya sa koral ug naghulat sa dalaga nga moabot, pag ilabay na niini ang hinugasang tubig. Ug nakita niya siya. Ug iyang giingnan siya, ingon niya, “Kabalo ba ka sa tinuod kong katuyoan sa pag-anhi dinhi?”

Miingon ang babaye, “Wala, sir, wala ko kabalo.”

⁸⁴ Miingon, “Ang akong katuyoan sa pag-anhi dinhi mao ang pagpangita og usa ka mapangasawa.” Ingon niya, “Nakita ko kanimo ang usa ka kinaiya nga wala kanila.” Ginahunahuna ko ang Iglesia, nakita n’yo. Ingon pa, “Pakaslan mo ba ako?”

Ingon siya, “Ako? Ako? Ako—dili ko mahunahuna ang ingon-anang butang, ako.”

⁸⁵ Kita n’yo, anak kadto sa pinaka agalon. Panag-iya niya ang tanang mga kumpanya ug mga ransohan sa tibuok nasud, ug tanan na, nakita n’yo. Miingon, miingon, “Oo.” Miingon, “Ako—wala gyud ko’y makita ni usa sa Chicago. Ako—gusto ko og usa ka tinuod nga mapangasawa. Gusto ko og usa ka mapangasawa nga may maayong kinaiya. Ug ang butang nga akong ginapangita, nakita ko kini kanimo.” Ingon pa, “Magpakasal ka ba kanako?”

Ingon siya, “Bueno. . .” Nakurat siya niadto. Ug miingon siya, “Oo.”

⁸⁶ Ug miingon ang batan-ong lalaki, “Bueno. . .” Miingon kaniya nga mobalik ra siya. Ang ingon, “Karon, i-andam lang ang imong kaugalingon, ug usa ka tuig gikan karon mobalik ako. Bueno. Ug kuhaon ta ka, ug ipahilayo ta ka gikan dinhi. Dili mo na kinahanglan pang motrabaho nga sama niini. Kuhaon ko ikaw. Ug moadto ko sa Chicago, ug patukoran ko ikaw og usa ka balay maingon sa wala mo pa nakita sukad.”

87 Ingon siya, “Wala ako’y, wala—wala pa gyud ko nagkaaduna sukad og usa ka panimalay. Usa man ako ka ilo,” ingon siya.

88 Ingon niya, “Patukoran ko ikaw og balay, usa ka tinuod nga panimalay.” Ingon pa, “Mobalik ra ko.”

89 Padayon siyang nagpakigsayod sa maong dalaga, niadtong panahona, sa tibuok tuig. Gibuhat sa dalaga ang tanan nga mahimo niya, aron makatigum og igong kuwarta gikan sa iyang usa-ka-dolyar-kada-adlaw, o unsa man nga mahatag sa iyang pagpuyo didto, aron makapalit sa iyang sinina pang-kasal. Hingpit nga tipo sa Iglesia! Kita n’yo? Kita n’yo? Giandam na niya ang iyang mga bisti.

90 Ug, kabalo mo, sa dihang gipakita niya kining sinina pang-kasal, ang iyang—iyang mga ig-agaw miingon, “Aba, ikaw nga makaluluoy’ng, hangal nga babaye. Ang buot mo bang ipasabot nga ang usa ka lalaki nga sama niadto magkagusto kanimo?”

91 Ingon siya, “Apan gisaraan niya ako.” Amen. Miingon, “Nagsaad siya.” Ingon pa, “Ginatoohan ko ang iyang pulong.”

92 “Oh, gitinontohan ka lang niya.” Giingnan, “Kung mopili man siya og mapangasawa, siguradong usa gyud kanila ang pilion niya.”

93 “Oo,” miingon, “apan nagsaad man siya kanako. Nagapaabot ako niana.” Amen. Ako, usab.

94 Busa, nagkaduol kadto ug nagkaduol. Sa katapusan miabot ra gyud ang maong adlaw, sa usa ka pihong oras maatua na siya didto, busa gisul-ob na niya ang iyang bisti. Ug wala na gani siya nakabalita sa maong batan-ong lalaki. Apan nasayod gayud siya nga maatua kini didto, busa nakabisti na siya sa iyang sinina pang-kasal, og giandam na niya ang mga butang.

95 Bueno, dayon nangatawa gayud sila didto. Tungod kay, ang pinaka agalon nagpahibalo man sa—sa kapatás, o—o sa . . . Wala ni usa sa mga babaye ang nakahibalo og unsa man mahitungod niini, mao nga usa kadto ka tinagong butang para kanila. Mao kana sa karon, usab. Mao gayud.

96 Apan kining maong dalaga, dili igsapayan niadtong tanan, misalig lang gayud siya sa gisulti sa lalaki kaniya nga mobalik siya para kaniya.

97 Busa, nangatawa gyud sila. Ug naghinawiray sila sa usa’g usa ug nanagsayaw sa iyang palibot. Miingon, “Ha!” Nangatawa, kabalo na mo, nga sama niana, og miingon, “Makaluluoy’ng, gamay’ng, hangal nga babaye!”

98 Mitindog lang siya didto, og wala man lang siya namula. Gigunitan niya ang iyang mga bulak. Ug nakahan-ay gayud ang iyang sinina pang-kasal; human na ang iyang pagpanglimbasog, kabalo na mo. “Ginaandam na sa Iyang Pangasaw-onon ang Kaugalingon Niini.” Kita n’yo? Padayon niyang gigunitan ang iyang mga bulak, nga nagahulat.

⁹⁹ Ingon sila, “Karon, gisultihan ta ka nga nasayup ka. Kita mo, dili siya moabot.”

Miingon, “Aduna pa ko’y lima ka minuto.” Ang ingon, “Moabot siya dinhi.”

Oh, nangatawa lang sila!

¹⁰⁰ Ug halos igo lang nga mipitik ang karaang orasan ngadto sa lima ka minuto, nadungog nila ang mga kabayo nga nagadagan, ang tingog sa mga balas ilalum sa mga ligid. Mihunong ang karaang karwahi.

¹⁰¹ Midagan dayon ang dalaga gikan sa taliwala nila, ug migawas sa pultahan. Ug milukso pud ang batan-ong lalaki gikan sa karwahi, ug migakus siya kaniya. Ingon niya, “Tapos na ang tanan karon, palangga.” Gibiyaan na niya ang luoy niyang ig-agaw nga mga denominasyon nga nagalingkod didto, nagatan-aw. Siya—miadto na siya sa Chicago, ngadto sa iyang balay.

¹⁰² May nahibaloan ako og usa pud ka halangdong saad nga sama niana, usab, karon. “Miuna na Ako aron sa pag-andam og usa ka dapit alang kaninyo; unya magabalik Ako aron dawaton kamo.” Mahimong moingon sila nga mga buang-buang kita. Apan, igsoon, para kanako, karon mismo, ug ingon nga kining Mga Selyo ginaablihan na nga sama niini, ilalum niining supernatural nga butang, halos madungog ko na ang tingog, samtang nagapitik kanang orasan sa panahon paingon sa Eternidad. Halos makita ko na kanang Manulonda nga nagabaraug dinha ug nagaingon, sa kaulahian nianang Mensahe sa ikapitong manulonda, “Matapos na ang panahon.” Kanang gamay’ng, maunungon nga Pangasaw-onon magakayab na paingon sa mga bukton ni Jesus usa sa niining mga adlaw, og pagadalhon na ngadto sa Balay sa Amahan. Palandungon nato kining mga butanga karon sa atong pagpadayon.

¹⁰³ Matikdi n’yo ang ministerio sa leon, ang Pulong; ang laking baka, ang pagpamuhat ug pagsakripisyo; ang pagkamaalamon, sa mga repormador; ug ang—ang kapanahonan nga agila, nga nagasulod, aron ipadayag ug ipasabot kining mga butanga ug ipakita kini.

¹⁰⁴ Karon atong nahibaloan, sa panerbisyo kagabii, usab, ang dakung misteryong naablihan uban niini nga Selyo, nga bug-os gayud nga sukwahi sa nauna kong pagsabot. Abi ko nga husto kadto, ngani kanunay kong gidahum nga silang mga kalag nga anaa ilalum sa halaran mao ang nahaunang mga Cristohanong martir. Apan hingsayran nato, kagabii, sa dihang giablihan sa atong Ginoong Dios kadto nga Selyo para kanato, bug-os diay kana nga imposible. Dili sila diay kadto. Atua na sila sa Kahimayaan, didto na mismo sa pikas, ug atua na sila didto. Hingsayran pud nato nga sila’y mga Judeo nga manungha sa ilang panahon, kon diin ang . . .

¹⁰⁵ Karon sugod sa pagtawag, sa usa ka gatus kap-atan ug upat ka libo, nga atong masayran karong gabhiona ug ugma. Ug—ug tali sa Ikaunom nga Selyo ug Ikapitong Selyo, gitawag ang maong usa ka gatus kap-atan ug upat ka libo.

¹⁰⁶ Ug dayon hingsayran nato, nga sila’y mga martir nga gipangpatay, ug bisan pa niana . . . Nanagsul-ob sila og maputi nga mga bisti, apan ang ilang mga ngalan nakasulat sa Basahon sa Kinabuhi sa Cordero. Ug gipanghatagan sila og maputi nga mga bisti, ang matag usa kanila. Ug nasabtan nato kana. Ug wala ka na’y lain, sigurado ko, kondili kanang pundok sa—sa mga Judeo nga nanag-antus na sa wala pa miabot ang dakung kasakitan. Kaniadtong, panahon sa kaulahiang mga gubat, sila’y . . . sila’y . . . Kinahanglan man sila nga pagadumtan sa tanang tawo. Ug gipamatay ni Eichmann ang minilyon kanila didto sa Germany. Nadungog n’yo na ang mahitungod sa pagbista. Gipamatay ang minilyon nga mga inosenteng tawo, mga Judeo, tungod lang kay mga Judeo sila; wala na’y uban pang hinungdan.

¹⁰⁷ Miingon ang Biblia dinhi, nga, “Gipamatay sila tungod sa ilang pagpanghimatuod sa Dios, tungod sa—sa Pulong sa Dios, ug sa pagpanghimatuod nga ilang gihimo.” Karon nahibaloan nato nga ang Pangasaw-onon mao ang Pulong sa Dios ug ang pagpamatuod ni Jesus Cristo. Ang mga niini walay pagpamatuod ni Jesus Cristo.

¹⁰⁸ Ug nahibaloan pud nato nga nagaingon ang Biblia, nga, “Ang tibuok Israel, ang gipili-nang-daan nga Israel, pagaluwason,” Mga Taga-Roma 11. Karon nasayod kita niana. Ug dinha nato nakita kana nga mga kalag.

¹⁰⁹ Karon tan-awa kung unsa ka duol. Nganong wala man kini napadayag kaniadto? Tungod kay wala pa man kini nahitabo. Karon makita na ninyo kini, nakita n’yo. Kita n’yo, ang halangdong Balaang Espiritu, nga nakita na kana nga mga butang sa tanang kapanahonan ug mga panahon. Ug karon nahipadayag na kini, ug dayon tan-awon n’yo balik ug makita n’yo nga Kamatuoran kana. Ingon niana kini.

¹¹⁰ Karon, ang—ang mga martir kadto sa kasakitan, o sa kasakitan kaniadto nga wala pa ang dakung kasakitan, tungod ni Eichmann. Karon, ginatipo lang nila ang mga martir sa usa ka gatus kap-atan ug upat ka libo, nga atong makita, tali sa Ikaunom ug Ikapitong Selyo. Kita n’yo?

¹¹¹ Ug usa lang ka butang ang Ikapitong Selyo, kana lang, ug ingon-niini, “Adunay kahilum sa Langit sulod sa tunga sa oras.” Ug karon ang Dios lang ang makapadayag niana. Wala gani kini gisimbolo, sa bisan asa. Ugma sa gabii kana. Iampo n’yo ako. Kita n’yo?

¹¹² Karon, mamatikdan nato karon, sa atong paghisgot sa Ikaunom nga Selyo. Karon hinaut nga tabangan kita sa

Langitnong Amahan samtang hisgotan nato karon kining Ikaunom nga Selyo. Karon kining ika-12 nga bersekulo sa ika-6 nga kapitulo.

Ug nakita ko sa dihang iyang...giablihan ang ikaunom nga selyo, ug, ania karon, miabot ang usa ka dakung linog; ug ang adlaw nahimong maitum ingog panapton nga hinimog maitum nga balhibo, ug ang tibuok nga bulan nahimong daw dugo;

Ug ang mga bitoon sa langit nangahulog sa...yuta, sama sa higuera sa nangapulak ang iyang mga linghod nga igos, sa diha nga kusokusohon na kini sa makusog nga hangin.

Ug ang mga langit nahanaw maingon sa usa ka basahon pag gilukot kini; ug ang tanang kabukiran ug tanang kapuloan nangabalin gikan sa ilang mga dapit.

Ug ang mga hari sa yuta, ug ang mga kadagkuan, ug ang mga dato, ug ang mga heneral, ug ang mga kugan, ug ang tanan nga ulipon...ug ang tanan nga may kagawasan, nanagtago sa mga lungib ug sa mga pangpang sa kabukiran;

¹¹³ Matikdi n'yo dinha? Tan-awa sila, “mga kugang tawo,” kita n'yo. Unsa ma'y gibuhath nila? “Nadawat nila ang bino sa kaisug sa pagpakighilawas sa bigaon.” Kita n'yo? Eksaktong pareho gyud kana nga matang sa mga nanag-inom sa iyang bino. Kita n'yo?

Ug nanag-ingon sa kabukiran ug kapangpangan, Tumpagi kami, ug taboni kami gikan sa nawong sa nagalingkod sa trono, ug gikan sa kapungot sa Cordero:

Kay nahiabot na ang dakung adlaw sa iyang kapungot; ug kinsa ba'y arang makabangbang niini?

¹¹⁴ Daw sa unsa nga pasiuna alang sa...Kita n'yo, ang mangangabayon niining tungora, ang mga mananap sa maong mga mangangabayon, ug ang mibatok nga Mga Mananap, wala na. Dayon, atong nahisgotan, og atong nasayran ang mahitungod sa mga martir nga anaa ilalum sa Trono. Karon kini, niadtong panahona, kini nga mga martir mao ang tinuod nga Orthodox nga mga Judeo nga nangamatay tungod sa Cristohanong pagtoo...o tungod diay sa—sa pagtoo sa ilang relihiyon, tungod kay dili man sila mga Cristohanon.

¹¹⁵ Hinumdumi, nga gibutahan sa Dios ang ilang mga mata. Ug sila'y mamahimong buta sa dugay nga panahon, hangtud nga pagakuhaon na ang Iglesiang Gentil. Tungod kay, wala man nagapakighilambigit ang Dios nianang duha ka matang sa katawhan sa mao rang higayon, tungod nga sukwahi kana kaayo sa Iyang Pulong.

116 Hinumdumi, nagapakighilambigit Siya sa Israel ingon nga usa ka nasud, sa kanunay. Ang nasud kana sa Israel.

117 Ang mga Gentil, ingon nga mga indibiduwal, “usa ka katawhan nga gikuha gikan sa mga Gentil.” Ug kinahanglan nga, ang Gentil, kinahanglan maglangkob. . . maglangkob sa tanang mga tawo sa kalibutan, busa karon ug unya aduna usab og Judeo nga makaapil niana. Kita n’yo? Sama sa—sama sa Arabiano, ug Irish, ug Indiano, ug unsa pa man, mga tawo kana tanan sa kalibutan, nga maglangkob niining pungpong sa Pangasaw-onon. Kita n’yo?

118 Apan, karon, paghisgotan na ang mahitungod sa pagpakighilambigit sa Israel nianang panahona, sa niining kaulahiang bahin sa ika-setenta nga semana, magapakighilambigit ang Dios kanila ingon nga usa ka nasud, pag tapos na ang mga Gentil. Haduol na ang maong takna, ug mahimo nga kining gabhiona na mismo, nga ang Dios bug-os nang motalikod sa mga Gentil, sa tanan-tanan. Eksakto gayud! Mao’y gisulti Niya. “Ilang pagayatakan ang mga paril sa Jerusalem hangtud nga matapos na ang dispensasyon sa mga Gentil, tapos na ang mga panahon.” Oo, sir!

119 Ug dayon, “Ang mahugaw magmahugaw gihapon siya; siya ang matarung magmatarung gihapon siya.” Kita n’yo?

120 Wala na ma’y Dugo sa halaran sa—sa—sa sant—. . . sa santuwaryo, wala na gayud. Wala na’y Dugo sa halaran. Giwagtang na ang Halad, ug wala na’y unsa man kondili aso ug kilat ug paghukom na lang ang anaa dinha. Ug eksaktong ingon niana usab ang gibubo dinhi karong gabhiona. Kita n’yo, gibiyaan na sa Cordero ang. . . Iyang pagpatigpataliwalang buluhaton. Tapos na ang pagpatigpataliwalang buluhaton, didto sa Trono. Ug ang Halad, sumala sa atong bug-os nga pagtipo Kaniya, ang Kabanay’ng Manunubos, ang dugoan nga Cordero nga miduol didto. Usa ka Cordero nga gipatay, Usa ka dugoan, gipatay, napangos, ang miduol didto ug gikuha ang Basahon gikan sa Iyang kamot. Mao na kana, pag matapos na ang mga adlaw. Karon moabot Siya aron angkonon na ang Iyang mga gitubos. Amen! Nagapakurog kana mismo kanako!

121 Nahibaloan nato karon, nga miingon si Juan, “Nakita ko sa dihang Iyang giablihan ang Ikaunom nga Selyo, adunay usa ka dakung linog,” dayon mihunong ang tibuok kinaiyahan. Kita n’yo?

122 Dugay nang nagapamuhat ang Dios og gamhanang mga butang, sama sa pagpang-ayo sa mga masakiton, ug pagpabuka sa mga mata sa buta, ug nagapamuhat og dakung mga buhat.

123 Apan makita nato, dinhi, nga nahugno ang kinaiyahan, oo, ang tibuok mismong kinaiyahan. Tan-awa kung unsay nahitabo, “Ang—ang linog; ang adlaw nahimong itum, ug ang bulan dili na mohatag sa iyang kahayag; ug ang mga bitoon nauyog ug

nangahulog.” Ug, aba, nahitabo gyud ang tanan, kita n’yo, sa panahon mismo sa pag-abli sa Ikaunom nga Selyo. Dinha kana mahitabo, sa gilayon pagkahuman mismo sa pagmantala mahitungod nianang mga martir, kita n’yo. Nga tapos na ang maong mga martir.

124 Karon nakita ninyo nga haduol na kita mismo nianang taknaa karon. Mamahimo gayud, sa unsa mang orasa, kita n’yo, tungod kay andam na gyud ang Iglesia aron Kini mokayab. Apan timan-i, pagmahitabo na kining mga butanga, wala na dinhi ang Pangasaw-onon. Hinumdumi lang, nga gisakgaw na ang Pangasaw-onon, dili na Niya kinahanglan pang agian ang unsa man niana. Panahon na kana sa dakung Kasakitan, ang paglimpyo sa—sa iglesia; gipahamtang na kana kaniya, para maagian niya kana, dili ang Pangasaw-onon. Igahiklin Niya ang Iyang hinigugma. Oo, sir! Siya, gitubos na Siya. Kita n’yo, kana’y morag usa ka . . . Iya kana Mismong mga pinili, Kaugalingon Niya kining pagpili, sama sa kinsa mang lalaki nga mopili og iyang pangasaw-onon. Kita n’yo? Karon, ang linog . . .

125 Mangkumpara kita og mga Kasulatan karon. Ako—gusto kong . . . Aduna ba kamo’y lapis ug papel diha kaninyo? Gusto ko nga aduna mo’y buhaton para kanako. Kung gusto ninyong magsulat, isulat kini, tungod kay, gawas lang kung mas gusto n’yo ang teyp. Karon atong . . . Gusto kong magbasa kamo uban kanako, maingon sa inyong ginabuhat.

126 Ikumpara n’yo ang mga Kasulatan sa niining dakung panghitabo, aron atong makita kining dakung tinago, o misteryo, nga anaa ilalum sa Ikaunom nga Selyo sa Basahon sa Katubsanan. Karon hinumdumi, nga tinago kini nga mga misteryo. Ug ang unom ka Mga Selyo, sa kinatibuk-an, usa ka dakung halangdon nga Basahon, unom lang ka mga basahong-linukot nga gilukot og dungan, ug ginapadayag niini ang tibuok Basahon sa Katubsanan. Sa ingon niana nga paagi giluwat ang tibuok kalibutan.

127 Mao kana’y hinungdan nga mihilak si Juan, tungod nga, kung walay si kinsa man ang puedeng mokuha nianang Basahon, ang tibuok kabuhatan, ang tanan-tanan malaglag gayud. Magabalik kini mismo sa—sa—sa pagka-atom ug pagka-molekula, ug uban pa, ug pagka-cosmic nga kahayag, ug wala na gayu’y mamahimo pang binuhat, tawo, og wala na’y unsa pa man. Tungod kay, giwala man ni Adan ang mga katungod niya nianang Basahon. Gisurender niya kini sa diha nga naminaw siya sa iyang asawa, ug naminaw man ang iyang asawa sa mga pagpangatarungan ni Satanas, imbis unta nga sa Pulong sa Dios. Kita n’yo? Giwala niya kini.

128 Dayon, dili man kini puedeng moadto sa mahugaw’ng mga kamot ni Satanas, nga nagtintal sa babaye aron mosimang, busa mibalik kini ngadto sa orihinal nga tag-iya niini, sama sa

mahitabo sa bisan unsa man nga titulong abstract, kita n'yo. Mibalik mismo ngadto sa orihinal nga tag-iya niini, ug ang Dios, ang Magbubuhay, Nga mao'y naghimo niini. Ug gigunitan Niya kini.

¹²⁹ Ug aduna kini og bayad, ug kini mao ang pagtubos. Adunay kabayaran ang katubsanang, ug wala gyu'y si bisan kinsa ang makabayad niana. Busa, ang ingon sa Dios, naghimo Siya og Iyang mga balaod, Kaugalingon Niyang mga balaod bahin sa usa ka Kabanay'ng Manunubos. Dayon, wala gyud sila'y makaplagan og kinsa man. Ang matag tawo nahimugso man pinaagi sa pagpakighilawas, nahimugso tungod sa pangibog sa pakighilawas; napailalum ang tawo sa orihinal nga sala, tungod kay Satanas ug Eva, mao nga dili kini mahimo sa tawo. Walay unsa man diha kaniya. Walay balaang papa, pari, Doktor sa Divinidad, og bisan kinsa pa siya, dili gyud siya takus. Ug dili pud puede ang Manulonda, tungod kay kinahanglan man nga usa kini ka Kabanay. Siya'y kinahanglan nga usa gyud ka tawo.

¹³⁰ Dayon ang Dios Mismo nahimong usa ka Kabanay, pinaagi sa pagsul-ob og usa ka tawhanong lawas, pinaagi sa ulay nga pagkahimugso. Ug giula Niya ang Iyang Dugo. Dili kadto dugo sa usa ka Judeo. Dili pud kadto dugo sa usa ka Gentil. Dugo mismo kadto sa Dios. Kita n'yo? Miingon ang Biblia, "Giluwat kita pinaagi sa Dugo sa Dios."

¹³¹ Ginadala sa bata ang dugo sa amahan. Nasayod kita niana. Ang lalaki ang nagahatag og hemoglobin. Busa hingsayran nato, sama sa himongaan nga nagapangitlog; mahimo man siyang makapangitlog, apan kung ang sunoy, o ang lalaking manok, wala nakig-uban sa maong himongaan, dili gayud kana mapiso. Dili kana mahimong mapiso. Ang babaye mao lamang ang incubator nga nagadala sa itlog. Apan nagagikan ang itlog. . . Ang maong semilya nagagikan sa lalaki.

¹³² Ug, sa niini nga panghitabo, ang lalaki mao ang Dios Mismo. Mao kana kon nganong ginasulti ko, nga ang paitaas mao'y paubos, ug—ug ang daku mao'y gamay. Ang Dios ingon ka daku kaayo hangtud nga nahimo Siyang, giporma Niya ang Iyang Kaugalingon ngadto sa pagka-gamay'ng butang, sa usa ka gamay'ng semilya sulod sa tagoangkan sa usa ka ulay. Ug didto gihimo Niya ang mga selula ug ang Dugo. Ug nahimugso, ug gipadaku sa yuta. Ug gikan sa ingon-niadto nga matang sa pagkasugod pa lang, walay-sambog, og wala gayu'y pangibog sa pakighilawas, man lang.

¹³³ Ug dayon gihatag Niya kadto nga Dugo, tungod kay nahimo man Siya nga kabanay nato. Ug Siya mao ang Kabanay'ng Manunubos. Ug giula Niya kadto nga Dugo, nga walay-bayad. Dili man Niya kinahanglang buhaton kadto. Gihatag Niya lang Kini nga walay-bayad, aron magluwas.

134 Dayon miadto Siya sa halaran sa Dios, ug nagpaabot didto, samtang bitbit sa Dios ang Basahon sa Katubsanan diha sa Iyang mga kamot. Ug nagatindog didto ang dugoan nga Cordero ibabaw sa altar sa paghalad. Atua ang Cordero, aron mohimo og pagtubos, nagahimo og pagpangaliya.

135 Dayon, daw sa unsa ka mapangahason ni kinsa man nga moingon nga si Maria, o si Jose, o si kinsa mang uban pang mortal, ang puede ra kono mamahimong—mamahimong tigpangaliya! Dili ka puedeng makapangaliya gawas lang kung aduna ka’y Dugo dinha. Oo, sir. “Adunay usa ra ka Tigpataliwala tali sa Dios ug sa tawo, ug kana mao si Jesus Cristo.” Mao kana ang ginaingon sa Kasulatan. Nagabarug Siya didto, ug hangtud nga maluwas na ang kaulahiing kalag; ug dayon motungha Siya aron angkonon kung unsay Iyang gitubos. Oh, daw sa—daw sa unsa Siya ka halangdong Amahan!

136 Karon hinumdumi, karon, kanunay ko nang gitudlo, nga, “Sa baba sa duha o tulo ka saksi, pagapamatud-an ang matag pulong.” Ug, ang Kasulatan, sama ra nga dili ka puedeng mokuha og usa ra ka Kasulatan ug pamatud-an ang unsa man gawas lang kon adunay uban pa niini. Kita n’yo?

137 Kita n’yo, mahimo ko man nga mokuha og usa ka Kasulatan ug moingon, “Milakaw si Judas ug gibitay ang iyang kaugalingon,” mokuha og usa pa ug moingon, “Lakaw ug buhata usab ang mao rang butang.” Kita n’yo? Apan, kita n’yo, dili kana motakdo sa uban pa Niini.

138 Ug nahunahuna ko, nga ilalum niining Ikaunom nga Selyo, sa dihang giablihan Kini sa Balaang Espiritu didto, ug nakita ko kung unsa kadto, dayon nahunahuna ko nga siguro usa ka maayong butang nga hatagan ang klase og usa ka diyutay’ng butang nga lahi karong gabhiona. Kita n’yo? Tungod kay, basin og kapoy na, nga maminaw lang mo kanako nga nagasulti pirmi, busa nakahunahuna ko nga mobuhat kita og usa ka butang nga lahi.

139 Karon matikdi. Naselyohan kining dakung panghitabo ilalum sa Basahon sa misteryo, sa katubsanan. Karon anaa na Kini sa Cordero sa Iyang kamot, og pagaablihan na Kini.

140 Karon atong tan-awon sa Mateo sa ika-24 nga kapitulo, ang Cordero Mismo nga nagapakigsulti. Karon, nasayod ang si kinsa man nga si Cristo mao ang Tagsulat sa maong tibuok Basahon, kung ingon-niana ang hisgotan. Apan mao kini ang Iyang—Iyang pagpamulong dinhi, o ang Iyang—Iyang giwali ngadto sa—sa mga tawo, oo, ngadto sa mga Judeo.

141 Karon gusto ko nga hawiran n’yo ang inyong Basahon nga sama *niini*, Mateo 24 ug Pinadayag 6, sama *niini*. [Gihawiran ni Igsoong Branham ang iyang Biblia nga nakaabli sa niining duha ka kapitulo—Ed.] Ug atong itandi ang usa ka butang dinhi sa makadiyut lang.

¹⁴² Karon, tan-awa kini karon, ug inyong mahibaloan kung unsa—kung unsa gayud kini. Kita n'yo, kung unsay ginapakita sa Cordero *dinhi*, nga eksaktong naka-simbolo, ang Iyang gisulti *dinhi* sa Pulong. Nga ginabuhat ang ingon ka eksakto, busa husto gyud kana. Karon, mao—mao lang gayud kana. Ania ang. . . *Ania* ang usa, nagahisgot Siya mahatungod niini, ug ania kon diin kini nahitabo. Kita n'yo? Kana'y pagkahingpit gayud nga kapanghimatuoran.

¹⁴³ Karon, karon atong tan-awon ang ika-24 nga kapitulo sa San Mateo, ug Pinadayag 6, ug itandi ang ika-24 nga kapitulo sa Mateo. Nasayod kita nga kana mao ang kapitulo nga ginapahinungdan sa matag eskolar, sa matag tawo, aron—aron hisgotan ang mahitungod sa panahon sa Kasakitan. Nagagikan kana sa ika-24 nga kapitulo sa Mateo. Ug karon atong. . . Kung ingon niana man kana, karon atong. . . Tungod, nasayod man kita nga kining Ikaunom nga Selyo mao ang Selyo sa paghukom. Kini mao ang Selyo sa paghukom, eksakto kung unsa gyud Kini.

¹⁴⁴ Karon, kita n'yo, nahisgotan na nato ang—ang pagpangabay sa anticristo. Nakita nato ang pagkayab sa Iglesia; nga tapos na Kini, mikayab na. Dayon nakita 'sab nato ang mga martir, silang mga Judeo kaniadto, nga anaa ilalum sa halaran. Karon ania na ang pagsugod sa paghukom, nganha sa mga tawo nga. . .

¹⁴⁵ Sa niining paghukom nga Kasakitan magagikan ang usa ka gatus kap-atan ug upat ka libong mga Judeo nga gitubos. Pamatud-an ko kaninyo nga sila'y mga Judeo, ug dili mga Gentil. Wala sila'y unsa man nga kahilambigitan sa Pangasaw-onon, wala ni usa ka butang. Ang Pangasaw-onon, nakita nato nga human nang gisakgaw ang Pangasaw-onon. Dili n'yo kana maipahimutang sa bisan asa pang ubang dapit; dili na mobalik pag-usab hangtud sa ika-19 nga kapitulo sa Basahon sa mga buhat.

¹⁴⁶ Karon matikdi, tungod, ang Ikaunom nga Selyo mao ang paghukom nga Selyo sa Pulong.

¹⁴⁷ Karon, *dinhi*, sugdan na nato karon ug atong basahon ang San Mateo, ang ika-24 nga kapitulo. Karon gusto ko lang kamong hatagan sa usa ka butang *dinhi* nga bag-ohay ko lang gipangita, aron hibaloan. Karon, San Mateo, gikan sa 1 hangtud 3, bueno, kon diin kita unang magbasa.

Ug sa pagpahawa ni Jesus, ug milakaw siya gikan sa templo: ug miduol ang iyang mga tinun-an sa pagpakita kaniya sa bahin sa templo.

*Ug miingon siya kanila, Wala ba ninyo makita kining tanan nga mga butanga? sa pagkatinuod nagaingon ako kaninyo, Walay usa. . .ka bato *dinhi* nga igabilin sa ibabaw sa usa ka bato, nga dili pagatumpagon.*

Karon, *ug* (ika-3 nga bersekulo) *sa milingkod siya sa . . . bukid . . . sa mga Olivo, miduol kaniya sa hilit ang mga tinun-an, nga nagaingon, Isulti kanamo, kanus-a kining mga butanga mahitabo? . . . unsa ang ilhanan sa imong pag-anhi, ug sa katapusan sa kalibutan?*

148 Karon mohunong 'sa 'ta dinha. Kining tulo ka bersekulo, nahitabo kini, sa tinuod lang, Martes sa hapon, ikaupat sa Abril, A.D. 30. Ug ang unang duha ka bersekulo nahitabo niadtong hapon sa . . . sa ikaupat sa Abril, sa A.D. 30. Ug ang ika-3 nga bersekulo nahitabo usab niadtong Martes sa gabii sa mao gihapon nga adlaw. Kita n'yo?

149 Nangadto sila sa templo, ug gipangutana nila Siya niining mga butanga. "Unsa man ang bahin *niini*? Ug unsa man 'sab ang bahin *niini*? Tan-awa kining dakung templo! Dili ba kini maanindot?"

Ingon Siya, "Walay mahibilin nga usa ka bato sa ibabaw sa usa pa ka bato."

150 Dayon misaka Siya sa bukid ug milingkod didto, kita n'yo. Didto, didto na Siya nagsugod; sa kahaponon kadto. Ug sa miduol na ang mga tinun-an, gipangutana nila Siya didto, miingon, "Gusto namong mahibaloan ang mahitungod sa pipila ka mga butang."

151 Karon matikdi, ania—ania ang tulo ka pangutana nga gipangutana sa mga Judeo, nga Iyang tinun-an. Tulo ka pangutana ang gipangutana. Karon matikdi. "Unsa," una, una, "Unsa . . . ? Kanus-a kining mga butanga mahitabo, sa dihag, 'Wala na'y mahibilin nga usa ka bato ibabaw sa usa pa ka bato?'" "Unsa ma'y ilhanan sa Imong Pag-anhi?" ikaduha nga pangutana. "Ug sa katapusan sa kalibutan?" Kita n'yo kana? Adunay tulo ka pangutana.

152 Karon, dinha nagakasayup ang daghang mga tawo. Ginaaplikar man gud nila kining mga butanga dinhi ngadto sa kung unsa nga kapanahonan kaniadto, nga unta, nakita man ninyo, nga nagtubag Siya og tulo ka pangutana. Sila . . .

153 Matikdi karon kung unsa—kung unsa ka maanindot kining, ika-3 nga bersekulo, kita n'yo, ang ulahing mga pulong dinha sa ika-3 nga bersekulo. "Ug unsa ang mamahimong . . . ?" Una, gitawag nila Siya ngadto sa bukid sa mga Olivo didto, sa hilit. "Isulti kanamo, kanus-a kining mga butanga mahitabo?" numero uno kana nga pangutana. "Unsa ang ilhanan sa Imong Pag-anhi?" numero dos nga pangutana. "Ug sa katapusan sa kalibutan?" numero tres nga pangutana. Kita n'yo? Adunay tulo ka nagkalain-laing mga pangutana ang gipangutana. Karon, karon gusto ko nga mopakli kamo ug matikdi kung giunsa pagsulti ni Jesus kanila ang mahitungod niining mga butanga.

154 Oh, pagkaanindot gayud niini! Ako . . . Nagapahimo gyud kini kanako . . . Ako—ako—nakuha ko ang . . . Unsa gani kadtong

pulong nga atong gigamit niadtong miaging gabii? [Nagaingon ang kongregasyon, “Kadasig.”—Ed.] Ang kadasig tungod sa kapadayagan! Himatikdi!

¹⁵⁵ Karon atong balikan karon ang Unang Selyo sa—sa Mga Selyo niini nga Basahon, ug itandi kining Unang Selyo sa niining unang pangutana.

¹⁵⁶ Ug ang matag pangutana, itandi kana mismo, ug tan-awa kung dili ba kana nagakatakdo, sama sa ato nang gibuhat sa tanan niining uban pang mga pag-abli, ngadto sa mga kapanahonan sa iglesia ug sa tanan na, nga eksaktong pareho gayud. Tan-awa ang maong Selyo, nga hingpit nga giablihan, kung ingon-ana. Matikdi, ha. Karon basahon nato, una, para sa... “Dayon mitubag Siya kanila...” Ug—ug dayon Siya—mosugod na Siyang motubag karon, ug gusto natong itandi kini sa Mga Selyo.

¹⁵⁷ Karon matikdi. Ang Unang Selyo mao ang Pinadayag 6:1 ug 2. Karon basahon nato ang 6:1 ug 2.

Ug—ug nakita ko...ang Cordero sa dihang iyang giablihan ang usa sa pito ka mga selyo, ug nadungog ko, ang usa sa upat ka mga buhing binuhat nga nagaingon, sa tingog nga daw usa ka dalugdog, Umari ka ug tan-awa.

Ug nakita ko, ug tan-awa ang usa ka maputi nga kabayo: ug ang nagakabayo niini may usa ka pana; ug kaniya gihatag ang usa ka purongpurong: ug siya milakaw nga nagmadaugon, ug aron sa pagpangdaug.

¹⁵⁸ Kinsa man kining tawo nga atong makita? [Nagaingon ang kongregasyon, “Anticristo.”—Ed.] Anticristo. Mateo 24, karon, 4 ug 5.

Ug mitubag si Jesus ug miingon ngadto kanila—ngadto kanila, Magbantay kamo nga walay magapahisalaag kaninyo.

Kay daghan ang moanhi sa akong ngalan, nga manag-ingon, Ako mao si Cristo; ug daghan ang ilang pahisalaagon.

¹⁵⁹ Kita n’yo kana? Anticristo. Mao kana ang Selyo. Kita n’yo? Kita n’yo? Gisulti niya kana *dinhi*; ug *dinhi* nag-abli sila og usa ka Selyo, ug ania siya, nga ingon ka klaro.

¹⁶⁰ Karon ang Ikaduhang Selyo, Mateo 24:6, Pinadayag 6:3 ug 4. Karon matikdi ninyo, Mateo 24:6. Karon akong tan-awon kung unsay ginaingon niini.

Ug makadungog kamo og mga gubat ug mga dungogdungog mahitungod sa mga gubat: pagbantay kamo nga dili kamo makuyawan: kay kinahanglan nga manghitabo kining tanang mga butanga, apan dili pa mao ang katapusan.

161 Bueno, basahon na nato ang Ikaduhang Selyo, Pinadayag 6:3 ug . . . Dos. Matikdi kung unsay ginaingon Niya karon.

Ug sa pag-abli niya sa ikaduhang selyo, ug nadungog ko ang ikaduhang buhing binuhat nga nagaingon, Umari ka . . . tan-awa.

Ug migula ang lain na usab nga kabayo nga mapula: ug ang nagkabayo niini gitugotan sa pagwagtang sa pagdinaitay gikan sa yuta, ug aron ang mga tawo magpinatyanay ang usa sa usa: ug siya gihatagan og usa ka dakung espada.

162 Sa hingpit, ka eksakto gayud! Oh, gusto kong ang Kasulatan ang motubag sa Kaugalingon Niini Mismo. Kamo 'sab dili ba? [Nagaingon ang kongregasyon, "Amen."—Ed.] Ang Balaang Espiritu ang nagsulat Niining tanan, apan mahimo pud Niyang ipadayag Kini.

163 Karon himatikdan nato ang Ikatulong Selyo. Karon, kini mao ang kagutom. Karon, Mateo 24:7 ug 8. Basahon nato ang 7 ug 8, sa Mateo.

Ug magatindog ang nasud batok sa nasud, ug ang gingharian batok sa gingharian: ug moabot ang mga gutom, . . . mga kamatay, . . . mga linog, sa nagkalainlaing mga dapit.

Kining tanang mga butanga mao lamay sinugdanan sa kasakit.

164 Kita n'yo, nagakaduol na kamo mismo karon. Karon, Pinadayag, sa ika-6, karon ablihan nato ang Ikatulong Selyo. Makita kini sa Pinadayag 6:5 ug 6.

Ug sa pag-abli niya sa ikatulong selyo, ako—nakita ko ang ikatulong buhing binuhat nga nagaingon, Umari ka ug tan-awa. Ug nakita ko, ug ania karon ang usa ka maitum nga kabayo; ug ang nagkabayo niini may timbangan diha sa iyang kamot.

Ug nadungog ko ang usa ka tingog nga diha sa taliwala sa upat ka mga buhing binuhat nga nagaingon, Sa usa ka litro . . . usa ka denario . . . Kinahanglan usa ka denario ang bili sa usa ka litrong trigo, ug kinahanglan usa ka denario ang bili sa tulo ka litrong cebada; ug ayaw pag-unsaa ang lana ug . . . bino.

165 Kagutom! Kita n'yo, eksaktong mao ra gihapon nga Selyo, mao ra gihapong butang nga gisulti ni Jesus. Oo.

166 Ikaupat nga Selyo, "mga kamatay" ug "kamatayon." Matikdi, ang Mateo 24. Basahon nato ang—ang ika-8 nga bersekulo, ika-7 ug ika-8, nagtoo ko nga mao kini, ang mahitungod niining Ikaupat nga Selyo, nga aduna ako dinhi. Bueno.

167 Karon, unsa ma'y akong nabasa dinhi? May nabasa ba ako nga sayup? Oo, gimarkahan ko kana. Oo, ania na kita. Karon magpadayon kita. Karon magpadayon na kita. Okey, sir.

168 Karon magsugod kita dinhi sa ika-7, bahin niining, Ikaupat nga Selyo; ug sa 6:7 ug 8 pud, sa laing usa pa, sa Pinadayag.

169 Karon atong tan-awon ang ika-7 ug ika-8 sa Mateo 24. Sige, karon.

Ug magatindog ang nasud batok sa nasud, ug ang gingharian batok sa gingharian: ug moabot ang mga gutom, . . . mga kamatay, . . . mga linog, sa nagkalainlaing mga dapit.

Kining tanang mga butanga mao lamay sinugdanan sa kasakit.

170 Karon ang Ikaupat nga Selyo, sumala sa atong pagbasa niini dinhi, mao ang . . . Ang Ikaupat nga Selyo, nagsugod sa ika-7 ug ika-8, sa niining usa pa karon.

Ug sa pag-abli niya sa ikaupat nga selyo, ug tan-awa . . . ang ikaupat nga buhing binuhat miingon, Umari ka ug tan-awa.

Ug nakita ko, ug ania karon ang usa ka kabayo nga maluspad: . . .

171 Karon kadali lang. Sayup ang pagkasulat ko niini. Oo. Oo. Karon kadali lang, ha, 7 ug 8.

172 Atong tan-awon, ang Mateo 24:7 ug 8. Karon atong tan-awon. Kuhaon nato kana. Mao kana ang Ikatulong, pag-abli, dili ba? [Nagaingon ang kongregasyon, "Amen."—Ed.] Mateo 24:7 ug 8. Pasayloa ko. Karon, kana ang pag-abli sa ulan, o sa kagutom, ang pag-abli sa kagutom. Oo.

173 Karon, ang "mga kamatay" ug "kamatayon." Oo, sir. Karon moadto na kita niini, 7 ug 8. Karon, kana ang mamahimong Ikaupat nga Selyo. Tan-awon nato kon diin ba nato gikuha ang Ikaupat nga Selyo. "Ug sa pag-abli niya sa Ikaupat—Ikaupat nga Selyo . . ." Oo, mao kana ang nagasakay sa maluspad-nga-kabayo, "Kamatayon," kita n'yo.

Ug—ug nakita ko, ug ania karon ang usa ka kabayo nga maluspad: ug siya . . . kabayo nga maluspad: ug ang nagakabayo niini may ngalan nga gitawag og Kamatayon, ug nagasunod ang Hades . . . niini. Ug gihatagan kini og pagbulot-an sa upat- . . . ka mga bahin sa yuta, sa pagpatay pinaagi sa espada, ug sa gutom, ug sa kamatay, ug pinaagi sa mga mapintas nga mananap sa yuta.

174 Karon, kita n'yo, kana mao ang "Kamatayon."

175 Karon, ang Ikalimang Selyo, Mateo 24:9-13. Atong tan-awon kung husto ba ang pagkasulat ko niini, karon, usab. Kita n'yo?

Ug unya ila kamong itugyan ngadto sa kasakitan, ug pagapatyon kamo (tan-awa): ug pagadumtan kamo sa tanang mga nasud tungod sa akong ngalan. Ug sa dihang. . .

Ug unya daghan ang magabudhiay. . .daghan ang mangapangdol, ug magabudhiay ang usa'g usa, ug magadumtanay ang usa'g usa.

Ug motungha ang daghang mini nga mga propeta, ug. . .magapahisalaag sa kadaghanan.

Ug tungod kay mosanay man ang kadautan, mobugnaw ang gugma sa kadaghanan.

Apan siya nga. . .molahutay hangtud sa katapusan, mamaluwas.

¹⁷⁶ Karon, ania na kita sa Ikalimang Selyo karon. Ug kana mao'y kagabii, kita n'yo. "Ila kamong igatugyan, og magabudhiay ang usa'g usa," ug uban pa.

¹⁷⁷ Karon matikdi n'yo dinhi sa ika-6, nga Selyo, 6:9 hangtud 11. Karon basahon nato kanang usa, Pinadayag 6:9 hangtud 11.

Ug sa pag-abli niya sa ikalimang selyo, nakita ko sa ilalum sa halaran ang mga kalag sa mga gipamatay tungod sa pulong sa Dios, ug tungod sa pagpamatuod nga ilang gihimo:

Ug sila nanagsinggit sa makusog nga tingog, nga nanag-ingon, Unsa ba ka dugay. . . Gino, balaan. . . tinuod, ang dili pa nimo. . .paghukom sa mga nanagpuyo sa yuta ug pagpanimalus batok kanila tungod sa among dugo?

Karon, ug ang matag usa kanila gihatagan og maputi ug tag-as nga bisti; ug giingnan sila, nga managpahulay una sa diyutay nga panahon, hangtud nga ang laray sa ilang isigkaulipon ug sa ilang mga kaigsoonan, . . . matuman na, nga pagapatyon usab maingon kanila.

¹⁷⁸ Karon, nakita n'yo, sa ilalum sa Ikalimang Selyo, hingsayran nato—hingsayran nato dinhi ang pagpang-martir.

¹⁷⁹ Ug ilalum sa 24:9 dinhi, atong. . .hangtud 13, hingsayran nato usab nga kadto mao ang mga martir. "Ila kamong igatugyan, ug pagapatyon kamo," ug uban pa. Kita n'yo, mao gihapon nga Selyo nga giablihan.

¹⁸⁰ Karon, diha sa Ikaunom nga Selyo, mao'y usa nga atong hisgotan pud karon, Mateo 24:29 ug 30. 24, ug basahon nato ang 29 ug—ug 30. Ania na kita.

Karon, karon atong basahon, usab, ang Pinadayag 6:12 hangtud 17.

¹⁸¹ Eksaktong mao kana ang bag-ohay lang natong gibasa. Karon paminawa kini, karon, kung unsay gisulti ni Jesus sa Mateo . . . :29, 24:29 ug 30.

Sa gilayon inig katapos sa kasakitan niadtong mga adlaw. . .

¹⁸² Unsa? Sa diha nga ang. . .kini nga kasakitan, kining diyutay'ng kasakitan nga ilang naagian dinhi, kita n'yo.

. . .ang adlaw mongitngit, ug ang bulan dili na mohatag sa iyang kahayag, ug ang mga bitoon mangatagak gikan sa langit, ug ang mga gahum sa . . . kalangitan mangauyog:

Ug unya magapakita diha sa langit ang ilhanan sa Anak sa tawo: ug unya ang tanang kabanayan sa yuta managminatay, ug ilang makita ang Anak sa tawo nga moabot nga sinapwang sa mga panganod sa langit inubanan sa kagahum ug dakung himaya.

¹⁸³ Karon, mobasa kita dinhi sa Pinadayag karon, ang—ang Ikaunom nga Selyo, ang usa nga atong ginahisgotan karon.

Ug . . .nakita ko sa pag-abli niya sa ikaunom nga selyo, ug, ania karon, miabot ang usa ka dakung linog; ug ang adlaw nahimong maitum ingog panapton nga hinimog maitum (kita n'yo?) nga balhibo, ug ang tibuok nga bulan nahimong daw dugo;

Ug ang mga bitoon sa langit nangatagak sa yuta, sama sa higuera sa nangapulak ang iyang mga linghod nga igos, sa dihang kini . . .kusokusohon na sa makusog nga hangin.

Ug ang kalangitan nahanaw maingon sa usa ka basahon nga gilukot; ug ang tanang kabukiran ug tanang kapuloan . . .nangabalhin gikan sa ilang dapit.

Ug ang mga hari sa yuta, ug ang mga kadagkuan, ug ang mga dato, ug ang mga heneral, ug ang mga kusgan, ug ang tanang ulipon, . . .tanang tawong gawas, nanagtago sa mga lungib . . .sa mga pangpang sa bukid;

Ug nanag-ingon ngadto sa kabukiran ug kapangpangan, Tumpagi kami, ug taboni kami gikan sa nawong sa nagalingkod sa trono, ug gikan sa kapungot—kapungot sa Cordero:

Kay nahiabot na ang dakung adlaw sa iyang kapungot; . . .kinsa ba'y arang makabangbang niini?

¹⁸⁴ Pagkahingpit gayud, atong balikan mismo, og tan-awon kung unsay gisulti ni Jesus karon dinhi sa Mateo 24:29. Paminawa. "Inigkatapos," niining kaso ni Eichmann, ug uban pa.

Dihadiha inigkatapos sa kasakitan niadtong mga adlawa ang adlaw mongitngit, . . . ang bulan dili na—dili na mohatag sa iyang kahayag, . . . ang mga bitoon mangatagak gikan sa langit, . . . ang mga gahum sa . . . langit mangauyog:

Karon matikdi.

Ug unya magapakita diha sa langit ang ilhanan sa Anak sa tawo: ug ilang makita, ug ilang . . . ug unya ang tanang kabanayan sa yuta managminatay, ug ilang makita ang Anak sa tawo nga moabot nga sinapwang sa mga panganod sa langit inubanan sa dakung kagahum ug himaya.

Ug . . . magapadala sa iyang mga manulonda, ug uban pa, ug pinaagi sa . . . tingog sa trumpeta, ug . . . pagatigumon nila sila sa tingub . . . sa upat ka hangin, . . . mingkutaw sa tingub.

185 Kita n'yo, eksakto gayud, pag-itandi kung unsay gisulti ni Jesus sa Mateo 24, ug kung unsay giablihan sa tigpadayag dinhi sa Ikaunom nga Selyo, eksakto gayud. Ug gihisgotan ni Jesus ang mahitungod sa panahon sa Kasakitan. [Ginadukdok ni Igsoong Branham ang ibabaw sa pulpito sa makatulo ka higayon—Ed.] Kita n'yo?

186 Una, gipangutana sa tinun-an kung kanus-a kining mga butanga mahitabo, kung kanus-a magun-ob ang templo. Gitubag ni Jesus kana. Ang sunod nga butang nga iyang gipangutana, kung kanus-a moabot ang panahon . . . Adunay moabot nga kapanahonan sa mga martir. Ug kung kanus-a *kini* mahitabo, pag motungha na ang anticristo; ug sa dihang pagawagtangon na sa anticristo ang templo.

187 Si Daniel, mahimo man natong balikan ug hisgotan si Daniel kaniadto, sa dihang miingon siya nga, moabot kini nga principe. Kamo nga mga magbabasa nasayod niana. Ug unsa ma'y sigurado niyang pagabuhaton? Pagadid-an sa maong principe ang adlaw-adlaw nga paghalad, ug mahitungod sa tanan-tanan na nga mamahitabo nianang panahona. Miingon . . .

188 Bisan, si Jesus, nga naghigot niini, gihatagan kini'g punto. Miingon, "Inig kakita ninyo sa malaglagon nga pasipala, nga gihisgotan sa propeta nga si Daniel, nga nagatindog na sulod sa dapit nga balaan." [Ginadukdok ni Igsoong Branham ang ibabaw sa pulpito sa makatulo ka higayon—Ed.] Unsa man kana? Ang moske ni Omar, pag natukod na kini diha dapit sa templo nga ilang gisunog kaniadto. Miingon, "Sila nga anaa sa mga kabukiran . . . Sila nga anaa sa atop, ayaw na pakanauga aron sa pagkuha og mga butang gikan sa balay, o siya nga anaa sa uma ayaw na pabalika. Kay moabot ang usa ka panahon sa kalisdanan!" Nakita n'yo? Ug mahitabo kining tanang mga

butanga, padayonon nato kini karon ug panghimatud-an kini, pag-usab sa niining pag-abli sa Ikaunom nga Selyo.

¹⁸⁹ Karon gusto kong himatikdan ninyo. Si Jesus. . . Karon, mahitungod ugma sa gabii, bahin Niini, gilaktawan ni Jesus ang pagtudlo sa Ikapitong Selyo. Wala kini dinhi. Matikdi, midiretso Siya mismo sa mga sambingay, human niana. Ug gilaktawan pud ni Juan ang Ikapitong Selyo. Ang Ikapito, ang kaulahian, ang Ikapitong Selyo, nga usa gayud ka dakung butang. Wala gani Kini nahisulat, kita n'yo. Gilaktawan ang Ikapitong Selyo; pareho nilang gilaktawan. Ug ang tigpadayag, sa dihang miingon ang Dios nga adunay. . . Miingon si Juan, "Aduna lamang og kahilum sa Langit." Wala gayu'y gisulti si Jesus ni usa ka pulong mahitungod Niini.

¹⁹⁰ Himatikdi karon, balik sa ika-12 nga bersekulo, matikdi, walay Mananap. Mao kana ang ika-12 nga bersekulo, sa pagsugod sa atong paghisgot sa maong Selyo, ang makita kini nga giablihan. Walay Mananap, sama sa, buhing mga Binuhat, nga girepresentar dinhi, bisan unsa, nga sama sa Ikalimang Selyo. Ngano man? Mahitabo man kini, gawas na sa kapanahonan sa Ebanghelyo, sa panahon sa Kasakitan. Kining Ikaunom nga Selyo mao ang panahon sa Kasakitan. Mao kana'y mahitabo. Gisakgaw na ang Pangasaw-onon. Kita n'yo? Walay buhing Binuhat o unsa man nianang panahona nga mosulti niini. Kini gayu'y. . . Nianang panahona, wala na nagapakighilambigit ang Dios sa Iglesia; human nang gisakgaw Kini.

¹⁹¹ Sa Israel na Siya nagapakighilambigit, kita n'yo. Kita n'yo, lahi na kini nga panahon, kini mao'y sa diha nga gidawat na sa Israel ang Mensahe sa gingharian, pinaagi sa duha ka propeta sa Pinadayag 11. Hinumdumi, nga usa ka nasud ang Israel, alagad sa Dios, ingon nga usa ka nasud. Ug sa dihang—sa dihang napasulod na ang Israel, mamahimo kining usa—usa ka pang-nasudnon nga panghitabo.

¹⁹² Ang Israel, ang kapanahonan sa gingharian, mao'y kon diin si David. . . ang Anak ni David, ang magalingkod sa trono. Mao kana'y hinungdan nga mituaw kadtong babaye, "Ikaw nga Anak ni David!" Ug si David. . . Ang Anak ni David! Nanumpa ang Dios sa Iyang Kaugalingon, ngadto kang David, nga pagapatindogon Niya ang Iyang Anak nga molingkod sa iyang trono. Usa kini ka walay-katapusang trono. Kita n'yo? Ginghamian nga walay katapusan. Gihatagan kita ni Solomon niini, ingon nga tipo, diha sa templo. Ug giingnan sila ni Jesus dinhi, nga, "Walay usa ka bato nga mahibilin sa ibabaw sa usa sa mga niini." Apan gipaninguhaan lang Niyang isulti kanila dinhi, kung unsay. . . pag mobalik na Siya.

"Kanus-a Ka man mobalik?"

193 “Mahitabo kining mga butanga sa dili pa Ako magabalik.”
Ug ania na kini!

Karon ania na kita sa panahon sa Kasakitan.

Hinumdumi, pag matukod na ang gingharian, sa yuta . . .

194 Karon, siguro medyo makapakurat kini. Ug kung aduna ma’y pangutana, ug mahimo pa ko ninyo—ninyong mapangutana; kung gusto ninyong ihatag ang maong pangutana, human nga matawag kana, ug ipangutana lang kana; kung wala pa, wala pa kamo mahibalo niana.

195 Sa panahon sa Milenyum, ang Israel kana nga nasud, ang maong dose ka banay ingon nga nasud.

196 Apan ang Pangasaw-onon anaa na sa palasyo. Siya ang Rayna nianang tungora. Siya’y gikasal na. Ug ang tanan sa yuta moadto niining siyudara, sa Jerusalem, ug dalhon nila ang himaya nila sulod niini. “Ug ang mga ganghaan niini dili gayud pagasirhan, sa—sa—sa gabii, kay wala na ma’y gabii.” Kita n’yo? Kanunay na nga abli ang maong mga pultahan. “Ug ang mga hari sa yuta,” Pinadayag. . . :22, “managdala sa ilang dungog ug himaya ngadto niini nga siyudad.” Apan ang Pangasaw-onon atua sa sulod niini uban sa Cordero. Oh, grabe! Makita ninyo kana, atua sa sulod niini! Dili. . . Dili mahimong atua sa gawas ang Pangasaw-onon nga nagatrabaho didto sa kaparrasan. Dili, sir. Siya mao ang Pangasaw-onon. Siya mao ang Rayna ngadto sa Hari. Ang uban ang maoy mga nagapangabudlay didto, ang nasud, dili ang Pangasaw-onon. Amen. Okey.

197 Matikdi n’yo kining mga mensahero karon, kining mga mensahero diha sa Pinadayag. . . :12, kining duha ka propeta, magawali sila, “Ang Ginghamian haduol na!” Kita n’yo? Ang Ginghamian sa Langit pagatukoron na man. Sa panahon, sa kaulahiang tulo ug tunga ka tuig sa ika-setenta nga semana ni Daniel, nga gikasaad ngadto sa mga Judeo, nga iyang kabanay. Timan-i karon, nga, pamatud-an ko kana, nga mao kini ang ulahing bahin sa ika-setenta nga semana ni Daniel. Aduna ko’y pangutana mahatungod niana ugma. Kita n’yo?

198 Karon, gikasaad ang kapitoan ka semana, nga mao ang pito ka tuig. Ug sa tunga-tunga sa pito ka semana, pagapatyon ang Mesias, aron himoon nga usa ka halad. Magapropesiya Siya sulod sa tulo ug tunga ka tuig, ug pagkahuman pagapatyon Siya, ingon nga usa ka halad alang sa mga tawo. Ug aduna pa’y gigahin, aduna pa sa gihapon og tulo ug tunga ka tuig alang sa Israel. Dayon, sa dihang gipatay ang Mesias, gibutahan ang mga Judeo aron dili nila makita nga kadto diay ang Mesias.

199 Ug, human, nga gipatay ang Mesias, nan miabot ang Ebanghelyo ug ang kapanahonan sa grasya ngadto sa mga Gentil. Ug nanagduol sila, ug mikuha ang Dios og usa gikan *dinhi* ug *didto*, ug *dinhi* ug *didto*, ug gipahimutang sila ilalum

sa mga mensahero; ug *dinhi* ug *didto*, ug *dinhi* ug *didto*, ug gipahimutang sila ilalum sa mga mensahero.

²⁰⁰ Ug gipadala sa Dios ang unang mensahero, ug nagwali siya, ug gipatingog ang usa ka trumpeta; sa dihang atong balikan kana, pagkataud-taud. Ug, kung ingon-ana, ang trumpeta nagapahayag og gubat. Ang trumpeta kanunay nangahulogan og gubat. Ang mensahero, ang manulonda miabot sa yuta, ang mensahero sa maong panahon, sama ni Luther, og sama ni kinsa man sa mga mensahero nga ato nang nahisgotan. Unsa ma'y ginabuhat niya? Pagnagaabot siya; ug usa ka Selyo ang ginaablihan, ginapadayag; nagatingog ang trumpeta, nagadeklara og gubat, ug nagalahi sila. Ug dayon mamatay ang maong mensahero. Giselyohan niya og gipalahi kini nga grupo; og napasulod sila. Ug usa ka hampak ang magaabot alang niadtong mga nagsalikway Niini. Kita n'yo?

²⁰¹ Unya magpadayon kadtong grupoha, dayon mag-organisa sila, magtukod og usa na usab ka organisasyon. Bag-o lang natong nahisgotan kana. Dayon, adunay motungha nga lahi na usab nga gahum, kita n'yo, usa na usab ka gahum, usa na usab ka kapanahonan sa iglesia, usa na usab ka ministerio. Busa, sa dihang buhaton kana sa anticristo, ania ang Dios nagaabot uban ang Iyang ministerio, sa diha nga ang anticristo nagaabot usab nga uban ang iyaha. Kita n'yo, ang *anti* mao'y "batok." Nagadungan kini sila.

²⁰² Gusto kong himatikdan ninyo ang usa ka gamay'ng butang. Halos sa mao rang panahon niadtong—niadtong miabot si Cain sa yuta, miabot pud si Abel sa yuta. Gusto kong himatikdan ninyo, nga halos sa mao rang panahon niadtong—niadtong miabot si Cristo sa yuta, miabot pud si Judas sa yuta. Halos sa mao rang panahon niadtong mibiya si Cristo gikan sa yuta, mibiya pud si Judas gikan sa yuta. Halos sa mao rang panahon nga miabot ang—ang Balaang Espiritu, miabot pud ang anticristo nga espiritu. Halos sa mao rang panahon nga ginapadayag sa Espiritu Santo ang Iyang Kaugalingon dinhi sa kaulahiang mga adlaw, ginapasundayag pud sa anticristo ang iyang kolor, nga nagatungha pinaagi sa iyang mga pamulitika ug mga ingon-niana. Ug halos sa mao rang panahon nga bug-os nga ginapalihok sa anticristo ang iyang kaugalingon diha sa kals- . . . diha sa esena; bug-os nga ginapalihok usab sa Dios ang Iyang Kaugalingon, aron tubuson kining tanan. Kita n'yo, magkadungan, gayud. Ug silang, duha, magkaabay mismo. Si Cain ug si Abel! [Ginapalakpak ni Igsoong Branham ang iyang mga kamot sa makausa—Ed.] Ang uwak ug ang salampati, didto ibabaw sa arka! Si Judas ug si Jesus! Ug hangtud karon, makita n'yo kana. Halos . . .

²⁰³ Anaa pud kaniadto ang Moab ug Israel; silang duha. Ang Moab dili man usa ka pagano nga nasud. Dili, sir. Nanaghalad pud sila og mao rang halad nga ginahalad sa Israel. Nanag-ampo

sila sa mao ra nga Dios. Eksakto. Ang Moab gitawag-... Usa sa mga anak nga babaye kaniadto ni Lot nga natulog uban sa iyang amahan, ug nanganak tungod niadto. Ug kadto nga anak gitawag og Moab. Ug kaniya naggikan ang kaliwat nga Moab, ang nasud nga Moab.

Ug nakita nila kaniadto ang Israel, ang tinubos nilang igsoon, nga miabot.

²⁰⁴ Sila’y mga pundamentalista. Usa sila ka dakung denominasyon. Walay denominasyon ang Israel; nagapuyo lang siya sa mga balong-balong ug kung asa man sila mahiadto. Apan ang Moab adunay mga tawong hataas og katungdanan, mga hari, ug uban pa. Ug aduna pud sila’y Balaam didto, nga usa—usa ka mini nga propeta. Ug nagkaaduna sila niining tanan. Dayon miadto sila didto aron tunglohon ang ilang luoy’ng igsoon nga nagabiyaha lang paingon sa yutang saad, paingon ngadto sa gikasaad kaniya.

²⁰⁵ Ug sa diha nga padulong na didto ang Israel ug gipangutana niya ang Moab, “Mahimo ba akong moagi sa inyong nasud? Kung ang akong mga baka makainom man og tubig, bayaran ko kana. Kung makakaon man sila og mga sagbot, bayaran ko kana.”

²⁰⁶ Ingon niya, “Dili. Dili kamo puedeng magpahigayon og rebaybal nga sama niana sa palibot dinhi. Husto kana. Dili kamo puedeng magpahigayon og unsa man nga sama niana sa palibot dinhi.”

²⁰⁷ Ug dayon matikdi kung unsay iyang gibuhat. Mibalik siya sa pormang Jezabel, ug miadto didto pinaagi niadtong mini nga propeta, ug nahimo kadtong hinungdan nga nasayup ang mga anak sa Dios. Ug gipaminyo ang mga kababayan-ang Moabitanhon ngadto—ngadto sa Israel, ug naghinungdan og pagpanapaw.

²⁰⁸ Ug gibuhat niya ang mao gihapong butang, sa susamang kapanahonan, sa atong pagpanaw, paingon ngadto sa Yutang saad, nga atong ginapadulngan. Unsa ma’y gibuhat niya? Miabot ang mini nga propeta ug gipaminyo, ug giaghat ang iglesiang Protestante, ug nagpahinungdan kadto og mga denominasyon, nga eksakto gayud kung unsay ilang gibuhat kaniadto didto. [Ginadukdok ni Igsoong Branham ang ibabaw sa pulpito sa makaupat ka higayon—Ed.]

²⁰⁹ Apan nagpadayon lang ang luoy’ng Israel, bisan pa man. Nagbagutbot siya didto sa kamingawan sa dugay nga panahon, ug silang tanan nga mga tigulang na nga manggugubat kinahanglan nga mamatay, apan nagpadayon ra siya mismo paingon sa yutang saad. Oo. Oo. Matikdi silang tanan nga armado gayud, sa wala pa nila gitabok ang Jordan. Ha-ha! Gusto ko kana. Karon paingon na kita niana nga kapanahonan mismo karon, dinhi karon. Himatikdi.

210 Karon hingsayran nato, nga, ang panahon, kanang ulahing (ingon ko nga) tulo ug tunga ka tuig sa kapitoan ka semana ni Daniel.

211 Tugoti kong isaysay pa kana og diyutay karon, tungod kay nakita ko nga may tawo dinhi nga kanunay gyud nga ginabantayan kana, ug ako—gusto kong paningkamotan nga himoong klaro ang akong kaugalingon; ingon nga usa ka magtutudlo.

212 Matikdi sa diha nga patapos na niadto ang kapitoan ka semana. Sa dihang nakita ni Daniel ang panan-awon mahatungod sa panahon nga moabot, ug ang pagtapos sa mga Judeo, apan miingon siya nga adunay gigahin nga kapitoan ka semana. Kana’y pito ka tuig; og sa tunga-tunga niana, aba, maania ang Mesias, o, ug pagapatyon, ingon nga usa ka halad. Karon, eksaktong ingon niana ang nahitabo.

213 Dayon, nakighilambigit na ang Dios sa mga Gentil hangtud nga nagkuha Siya og usa ka katawhan alang sa Iyang Ngalan. Sa dihadia nga nahipagawas na ang Iglesiang Gentil, gilalin na Niya ang maong Iglesia.

214 Ug sa paglalin Niya, ang nagakatulog nga mga dalagang ulay, ang iglesia mismo. . . Gilalin na ang Pangasaw-onon. Ug ang iglesia mismo napahimutang ngadto sa “kangitngitan sa gawas, kon diin adunay paghilak, ug pagdanguyngoy, ug pagkagut sa mga ngipon.” Sa mao rang higayon, gipahamtang ‘sab ang Kasakitan diha sa mga tawo.

215 Ug samtang nagakahitabo ang Kasakitan, ania nagaabot kining duha ka propeta sa Pinadayag 11, aron iwali ang Maayong Balita ngadto sa mga Judeo. Ug magwali sila sulod sa usa ka libo, usa ka gatus. . . ug kan-uman ka mga adlaw. Kita n’yo? Bueno, eksakto gyud kana, nga may traynta ka adlaw sa matag bulan maingon nga aduna usab sa tinuod nga kalendaryo, eksaktong tulo ug tunga ka tuig. Mao kana ang ika-setenta nga bahin ni Daniel, ang kaulahiag bahin sa ika-setenta ka semana. Kita n’yo?

Wala pa nagapakighilambigit ang Dios sa Israel sa karon. Wala pa, sir.

216 Usa ka igsoong lalaki, dili pa lang dugay, ang miingon, “Kinahanglan ko bang moadto sa. . .” Usa—usa ka igsoon dinhi sa iglesia, usa ka bililhon, minahal nga igsoon, ang miingon, “Ako—gusto kong moadto sa Israel. Nagatoo ko nga aduna na’y pagpukaw.”

217 Aduna ‘sab og miingon kanako, “Igsoong Branham, kinahanglan mong moadto sa Israel karon mismo. Makita gyud nila kana.” Kita n’yo, dili ninyo mahimo kana.

Mibarug ko mismo didto, ug nahunahuna ko. . .

218 Miingon sila nga mga Judeo, “Kung ako . . . Bueno, kung kini, kung si Jesus man mao ang—mao ang Mesias,” miingon, “ipakita kanako Siya nga ginabuhat ang ilhanan sa usa ka propeta. Toohan namo ang among mga propeta, tungod kay mao man kana kung unsa ang ginapaabot nga ilang—nga ilang pagabuhaton.”

219 “Pagkamaanindot unta,” nahunahuna ko. “Nga ako makaadto didto!” Sa pag-abot ko didto mismo, haduol na mismo didto, haduol na mismo unta . . . Ako, bueno, atua na ako sa Cairo. Ug gunit ko na ang akong tiket, paingon sa Israel. Ug ingon ko, “Ako, moadto ako, og hibaloon ko kung hangyoon ba nila kana, nga kung makakita lang sila og ilhanan sa usa ka propeta. Tan-awon nato kung dawaton ba gyud nila si Cristo.”

220 Si Lewi Pethrus, sa iglesiang Stockholm, nagpadala kanila og usa ka milyon nga Biblia.

221 Ug nagapauli na ang mga Judeo didto! Nakita n’yo na ang maong retrato. Nakuha ko kana diha sa salida, dinhi mismo sa, *Three Minutes To Midnight*. Ug nagapanguli na silang mga Judeo, nga gikan pa sa tanang bahin sa kalibutan, sa tanang dapit, og hinay-hinay na nga nagakatigum didto.

222 Human nga gisulod kadto sa Englatera, sa panahon ni Heneral Allenby, diha sa *The Decline Of The World’s War*, sa ikaduhang volume niini, siguro dinha gyud kana, ug misurender sila, misurender ang mga Turko, dayon gibalik kadto sa Englatera ngadto sa Israel. Ug padayon na kining milambo ingon nga usa ka nasud, ug karon usa na kini ka bug-os nga nasud: nga may kaugalingon na siyang kuwarta, panalapi, bandila, kasundalohan, ug tanan nang uban pa. Kita n’yo?

223 Ug kini nga mga Judeo, nga nagapamalik na sa ilang yutang-natawhan, sila’y . . . Unang butang, sa dihang gisugat nila sila didto sa Iran, ug didto, aron kuhaon sila, mihangyo sila . . . Ingon sila . . . ingon siya . . . Gusto nilang dalhon sila balik ngadto sa Israel, nga hatagan sila og yuta didto; ipabalik sila sa ilang nasud, sa Palestina, kon diin didto sila angay’ng maatua.

224 Ug, hinumdumi, hangtud nga anaa pa ang Israel gawas nianang yutaa, wala siya sa kabubut-on sa Dios; sama ni Abraham, nga mao’y gihatagan niadto. Ug sa dihang . . .

225 Ayaw nila unta nga mosakay niadtong eroplano. Wala pa man gud sila nakakita sukad-sukad og unsa mang butang nga sama niadto. Ngani adunay usa ka tigulang nga rabbi nga miadto didto, og miingon, “Gisulti baya sa atong propeta, nga, pagmopauli na ang Israel, mahitabo kini ‘diha sa mga pako sa usa ka agila,’” diha sa eroplano, pauli.

226 Atua na siya karon, nga padayon nga nagalambo. Ang kahoy’ng higuera nagasumbalik na! Amen! Ang karaang bitoon ni David nga may unom-ka-tumoy nagakayab na!

227 “Inihap na lang ang mga adlaw sa Gentil, uban ang mabug-at nga kasakit!” Haduol na gyud ang panahon sa Kasakitan!

228 Ug sa pagtindog ko dinhi mismo, ug ingon nga ang mga Selyo naablihan na, ang Iglesia andam na Siyang mokayab sa kahanginan!

229 Ug mosugod ang Kasakitan, dayon monaug ang Dios ug kuhaon ang usa ka gatus kap-atan ug upat ka libo pagawas didto. Amen! Mao kana, oh, hingpit gayud! Nakita n’yo ba kung asa kini ginapaingon sa mga Selyo karon, kita n’yo, ang pag-abli niini? Karon, mao kini ang ulahing tulo ug tunga ka tuig para sa maong mga tawo. Usab, kung namatikdan ninyo, mao kana ang panahon nga pagatawgon na sa Dios kanang usa ka gatus kap-atan ug upat ka libo nga mga Judeo, dinhi niining ulahing tulo ug tunga ka tuig.

230 Kita n’yo, wala gyud Siya nakighilambigit kanila, wala pa gyud. Wala pa pud sila nakabaton og propeta. Dili man sila motoo sa bisan unsa man gawas sa usa ka propeta. Dili mo gayud sila mailad. Busa, magpatalinghug gyud sila sa usa ka propeta, oo, sir, ug kana lang. Kana, ang gisulti sa Dios kanila sa sinugdanan, ug nagpabilin sila mismo niana.

231 Ingon niya, “Ang Ginoo nga inyong Dios magpatindog og usa ka Propeta sa taliwala ninyo, nga sama kanako.” Gisulti kana ni Moises. Ug ingon pa, “Kaniya magapatalinghug kamo. Ug si kinsa man nga dili magpatalinghug niana nga Propeta, pagapoohon gikan sa katawhan.” Husto kana.

232 Ug, nakita n’yo, ang ilang mga mata kinahanglan nga mabutahan, kay kon wala pa naila na unta nila Siya. Imbis nga, nabutahan lang unta, sila’y . . . Nagtugot kadto nga makasulod si Satanas kanila, ug mao nga miingon sila, “Siya’y usa ka manghihimalad, Beelzebub. Ipananingil lang kanamo ang iyang dugo. Nasayod kami nga walay unsa man diha kaniya.” Kita n’yo?

233 Ug gibutahan ang maong makaluluoy’ng mga tawo. Mao kana’y hinungdan nga kadtong grupo nga gipangdakup ni Eichmann ug tibuok kadto nga grupo gipamatay kaniadto. Aduna unta sila’y katungod nga makasulod; pero ang kaugalingon nilang Amahan kinahanglan nga butahan ang ilang mga mata aron nga maluwas Niya kita.

234 Mao kana ang pinaka makalilisang nga butang diha sa mga Kasulatan, halos. Hunahunaa lang, ang mga Judeo kaniadto, gipangayo mismo ang Dugo sa kaugalingon nilang Amahan, kaugalingon nilang Dios nga gibitay nila didto, og nagadagayday ang dugo. Tan-awa, “Didto gilansang nila Siya,” miingon ang Biblia. Mao kana ang upat sa pinaka-halangdon nga mga pulong. Tan-awa. “Didto,” sa Jerusalem, ang pinaka balaan nga siyudad sa kalibutan. “Sila,” ang pinaka balaan nga mga tawo sa kalibutan. “Gilansang,” ang pinaka mapintas nga

kamatayon sa kalibutan. “Siya,” ang pinaka mahinungdanon nga Tawo sa kalibutan. Kita n’yo? Ngano man? Relihiyoso unta nga mga tawo, ang pinaka bantugan nga relihiyon sa kalibutan, ang bugtong tinuod nga relihiyon sa kalibutan, atua didto, nga ginalansang ang mismong Dios nga giingon sa ilang Biblia nga moabot.

²³⁵ Nganong wala man nila nakita kana? Ginaingon sa Biblia kanato nga gibutahan sila sa Dios aron dili nila makita kana. Sila. . . Miingon Siya, “Kinsa man kaninyo ang makapasangil nga Ako nakasala?” Sa laing pagkasulti, “Kung wala Ko man gibuhat sa ingon ka eksakto kung unsay gikatagna na nga Akong pagabuhaton, nan sultihing ninyo Ako.” Ang *sala* mao’y “dili-pagtoo.” Gibuhat man Niya eksakto kung unsay gisulti sa Dios Kaniya, apan dili gyud nila makita kadto.

²³⁶ Karon kung sultihan mo ang mga tawo, sama ra kini nga nagabubo ka og tubig sa likod sa usa ka pato. Nasabtan n’yo ba ang buut kong ipasabot? Usa kini ka makaluluoy nga butang, pagmakita n’yo kining mga nasud ug ang mga tawo, sama sa ginabuhat nila, grabeng pagka-pormal ug maka-relihiyon mismo! Pero dili ba gisultihan na man ’ta sa Balaang Espiritu niana? “Mamahimo silang mga gahi’g ulo, hambugiro, mahigugmaon sa mga kalingawan labi pa kay sa paghigugma sa Dios, dili-malukmay, tigbutang-butang, dili-mapugnganon, ug dili mahigugmaon sa maayo. Magkaaduna sila og dagway sa pagkadiosnon, apan ipanghimakak ang Gahum sa Ebanghelyo.” Miingon, “Ang mga ingon niana, likayi ninyo sila.”

²³⁷ Ania na kita niana karon, nga ginatuis Kini sa mga denominasyonhon. Ginaangkon nila ang tanang himaya ug Gahum, ginapahimutang Kini balik sa panahon pa sa mga apostoles, ug ang uban pa Niini didto na sa Milenyum. Kini’y sama lang sa usa ka tawo, sa gikaingon ko na kaniadto; ang tawo kanunay’ng nagahatag og pagdayeg sa Dios tungod sa kung unsay Iyang nabuhat, nagapaabot sa kung unsay pagabuhaton Niya, ug ginabalewala kung unsa ang ginabuhat Niya sa karon. Eksakto kana. Ingon niana sa gihapon ang tawo.

²³⁸ Atua silang mga Judeo nga nagatindog didto, nagaingon, “Himaya sa Dios! Aba,” sa ika-6 nga kapitulo sa San Juan, nagingon, “ang among mga ginikanan nanagpangaon man og manna didto sa kamingawan!”

Ug miingon si Jesus, “Sila, ang matag usa kanila, nangamatay.”

²³⁹ “Nanag-inom man sila og tubig gikan sa Bato didto sa kamingawan, ug tanan na.”

²⁴⁰ Miingon Siya, “Ako mao kadtong Bato.” Husto kana. Amen. Ingon Siya, “Apan Ako mao ang Tinapay sa Kinabuhi nga nagagikan sa Dios sa Langit, ang Kahoy sa Kinabuhi nga atua sa Eden kaniadto. Kung ang tawo mokaon niini nga Tinapay,

siya dili mamatay; pagabanhawon Ko siya sa kaulahiag mga adlaw.” Ug wala gihapon nila makita kana! Husto kana.

²⁴¹ Ang mismong Mesias nga nagatindog didto, ginasulti ang mismong mga pulong nga anaa sa ilang kasingkasing, ug mga butang nga sama niana, ginapakita nga Siya mao ang Mesias, ginapakita kung unsa ang mismong pagabuhaton sa Mesias!

²⁴² Ug nagatindog sila didto nga ang ilang mga kamot anaa sa likod nila, ug, “Huh! Dili kana mamahimo. Dili, dili. Siya—Siya—wala man Siya miabot sa hustong pamaagi. Kita n’yo, migula ra man Siya gikan sa Betlehem. Ug Siya—Siya walay lain kondili usa ra ka ilehitimo nga bata. Ug ang yawa kana ang nagapanglihok Kaniya. Kami—nasayod gyud kami nga Siya’y kulang-kulang. Siya’y buang-buang. Adunay yawa Kaniya.” Kita n’yo? Gibutahan gayud ang ilang mga mata niana.

²⁴³ Karon, apan nanaghulat baya sila sa ilang propeta. Ug madawat man nila kini, duha ang madawat nila. Husto kana.

²⁴⁴ Karon himatikdi, pag-usab, karon, usab, sa diha nga kining mga Judeo . . . Hatagan ko kamo og usa na usab ka diyutay’ng simbolo, aron masabtan ninyo nga ang mga Judeo gyud diay kini nianang panahona, sa niining panahon human sa Pagsakgaw. Matikdi kung unsay mahitabo. Kini nagsimbolo usab . . . Dili na ta mogahin og oras para hisgotan pa kana, tungod kay mahutdan—mahutdan na ta dinhi. Gisimbolo usab sa . . . sa gitawag nga “kasamok ni Jacob.” Karon tan-awa. Kini nga mga Judeo niining panahona adunay . . . Matikdi. Oh, usa kini ka . . .

²⁴⁵ Ako—ako—mogahin lang ko og diyutay’ng oras dinhi, kita n’yo. Ginapanerbiyos man gud ko niini pag magsugod na akong manglaktaw nga sama niana. Ug . . . Kita n’yo? Matikdi. Gusto kong makita ninyo kini. Ug ako—ako—ako lang . . . Bueno, ipakita man pud kini sa Dios kaninyo, sigurado ko. Tan-awa.

²⁴⁶ Nakuha ni Jacob ang pagkapanganay kaniadto. Husto ba kana? [Nagaingon ang kongregasyon, “Amen.”—Ed.] Apan sigurado nga usa siya ka medyo tikasan bisan aduna siya niini. Kita n’yo? Miadto siya didto ug gilimbongan niya ang iyang amahan. Gilimbongan niya ang iyang igsoon. Gibuhat niya ang tanang panglimbong. Apan, bisan pa niana, sa legal, kung susihon gyud, nakuha niya kadto, tungod kay gibaligya man kadto ni Esau. Apan sa dihang miadto siya didto aron magtrabaho para sa iyang ugangang-lalaki, gibutang niya kadtong mga sanga sa alamo sa tubig, aron himoon kadtong buros nga mga baka ug mga ingon-ana nga manganak og kabang nga mga baka. Ug, oh, kabalo na mo sa tanang gibuhat niya nga sama niana, aron—aron lang makapanguwarta. Karon matikdi, karon. Gipalayas siya gikan sa iyang mga kabanay.

²⁴⁷ Karon, usa kini ka tipo sa Judeo karon. Usa siya ka maayong-manguwarta. Dili ko igsapayan kung ginaunsa niya pag-panguwarta, basta makapanguwarta gyud siya. Panitan ka

niya nga buhi, aron lang makuha kini. Karon, kabalo na mo niana. Medyo tikasan gyud siya, kana lang. Aba, ayaw gyud pagpakighilambigit kaniya; siya—panguwartahan gyud ka niya, grabe. Oo, sir. Ngano man? Kinahanglan man gud nga ingon-niana siya. Mao kana nga matang sa espiritu ang nagadominar kaniya.

248 Eksaktong sama gayud niadtong mga repormador, dili nila masabtan kini nga Pulong, tungod kay espiritu man kadto sa tawo ang gipadala ngadto kanila.

249 Ang kapanahonan ra sa agila ang makasabot sa Pulong ug sa kapadayagan. Ang tanan nga nakasabot niana, ipataas ang inyong mga kamot, aron ako. . . Maayo. Maayo kana. Kita n'yo? Maayo kana. Karon, kita n'yo, kung makabalik kamo dinhi ilalum niini nga mga Selyo, kung Sila'y. . . Pag naablihan na Sila, makita ninyo eksakto kung unsay ginabuhat sa Dios, kung unsay Iyang nabuhat, og kung unsay Iyang pagabuhaton. Ania kini dinhi, sa eksakto gayud.

250 Ug mao kana'y hinungdan nga nagpanglihok ang mga tawo nga ingon niana, tungod kay mao man kana ang espiritu nga gikatagna para niana nga kapanahonan, nga maanaa kanila. Dili sila magabuhat og laing uban pa.

251 Mahunahuna ko si Juan, si Pablo, ug sila, kanang Espiritu sa leon kaniadto, ang l-e-o-n nga atua kaniadto, ang Pulong Mismo.

252 Si Pablo kaniadto mibarug mismo nianang Pulong, ug miingon, “Nasayod ako niini, nga adunay managpanungha nga mining mga kaigsoonan sa taliwala ninyo, og magakaylap. Ug magatukod sila, og mga denominasyon ug tanang uban pa, sa taliwala ninyo, ug mao kana ang ilang pagabuhaton. Ug magapadayon kana sa kaulahiang mga adlaw, ug pagkamakahahadlok kana nga panahon.” Ngano man? Usa man siya ka propeta. Atua nagpabilin kanang Pulong diha kaniya. Kung sa unsa kini mosangko, didto pa lang; miingon, “Managpanungha ang mini nga mga tawo sa taliwala ninyo, ug magasulti og mga butang, ug ipahilayo ang mga kaigsoonan nga mga alagad.” Eksaktong ingon-niana ang anticristo. Ingon niana gayud ka eksakto ang gibuhat niya.

253 Matikdi sa diha nga midangat sila sa mangiub nga kapanahonan sa kasakitan kaniadto. Unsa man kadto? Wala gayud sila'y mahimo. Panag-iya na sa Roma ang. . . Anaa kaniya ang gahum pang-relihiyon, ug anaa pud kaniya ang pulitikanhong gahum. Wala gayud sila'y mahimo kaniadto, kondili ang manglimbasog mismo aron magpabilin nga buhi, ug itugyan ang ilang mga kaugalingon ingon nga halad. Usa kadto ka baka. Mao lang kadto ang mahimo nila. Ingon-niadto ang matang sa espiritu nga aduna sila, ang Espiritu sa Dios, baka.

254 Dayon, ania nagaabot ang mga repormador, ang ulo sa tawo, maalamon, utokan; si Martin Luther, si John Wesley, ug uban pa, si Calvin, si Finney, si Knox, og ang uban pa kanila. Ania nagaabot sila, ug, sa pag-abot nila, sila'y mga repormador. Miabot sila, nga nagreporma, og gipahigawas ang mga tawo.

255 Ug namalik ra mismo sa gihapon, eksaktong sama sa gibuhat nila kaniadto, ug nakigminyo mismo balik ngadto kaniya pag-usab, tungod sa ilang sistemang pang-denominasyon, eksakto gayud. Ingon niana ang gisulti sa Biblia. Usa siya ka “bigaon,” ug dayon aduna 'sab siya'y “mga bigaon,” nga mga anak, eksakto gayud.

256 Ug miingon ang Dios, “Ako—gihatagan Ko siya og panahon aron maghinulsol, ug wala niya buhata kana. Busa kuhaon Ko siya ug ang iyang mga anak, og itambog sila didto sa kon asa sila nahiangay.” Eksakto kana. Karon, kana, gisulti kana sa Dios, ilalum niini, kita n'yo, ilalum sa maong Selyo. Karon, mao kanang mahitabo kaniya. Hingsayran nato nga ginabuhat kana sa Dios, ug buhaton gyud Niya kana. Ug sila, ang matag usa, paingon na mismo niana.

257 Apan, sa tanan nga ang mga ngalan nila nahisulat na sa Basahon sa Kinabuhi, pagatawgon sa Dios. Patalinghugan nila Kini. “Ang Akong mga karnero nagapatalinghug sa Akong Tingog,” ang ingon ni Jesus. Ang butang lang nga kinahanglan natong buhaton mao ang paghimo og pagtawag-nga-iya-sa-karnero. Ang mga kanding wala mahibalo Niini. Matikdi. Apan, nakita n'yo, ang pagtawag-nga-iya-sa-karnero, “Ang Akong mga karnero nagapatalinghug sa Akong Tingog.” Ngano man? Unsa man ang Tingog? Gusto kong sultihan kamo kung unsa ba ang Tingog. Ang Tingog mao'y—mao'y usa ka espirituwal nga ilhanan.

258 Giingnan Niya si Moises, “Kung dili nila patalinghugan ang Tingog sa unang ilhanan, patalinghugan nila ang Tingog sa ikaduhang ilhanan.”

259 “Ang Akong mga karnero nagapatalinghug sa Akong Tingog.” Pag kining mga butanga nagakahitabo na sa kaulahiang mga adlaw, maila Kana sa karnero sa Dios. Oo, sir. Kita n'yo? Sila—maila nila Kini. “Ang Akong mga karnero nakaila Kanako.” Kita n'yo? “Sa dumuloong dili sila mosunod.” Ayaw nilang mosunod sa mga dumuloong. Kinahanglan nga gipanghimatud-an gyud Kini nga ilhanan alang sa maong panahon, ug makita nila Kini. Karon, karon matikdi.

260 Karon, si Jacob, samtang nagatungas siya kaniadto, sa sugod pa lang mahibaloan mo na, aduna siya'y pangandoy nga moadto (asa man?) balik sa iyang yutang-natawahan.

261 Oh, eksaktong ingon-ana usab ang gibuhat sa Israel kaniadto! Kana'y—kana'y. . . Ingon-ana ang Israel. Si Jacob mao

si Israel. Giusab lang ang iyang ngalan, kabalo na mo. Kita n'yo? Ug siya'y . . .

²⁶² Mihawa siya didto, ug gikuha niya ang tanang kuwarta nga aduna siya, nga makuha niya, ug gipanguha kadto sa unsa mang paagi nga mahimo niya, gikan sa iyang mga paryente o sa kang kinsa pa man. Busa, pinaagi sa pagpanglimbong, pagpangawat, pagpamakak, og sa unsa mang paagi nga makuha niya, nakuha niya gayud. Kita n'yo? Nangahimo niya kadto.

²⁶³ Ug dayon sa dihang sugod na siyang mibalik pauli, mibati siya og kamingaw sa iyang kasingkasing. Apan samtang nagabalik na siya, diha sa iyang dalan, nahinagbo niya ang Dios, dayon gilisan ang iyang ngalan kaniadto. Kita n'yo? Apan, niadtong higayona, nabalaka kaayo siya, tungod kay nahadlok siya nga basin og ginasundan siya ni Esau. Kita n'yo?

²⁶⁴ Ug—ug matikdi, matikdi ang salapi, ang tanyag sa salapi. Sama lang sa mga Judeo nga paninguhaong himoon kini nga kasabotan sa—sa Roma, kita n'yo, sa ilang tanyag sa salapi. Himatikdi kini. Kadtong si Esau wala man nagkinahanglan sa iyang kuwarta; mao usab ang Roma. Anaa na man kaniya ang bahandi sa kalibutan diha sa iyang kamot. Kita n'yo? Apan wala kana nagpulos.

²⁶⁵ Pero hingsayran nato karon, nga si Israel, niadtong panahon sa kalisdanan, sa dihang si Jacob pa lang siya, nakigbugno siya sa . . . nakagunit siya og Usa ka Butang nga tinuod. Dihay usa ka Tawo nga minaug. Nahawiran Siya ni Jacob, ug wala gyud niya Kini gibuy-an. Ug ang—ug ang—ang maong Tawo miingon, “Kinahanglan Ko nang molakaw karon. Pabanag-banag na.” Oh, kanang pagbanagbanag-sa-adlaw! Kita n'yo? Hapit na nga mosubang ang adlaw niadtong tungora.

²⁶⁶ Apan miingon si Jacob, “Ako—dili ko Ikaw buhian. Ikaw, dili Ka puedeng molakaw. Magpabilin ako mismong manghawid Kanimo.” Kita n'yo? “Gusto ko gayud nga mausab ang mga butang dinhi.”

²⁶⁷ Ingon niana kanang usa ka gatus kap-atan ug upat ka libo, kanang pundok nga abtik kaayo sa mga salapianong butang, ug sa mga ingon-ana, pagmakita na nila ang tinuod, matuod nga butang nga angay'ng hawiran. Dinha magabarug si Moises, ug dinha magabarug si Elias. Amen! Makigbugno sila sa Dios hangtud nga ang usa ka gatus kap-atan ug upat ka libo nga mga banay sa Israel tawgon na pagawas didto mismo.

²⁶⁸ Kana'y sa dili pa mahitabo ang panahon sa Kasakitan, kita n'yo, (oh pagkamaanindot) usab, “ang kalisdanan ni Jacob.”

²⁶⁹ Kini mao ang higayon nga tawgon na pagawas ang usa ka gatus kap-atan ug upat ka libo. Sila, ang—ang maong mga magwawali, kanang duha ka propeta, magawali sila nga sama ni Juan Bautista. “Ang Gingharian sa Langit haduol na.

Maghinulsol kamo, Israel!” Maghinulsol sa unsa? “Maghinulsol sa inyong mga sala, sa inyong dili-pagtoo, ug mobalik sa Dios!”

²⁷⁰ Karon atong hinumduman ang usa ka butang dinhi. Kining dagkung mga panghitabo, sa kinaiyahan, nahitabo na kaniadto. Sa niining ika-12 nga bersekulo dinhi, kita n’yo, “Ang adlaw nahimong maitum ingo’g panapton nga hinimo’g maitum nga balhibo.” Karon itandi n’yo kini.

²⁷¹ Karon, hinumdumi, nga wala kana nahitabo sa mga Gentil. Sa Israel kana. Ipakita ko kaninyo. Karon, timan-i, ingon ko nga ang pagtawag kana pagawas sa usa ka gatus kap-atan ug upat ka libo. Kita n’yo? Kini nga panahon, mao’y kon kanusa ang Kasakitan, mahitabo. Ug pagsaysay kini sa kung unsay mahitabo niini nga Kasakitan.

²⁷² Karon moadto sa kita sa Exodo 10:21-23. Ug matikdi dinhi sa dihang. . . Ang Exodo mao ang panahon, siyempre, nga ang Israel napahigawas, gidala pagawas kaniadto. Exodo, sa ika-10 nga kapitulo, ug sa ika-21, ika-23 nga bersekulo. Nalipay kaayo ko ug nagasinggit, sa dihang gipangsulat ko kini, nga usahay basin og nasagol-sagol ko na kini. Sige, Exodo 10:21-23. Okey, ania na kita, 21 ug 23.

Ug miingon ang GINOO kang Moises, Tuy-ora ang imong kamot paingon sa langit, aron adunay kangitngit sa ibabaw sa yuta sa Egipto, bisan ang kangitngit nga daw mahikap.

Ug gituy-od ni Moises ang iyang kamot paingon sa langit; ug dihay usa ka mabagang kangitngit sa tibuok nga yuta sa Egipto sa tulo ka adlaw: (Kita n’yo?)

Karon, sila wala magkinit-anay ang usa ug usa, walay bisan kinsa nga mitindog gikan sa iyang dapit sa tulo ka adlaw: apan . . . ang tanang mga anak sa Israel dihay kahayang sa ilang mga puloy-anan.

²⁷³ Himatikdi, eksakto gayud, karon moanhi ta dinhi, “Ug ang adlaw nahimong maitum ingo’g panapton nga hinimo’g maitum.” Kita n’yo, mao gihapon! Kini nga mga panghitabo sa kinaiyahan, unsa man kini? Unsa man? Pag nagakahitabo na ang mga ingon niini sa kinaiyahan, ginatawag na sa Dios ang Israel. Kita n’yo? Ginatawag na sa Dios ang Israel pagawas. Karon, “Ang adlaw ingon ka itum sama sa . . . buhok.” Karon, pagaluwason na sa Dios ang Israel kaniadto, oo, ipahigawas sila gikan sa kamot sa ilang kaaway, nga mao ang Egipto, niadtong panahona.

²⁷⁴ Karon, dinhi, ginapahigawas Niya sila gikan sa Romanhong kamot, kon diin nila gihimo ang ilang kasabotan. Mao gihapon ang nagakahitabo. Mao kana ang mga hampak, ang—ang panahon nga magaabot kini nga mga hampak og magahampak sa niining pundok nga mga Gentil. Kung aduna pa kita’y oras,

mahimo kong ipakita kung unsay mahitabo nianang Gentil nga iglesia.

²⁷⁵ Miingon ang Biblia, nga, “Ang—ang dragon, si Satanas, napungot (kana’y, nasuko) sa babaye (ang Judeo, Israel), ug nagbuga siya og tubig gikan sa iyang baba, mabagang panon sa mga tawo, nga miadto aron makiggubat sa mga nahibilin nga binhi sa babaye.” Pinadayag 13. Karon, tan-awa dinha, makita nato kana. Ug kana’y sa diha nga ipadala sa Israel ang iyang. . . Ang buut kong ipasabot, ipadala sa Roma ang iyang kasundalohan batok sa mga nahibilin, sa mga nahibilin nga binhi sa babaye.

²⁷⁶ Karon himatikdi. Sa unang higayon, nga ang mga kamot sa ilang kaaway, sa dihang ginapahigawas sila sa Dios kaniadto, ang adlaw nahimong panap-. . . maitum ingo’g panapton nga hinimo’g maitum. Karon, kini ang ikaduhang higayon niimi, sa katapusan sa panahon sa Kasakitan.

²⁷⁷ Karon, sa Daniel 12. Kung aduna pa kita’y oras, mahimo natong basahon kini. Diha sa Daniel, sa ika-12—sa ika-12 nga bersekulo. . . ika-12 nga kapitulo, diay. Miingon si Daniel, “Ang tanan nga hingkaplagan nga nahisulat sa Basahon pagaluwason.” Karon, hinumdumi, nga si Daniel nagahisgot karon mahatungod niining panahon sa diha nga kining. . . kini nga butang kinahanglan nang mahitabo, sa dihang pagaluwason na ang Israel, diha sa—sa katapusan sa ilang ika-setenta nga semana. Ug sa nianang panahona pa sila angay’ng pagaluwason. Karon tan-awa. Atong basahon sa Daniel 12 dinhi, sa makadiyut.

Ug niadtong panahona si Michael motindog, ang dakung principe nga nagatindog alang sa mga anak. . . alang—alang sa mga anak sa imong katawhan (kita n’yo, ang mga Judeo kana): ug moabot ang usa ka. . . kalisdanan, nga ang ingon. . . wala pa gayud mahatabo sukad nga may usa ka nasud bisan hangtud nianang mao nga panahon: . . .

²⁷⁸ Karon kung itandi kana, eksakto gyud sa kung unsay giingon ni Jesus, sa Mateo 24, “Moabot ang usa ka panahon sa kalisdanan, nga wala pa gayud nahitabo sukad nga may usa ka nasud.” Tan-awa ang Ikaunom nga Selyo, kita n’yo, mao gihaon, usa ka panahon sa kalisdanan. Himatikdi.

. . . sukad nga may usa ka nasud bisan hangtud sa mao nga panahon: ug niadtong panahona ang imong katawhan. . . (Karon, sa niining ika-setenta, ulahing bahin sa ikapito nga tuig.) . . . pagaluwason ang imong katawhan, ang tanan nga hingkaplagan nga nahisulat sa basahon.

279 Ang mga predestinado, nakita n'yo, nga nahisulat sa Basahon sa Kinabuhi sa Cordero, pagaluwason nianang panahona.

Ug daghan kanila nga nangatulong sa abog sa yuta mahigmata, ug ang uban ngadto sa walay-katapusang kinabuhi, ug ang uban ngadto sa walay-katapusang kaulawan ug pagtamay.

Karon, ug dayon ang mga manggialamon modan-ag ingon sa kahayag sa hawan sa kalangitan; ug—ug sila nga makakabig sa daghanan ngadto sa pagkamatarung magadan-ag nga sama sa mga bitoon sa mga katuigan nga walay katapusan.

280 Dayon, nagpadayon kadto, giingnan si Daniel nga “sirhan ang Basahon,” kay magpahulay na siya sa iyang dapit hangtud nianang panahona.

281 Karon, kita n'yo, wala kana nagahatag og kalahian kon mabuhi man kamo o mamatay. Mangabanhaw kamo, sa gihapon. Kita n'yo? Wala . . . Ang, kamatayon, balewala kana para sa usa ka Cristohanon. Dili siya mamatay, bisan pa man. Kita n'yo?

282 Karon, ang Daniel 12, nag-ingon nga ang tanan nga hingkaplagan nga nahisulat sa Basahon pagaluwason.

283 Dinhi, pagaluwason sa Dios ang Iyang ikaduhang anak, ang Israel, human sa Kasakitan. Kita n'yo, sa ikaduhang higayon, ang Israel, nga Iyang . . . anak Niya ang Israel. Kabalo na mo niana. Anak sa Dios ang Israel, busa pagaluwason Niya sila dinhi sa panahon sa Kasakitan, sa eksaktong paagi nga gibuhat Niya kini kaniadto sa Egipto.

284 Karon mohunong sa ta dinhi, pag-usab, ug—ug hisgotan ang usa pa ka butang, aron, bug-os natong maiklaro kini. Karon tan-awa dinhi. Kining duha ka propeta, tan-awa kung unsay pagabuhaton nila nianang tungora, sama ra sa gibuhat ni Moises ug sa uban pa kaniadto didto. “Ug adunay gihatag kanako nga usa ka tigbaw . . .” Ug sa ika-3 nga bersekulo sa ika-11 nga kapitulo.

Ug pagahatagan kog kagahum ang akong duha ka mga saksi, sa paghimog propesiya sulod sa usa ka libo ug duha ka gatus ug kan-uman ka mga adlaw, nga sinuloban og mga sako-nga-bisti.

Mao kini sila ang duha ka kahoy nga olivo, . . .

285 Timan-i n'yo kana, ug si Zorobabel, ug uban pa, nga mao'y magatukod kaniadto sa templo.

. . . ug ang duha ka tangkawan nga anaa atubangan sa Dios sa yuta.

. . . kon may buot . . . modagmal kanila, adunay kalayo nga magagula sa ilang baba, . . .

286 Hinumdumi, nga gikan sa baba ni Cristo nagagula ang espada, ang Pulong.

. . . pagalamyon ang ilang mga kaaway: ug kon may buot modagmal kanila, sa ingon niining paagiha siya pagapatyon.

287 Karon, nasayod kita, sa “kalayo.” Sa ika-19 nga kapitulo, sa Pag-abot ni Cristo, “nagagula ang Iyang espada gikan sa Iyang baba,” nga mao ang Pulong. Husto ba kana? Ang Pulong! Oh, kung masabtan unta ninyo kini nga butang karon, para nianang Selyo ugma sa gabii! Kita n’yo, ang Pulong mao’y butang nga pang-patay sa Dios sa Iyang kaaway. Kita n’yo?

288 Karon tan-awa dinhi. Sa diha nga kining duha ka propeta magahimo na og propesiya didto, sila. . . Kung aduna ma’y dili magtratar og maayo kanila, og modagmal kanila: “adunay kalayo nga magagula sa ilang baba,” Kalayo sa Espiritu Santo, ang Pulong. Ang Pulong mao ang Dios. Ang Pulong Kalayo. Ang Pulong mao ang Espiritu. Kita n’yo? “Magagula sa ilang baba.”

289 Tan-awa si Moises. Atong hibaloon kung unsay migula sa iyang baba. Sila, ang Israel, kinahanglan, nilang mamuhat sa paagi nga ginabuhat nila kaniadto, ang—ang. . . ang buot kong ipasabot, ang Egipto, dili maayo ang pagtratar nila niining mga Judeo. Si Moises. . . Bueno, ayaw nila nga palakwon sila. Ayaw ni Faraon. Gibutang sa Dios ang mga pulong sa baba ni Moises. Kita n’yo, mga hunahuna kadto sa Dios nga nagasulod sa kasingkasing ni Moises; og miadto siya didto aron ipahayag kadto, dayon nahimo kadto nga Pulong. Gituy-od niya ang iyang kamot, og miingon, “Mangtungha ang mga langaw,” ug miabot ang mga langaw. Tan-awa dinhi.

Ug kon may buot modagmal kanila, adunay kalayo nga magagula sa ilang baba, ug pagalamyon ang ilang kaaway: . . .

290 Kita n’yo? Mao kana. Mahimo nilang isulti lang kung unsa ma’y gustohon nila, ug mahitabo kana. Amen!

. . . ug kon may buot. . . modagmal kanila, sa ingon niining paagiha sila pagapatyon.

291 Igsoon, nagakontrolar ang Dios sa esena dinhi!

Sila may kagahum sa—kagahum sa pagsira sa kalangitan, aron dili mag-ulan sulod sa mga adlaw sa ilang pagpanghimog propesiya: . . .

292 Si Elias, nasayod ‘sab siya kung unsaon pagbuhat niana; nabuhat na niya kana kaniadto. Amen! Nasayod pud si Moises kung unsaon pagbuhat niana; nabuhat na niya kana kaniadto. Mao kana’y hinungdan nga gitipigan sila. Karon. . . Amen!

293 Makasulti ako og taas-taas pa dinhi karon, apan mas maayo—mas maayo nga pugngan ko lang ‘usa kini hangtud ugma sa gabii. Kita n’yo? Sige.

...ug may kagahum ibabaw sa katubigan aron sa paghimo niini nga dugo, ug sa pagbunal sa yuta pinaagi sa...tanang hampak, bisan makapila sumala sa ilang gusto.

294 Unsa man kini? Unsa ma'y makapahitabo niining mga butanga gawas sa Pulong? Mahimo nila sa kinaiyahan ang unsa man nga gustohon nila. Ania kini. Sila mao ang magpahitabo niining Ikaunom nga Selyo. Ilang ipadayag ug ablihan kini. Ang gahum kini sa Dios, nga makapahunong sa kinaiyahan. Kita n'yo, ang Ikaunom nga Selyo eksaktong mao ang pagpahunong sa kinaiyahan. Nasabtan n'yo ba kini karon? [Nagaingon ang kongregasyon, "Amen."—Ed.] Ingon niana ang maong Selyo. Kinsa ma'y magbuhat niana? Ang maong mga propeta, pagkahuman sa Pagsakgaw. Pinaagi sa Gahum sa Dios, sa Pulong sa Dios, mahimo nilang sawayon ang kinaiyahan. Mahimo silang magpadala og mga linog, himoong dugo ang bulan, panaugon ang adlaw, o bisan unsa, sumala sa ilang sugo. Amen!

295 Tan-awa ninyo. Mao kana. Kita n'yo? Kita n'yo kung giunsa pag-abli ang mga Selyo, dinha sa kapanahonan sa iglesia, og giunsa niini pagpakita ang mga gi-martir?

296 Ug karon ania kining duha ka propeta nga magabarug nianang panahona gamit ang Pulong sa Dios, nga buhaton ang unsa mang butang nga gustohon nila nganha sa kinaiyahan. Ug pagatay-ogon nila ang yuta. Ug eksaktong ginapakita niini kung kinsay mohimo niana. Kini mao si Moises ug si Elias, tungod kay mao man kana ang ilang ministerio nga buhaton pag-usab, niining duha ka lalaki. Oh, grabe! Nakita n'yo na ba kini karon? [Nagaingon ang kongregasyon, "Amen."—Ed.] Nakita n'yo ba kung unsa ang Ikaunom nga Selyo? Kini mao kanang mga propeta. Karon matikdi. Dili unta kamo matuk-an niini. Apan, matikdi kung kinsa ang nag-abli niini nga Selyo, ang maong mga propeta! Kita n'yo? Whew! Amen! Mao kana.

297 Oh, nagapuyo na kita sa panahon sa agila, igsoon, nga paingon na sa kapanganoran!

298 Giablihan nila kining Ikaunom nga Selyo! May gahum man sila aron buhaton kini. Amen! Mao kana ang Ikaunom nga Selyo nga ginaablihan. Kita n'yo?

299 Karon mobalik kita mismo dinhi, ug gisulti na ni Jesus nga mahitabo kini. Sa kaniadto pang panahon sa Daang Tugon, niadtong panahon ni Ezequiel, niadtong panahon sa mga karaang propeta, gisulti na nila nga mahitabo kini.

300 Ug dinhi naablihan ang Ikaunom nga Selyo, ug miingon sila, "Bueno, usa kana ka mysteryoso nga butang. Unsa ma'y nagpahitabo niana?"

301 Ania ang sekreto niini, ang mga propeta, tungod ingon niana man ang giingon sa Biblia dinhi. Mahimo nilang ablihan kini,

sa unsa mang oras nga ilang. . . Mahimo nilang buhaton ang unsa man nga gustohon nila nganha sa kinaiyahan. Ug buhaton nila ang mao gihapong butang nga gibuhat nila kaniadto, amen, tungod nasayod na man sila kon unsaon pagbuhat niini. Amen! Himaya!

³⁰² Pagkakita ko niana, mitindog gayud ako gikan sa lingkoranan ug nagsige'g lakaw pabalik-balik. Nahunahuna ko, "Ginoo, ginapasalamatan ko gayud Ikaw, Langitnong Amahan!"

³⁰³ Ingon niana. Mao kana. Giablihan nila kanang Ikaunom nga Selyo. Amen! Matikdi sila, "Kon may buot modagmal kanila, adunay kalayo nga magagula sa ilang baba," ang Pulong. Ngani mikunsad ang Espiritu Santo sa mga apostoles kaniadto, nakita n'yo. "Adunay kalayo nga magagula sa ilang baba."

³⁰⁴ Karon matikdi dinha sa Pinadayag 19, makita nato ang mao gihapong butang, "Ug usa ka dakung espada ang nagagula gikan sa Iyang baba," Pulong. Kita n'yo? Ang Pag-abot ni Cristo. "Ug gipamatay Niya ang Iyang mga kaaway pinaagi Niini." Husto ba kana? [Nagaingon ang kongregasyon, "Amen."—Ed.] Karon paanhi na Siya. Matikdi Siya karon. Okey.

Kini sila may kagahum sa pagsira sa kalangitan, aron dili mag-ulan sulod sa mga adlaw sa ilang pagpanghimog propesiya: . . .

³⁰⁵ Aba, pagpahunong kana sa kinaiyahan! Karon, unsa ba kadugay nga—nga kining tawhana, si Elias, gisirhan ang kalangitan? [Nagaingon ang kongregasyon, "Tulo ug tunga ka tuig."—Ed.] Ingon niana, ka eksakto. Unsa ba kadugay ang ika-setenta ni Daniel, ang ulahing bahin sa setenta ka semana? ["Tulo ug tunga ka tuig."] Ingon niana, ka eksakto.

³⁰⁶ Unsa ba'y gibuhat ni Moises kaniadto? Iyang—iyang—iyang gihimo ang—ang katubigan nga dugo. Gibuhat niya ang tanan niini nga matang sa mga milagro, ingon ka eksakto kung unsa ang gikatagna dinhi ilalum niining Ikaunom nga Selyo. Ug ania ang duha ka propeta, sa Pinadayag 11, nga ginabuhat ang mao ra mismong butang. Amen!

³⁰⁷ Adunay tulo ka nagkalain-laing mga bahin sa Kasulatan, dinha mismo, nga eksaktong ginatakdo ang maong butang. Mao kana ang pag-abli sa Ikaunom nga Selyo. Mao kana mismo. Amen! Himaya! Karon matikdi.

Kini sila may kagahum sa pagsira sa kalangitan, sulod sa mga adlaw sa ilang pagpanghimog propesiya, aron dili mag-ulan: ug . . . may kagahum ibabaw sa katubigan aron sa paghimo niini nga dugo, . . . sa pagbunal sa yuta pinaagi sa . . . tanang hampak, bisan makapila sumala sa ilang gusto.

308 Oh, grabe! Ingon niana. Karon tan-awa n'yo dinhi ang maong mga hampak, kita n'yo. Nahunong ang tibuok kinaiyahan, sa niining Ikaunom nga Hampak. . . o sa Ikaunom nga Selyo, nga abli. Eksaktong ingon niana ang nahitabo. Karon tan-awa. Ang. . .

309 Dinhi, luwason na sa Dios ang Iyang anak, ang Israel, subay sa mao ra nga matang sa pagsakit nga Iyang gibuhat kaniadto didto. Gipadala Niya si Moises kaniadto ug giluwat ang Israel. Husto ba kana? [Nagaingon ang kongregasyon, "Amen."—Ed.] Ug gibuhat Niya kining mao ra mismong mga butang. Gipadala Niya kaniadto si Elias ngadto kang Ahab, ug pito ka libo ang napahigawas. Husto ba kana? ["Amen."] Ipadala Niya pag-usab sila mismo dinhi, sa panahon sa Kasakitan, ug tawgon pagawas ang usa ka gatus kap-atan ug upat ka libo.

310 Karon, kita n'yo, himatikdi ninyo, tali sa Pinada-. . . o tali sa ika-6 nga kapitulo, o ang Ikaunom nga Hampak. . . Selyo, pasayloa ko, ang Ikaunom nga Selyo ug ang Ikapitong Selyo. Ang ika-7 nga kapitulo sa Pinadayag, sumala sa matematika, gikatakda nga husto.

311 Sama lang sa Amerika nga mao'y numero trese: nagsugod kini sa trese ka mga estado, trese ka mga bitoon diha sa bandila, trese ka mga kolonya, og trese ka mga raya. Ang tanan trese, trese. Ug makita siya mismo dinhi sa ika-13 nga kapitulo sa Pinadayag. Husto kana. Siya'y trese, ug usa ka babaye.

312 Karon, kaniadtong luwason na Niya ang Iyang bugtong nga Anak, nga mao'y Iyang bugtong nga gipanganak. Anak Niya si Jacob; apan mao kini ang Iyang bugtong nga Anak. Mateo 27, hibaloon nato kung unsay Iyang gibuhat didto. Mateo, sa ika-27 nga kapitulo. Karon, hinumdumi, nga ang Iyang Anak gibunalan, ug gisakit, ug gibiyabiyan nila Siya. Ug gibitay na Siya sa krus kaniadto, sa alas tres, niadtong Biyernes Santo sa hapon. Mahitabo pa lamang! Mateo, ika-27 nga kapitulo sa Mateo, ug sa—sa ika-45 nga bersekulo, nagtoo ko nga mao kana.

Gikan sa ikaunom ka takna dihay kangitngit sa tibuok nga yuta hangtud sa ikasiyam ka takna.

313 Karon matikdi ang eksaktong gibuhat Niya dinhi dapit, dinhi. Kita n'yo?

Ug nakita ko sa dihang iyang giablihan ang ikaunom nga selyo, . . . ania karon, miabot ang usa ka dakung linog; ug ang adlaw nahimong maitum ingog panapton nga hinimog maitum nga balhibo, ug ang tibuok nga bulan—ug ang tibuok nga bulan nahimong daw dugo;

314 Pagka-itung, kangitngit! Ang Egipto; pagka-itung, kangitngit!

315 Ang Dios, nga giluwat si Jesus didto sa krus, sa wala pa Niya gibangon Siya gikan sa pagkabanhaw. Una, dihay kangitngit;

misalop ang adlaw sa udtong tutok, ug dili na mosidlak ang mga bitoon. Duha ka adlaw gikan niadto, pagabanhawon na Niya Siya nga may dakung kadaugan.

³¹⁶ Pagkahuman nga ang adlaw, ug bulan, ug mga bitoon, ug tanan na, didto sa Egipto, niadtong nahitabo kining tanan, gipalingkawas Niya ang Israel paingon ngadto sa yutang saad.

³¹⁷ Ania usab, sa panahon sa Kasakitan, ug ania ang maong mga propeta nga may pagkontrolar sa Pulong nga gikahatag kanila. Makasulti lamang sila pag ihatag sa Dios kanila ang Pulong.

³¹⁸ Karon, sila’y dili mga dios. Sila’y temporaryo. . . Gagmay, sila’y gagmay’ng mga dios, tungod giingon man ni Jesus nga ingon-ana sila. Miingon, “Ginatawag ninyo sila nga mga dios, kang kinsa nagaabot ang Pulong sa Dios.” Apan, tan-awa, sila gayud ang ginapadalhan sa Dios sa Pulong. Ug pag isulti niya Kini, nagakahitabo Kini. Kana lang.

³¹⁹ Ug ania siya nga adunay sugo gikan sa Dios, nga samaran ang yuta, bisan unsa ma’y iyang gusto (oh, grabe), mahimo niyang pahunongon ang kalangitan. Ug buhaton niya kana. Unsa ma’y nagakahitabo? Ang tuyo niya nga ipahigawas ang usa ka gatus kap-atan ug upat ka libo, alang sa katubsanan, nga mga anaa sa Basahon sa Katubsanan. Ug anaa kana ilalum sa Selyo sa Katubsanan, sa Ikaunom nga Selyo. Mao kana, minahal kong higala. Mao kana ang Ikaunom nga Selyo; nga dugay nang misteryoso kaayo.

³²⁰ Hisgotan lang nato. . . Aduna pa man kita’y napulo ka minuto. Maghisgot lang ta og diyutay pa, kita n’yo. Aduna ko’y mga duha o tulo ka panid. Bueno, aduna ko’y. . . Makita n’yo mismo, *dinhi*. Siguro aduna pa’y mga. . . Bahin nianang usa, siguro aduna pa ko’y mga kinse ka panid nga nahibilin, nga akong mahisgotan. Oh, daghan pa kaayong mahitungod niana! Aba, mahimo gani natong magpadayon gikan sa usa ka bahin ngadto sa usa pa ka bahin! Apan nabalaka ko nga basin mapalibog ko lang kamo pag maghisgot pa ako og daghan niana. Ug dili ko. . . basin dili ko na hinoon masentro sama sa angay kong buhaton.

³²¹ Sa Isaias, hisgotan nato kini. Si Isaias, ang propeta, nakita niya kining Ikaunom nga Selyo nga naablihan, ug naghisgot mahitungod Niini; kon Kini ba’y mahinungdanon, o dili. Kita n’yo?

³²² Bueno, ang tibuok butang, ang tibuok plano sa katubsanan, napailalum man niining mga Selyo; ang tibuok Basahon.

³²³ Karon hinumdumi, hingsayran nato nga nakita Kini ni Jesus. Husto ba kana? Kita n’yo? Nakita Kini ni Jesus. Ug karon hingsayran pud nato ang uban nga nakakita Niini. Hingsayran nato nga natipo Kini kang—kang Jacob. Hingsayran nato nga natipo kini sa Egipto. Hingsayran nato nga natipo pud Kini sa krus.

324 Karon mobalik kita sa Isaias. Adunay daghan pang mga propeta nga naisulat ko dinhi, usab. Ato lang. . . Gusto ko kini, kining sa Isaias. Mobalik ta dinhi sa Isaias, sa ika-13 nga kapitulo sa Isaias. Gusto kong. . .

325 Ang Isaias mao ang—ang kumpletong Biblia, sa Kaugalingon Niini, kabalo na mo. Nasayod ba mo niana? Kita n'yo, nagsugod ang Isaias diha sa paglalang; sa tunga-tunga sa Basahon gihisgotan niya si Juan; ug sa katapusan gihisgotan niya ang Milenyum. Ug adunay saysenta'y-sais ka Basahon sa Biblia, ug saysenta'y-sais ka kapitulo sa Isaias. Usa kini ka kumpletong ensayklopedya, sa Kaugalingon Niini.

326 Himatikdi, ang ika-13 nga kapitulo karon, sa—sa Isaias. Magsugod ta dinhi sa ika-6 nga bersekulo.

Managdanguyngoy kamo; kay ang adlaw sa GINOO haduol na; kini moabot ingon nga paglaglag nga gikan sa Makagagahum.

327 Matikdi ang pag-abli niining Ikaunom nga Selyo dinhi karon. Kaniadtong, pito ka gatus ug trese ka tuig sa wala pa miabot si Cristo, ug duha na ka libo ka tuig sukad niadtong miabot Siya, kana'y mga pito . . . mga baynte-siete na ka tuig ang milabay. Nakita na ni Isaias kini nga Selyo kaniadto. Oo.

Busa ang tanang mga kamot magamaluya, ug ang tagsatagsa ka kasingkasing sa tawo matunaw:

328 Unsa ma'y giingon ni Jesus? “Ug tungod kay ang pagkamalapason magadugang, ang—ang gugma sa kadaghanan magabugnaw.” “Ug ang kasingkasing sa mga tawo mangaluya, tungod sa kahadlok; ang dagat magadaguok.” Kita n'yo, mangaluya ang kasingkasing sa mga tawo.

Ug sila mangalisang: pagadakpon sila sa mga kasakit ug mga kasub-anan; sila mobati og kasakit ingon sa usa ka babaye nga magaanak: sila managtan-aw sa usa ug ang usa nga mahibulong, ang ilang mga nawong mangahimong mga nawong sa kaulaw.

329 Matikdi kana dinhi, oh, “ang ilang mga nawong, usa ka kaulawan.” Kinahanglan natong masabtan kana, sa makadiyut lang. Padayonon ko kana, kita n'yo.

Ania karon, ang adlaw sa GINOO nagasingabot na, mabangis uban ang kaligutgut ug mapintas nga kasuko, aron sa paghimo sa yuta nga makamingawan: ug aron sa paglaglag sa mga makasasala nga mapanas gikan niini.

330 “Ang yuta,” mao na lang kana tanan, ang makita n'yo. Himatikdi.

Kay ang mga bitoon sa langit ug ang mga tapok sa bitoon niini dili mohatag sa ilang kahayag: ang adlaw magangitngit sa iyang pagsubang, ug ang bulan dili mohatag sa iyang mga dan-ag.

Ug pagasilotan ko ang kalibutan tungod sa ilang pagkadautan, ug sa kasal-anan, ug sa kadautan sa ilang kasal-anan; ug pahunongon ko ang pagka- . . .

331 Ako—dili ko kabalo kung unsaon paglitok niana, pagka- . . . [Nagaingon ang kongregasyon, “Pagkamapahitas-on.”—Ed.] Dili ko masulti kana, kita n’yo.

. . . pahunongon ang pagkamapahitas-on sa mga palabilabihon, ug pagapaubson ko ang pagkapamahitas-on sa—sa tawong makalilisang.

332 Kita n’yo, kana, eksakto gayud, nga nakita mismo ni Isaias ang mao rang butang nga gihisgotan ni Jesus. Nga ginapahayag usab sa Ikapitong Selyo. Pag hinloan na sa Dios ang yuta pinaagi sa kasakitan, mao kana ang panahon sa Kasakitan, kining Ikaunom nga Selyo. Oo, usa siya ka propeta, ug nahipadayag kaniya ang Pulong sa Dios. Kana’y baynte-siete ka gatus ka tuig na ang milabay.

333 Tinuod gayud! Gusto ko lang isulti kini. Ang tibuok kalibutan, sumala kang Isaias dinhi, “ingon sa usa ka babaye nga magaanak,” nagaantus ang tibuok kabuhatan. Mahitungod sa unsa man ang tanan niini nga pag-agulo ug pag-antus? Sama mismo sa usa—usa—usa ka babaye nga mamahimo nang inahan; ang yuta mismo, ang kinaiyahan.

334 Aba, kining siyudara dinhi, ato mismong tan-awon kining kaugalingon natong siyudad; nga may, mga balay-imnanan, ug prostitusyon, ug kahugawan, ug mga tawong kriminal, sama sa uban pang siyudad!

335 Aba, nagatoo ko nga mas ganahan pa ang Dios, nga makita unta kini sama sa kung unsay Iyang nakita niini kaniadto, mga libo na ka tuig ang milabay. Kaniadtong padayon pa nga nagadagayday ang mga tubig sa Ohio, wala pa kaniadto og mga diki ug mga pagbaha. Wala pa’y kasal-anan diha sa walog. Ang mga buffalo nagasuroy-suroy pa dinhi, ug—ug ginapangayam kini sa lumad nga mga Cherokee nga nagkinabuhi kaniadto og desente nga pagpanginabuhi. Wala gayu’y mga problema, kaniadto.

336 Apan, sa miabot na ang tawo, dinha na miabot ang sala. Sa dihang hinay-hinay nga nagkadaghan ang mga tawo ibabaw sa yuta, didto na misulod ang sala ug mga paglapas. Husto kana, kanunay gyud tungod sa tawo. Aba, sa hunahuna ko usa kana ka kaulawan!

337 Atua ako, niadtong miaging adlaw, didto sa akong lugar nga ginapuy-an, didto sa Arizona. Ug ako—nabasa ko, kaniadtong bata pa ako, ang mahitungod kang Geronimo, ug—ug kang Cochise, ug mahitungod niadtong mga tigulang na nga mga Apache. Tungod, nakawali man ko kanila didto. Pagkabuutan nga mga tawo! Ug sila ang pinakabuutan nga mga tawo nga gusto n’yong mahimamat, silang mga Apache Indian.

338 Ug pagkahuman miadto ko didto sa—sa Tombstone, kon diin didto ang tanang karaang mga handumanan ug mga ingon-ana mahitungod sa maong gubat kaniadto. Ug mitanaw ko sa . . . Kanunay nilang, kabalo na mo, kanunay nilang gipakaingon si Geronimo ingon nga—ingon nga usa ka kriminal. Para kanako, usa siya ka tinuod nga Amerikano. Sa walay pagduhaduha! Iya lang gipakiglimbasogan ang iyang mga katungod, sama sa buhaton ni kinsa man. Ayaw niya niadtong mga kahugawan sa iyang yuta. Ug tan-awa kung unsa na kini karon; nahimo na ang iyang mga anak, ang mga anak niyang babaye, nga mga bigaon, ug tanan nang uban pa; ug moadto ang mga puti nga mga tawo didto. Salbahis man gud ang mga tawong puti.

339 Konserbatibo ang mga Indian. Siya'y usa ka—siya'y usa ka—usa ka matipigon sa kinaiyahan. Pagmangayam siya ug mag-ihaw og buffalo, kaonon sa tibuok tribu ang tanan nga mahimong kaonon niini. Gamiton nila ang panit niini para mahimong mga sinina ug mga tolda, ug tanang uban pa. Ug moadto lang ang tawong puti aron pusilon kini, basta lang nga may mapusil; aba, makauulaw kana!

340 Nakabasa ko og usa ka artikulo sa mantalaan, kon diin, sa Africa, kanang maanindot nga lugar nga puno og mga ihalas nga hayop! Kauban nila kining mga kalalaken-an, si Arthur Godfrey ug uban pa, nga nangadto didto, og gipangpusil kining mga elepante ug uban pa, nga nakasakay sa mga helikopter ug ingon-anang mga butang. Ngani naretratohan didto ang usa ka tigulang na nga babayeng elepante nga naghimalatyon na, ug ang mga luha niini, medyo, nagadagayday sa iyang nawong. Ug may duha didto ka dagkung mga lalaking elepante nga naningkamot nga patindogon siya, nga nagabantay . . . Aba, usa kana ka sala. Dili kana kalingawan.

341 Sa dihang didto ako sa umahan, ug kon diin ako nagapangayam ug ingon-anang mga butang, ug makita ko kadtong mga puting mangangayam nga nagaadto didto ug ginapusul kadtong mga usa, ug kuhaon lang ang sampot nga bahin niini. Ug usahay mopatay og walo o napulo ka gagmay'ng mga babayeng usa, ug biyaan ra ang mga niini nga nagbuyod didto. Ug magsige'g dagan-dagan ang mga nating usa, nga ginapangita ang ilang inahan. Ug ang buot mo bang ipasabot nga kana'y kahanas sa pagpangayam? Kana'y walay kasingkasing nga pagpatay, para kanako.

342 Nagalaum ko nga ang Canada dili unta maghimo og dalan pasulod didto, samtang buhi pa ako, aron dili makapangayam ang mga kriminal nga Amerikano didto. Husto kana. Sila mao ang pinakadili-maayo nga mga mangangayam nga nakita ko sa tibuok kong kinabuhi.

343 Karon, dili man tanan. Aduna ma'y pipila nga tinuod, matuod nga mga kalalaken-an, apan usa ra kana sa usa ka libo, nga inyong makaplagan.

344 Ginapupil ang bisan unsa na lang nga makita nila, sa unsa mang paagi nga gusto nila. Husto kana. Usa kana ka mamumuno. Husto kana. Wala siya'y kalooy. Ug nagapamupil siya, nga wala sa lugar.

345 Bueno, didto sa Alaska kaniadto, atua ako uban ang usa sa niining mga magtutultol. Ingon siya, "Aduna baya ko'y nakuha didto. . . Pagmoadto ako didto karon, ug mangita og mga panon nianang dagku nga usang-elk o. . . dili usang-elk ang makita mo, kondili mga usang-moose ang makita mong nagbuy-od didto; nga adunay mga bala sa singkwenta-kalibre nga machine gun ang mibuslot sa ilang mga sungay, kon diin kining mga Amerikanong piloto didto, sa Alaska, ang nangrakra kanila, gikan sa eroplano, usa ka panon mismo sa mga usang-moose." Kana'y wala gayu'y kalooy nga pagpatay.

346 Nasayod sila, nga pagmapatay nila ang mga buffalo, malupig nila ang mga Indian. Mamatay man siya sa gutom. Mao kana'y hinungdan nga kinahanglan nang mosurender ni Cochise kaniadto; iyang, ang tanan niyang mga prinsipe, ug ang tanang uban pa kanila, ang iyang mga anak, ug tanan niyang mga kabanay, mamatay na man sa gutom. Nangadto sila didto nga may dagku, dagku kaayong mga pusil diha kanila, si Buffalo Bill ug silang mga tawo nga nagapuyo sa kapatagan, gipamupil nila ang tanan niadtong mga buffalo, kuwarenta, singkwenta, sa matag hapon. Nasayod man sila, nga pagmapu-o na nila kana, mapapahawa 'sab nila ang mga Indian. Ug, oh, grabe! Usa kana ka buling sa bandila, kon giunsa nila pagtratar silang mga Indian kaniadto. Mao kana.

347 Apan timan-i, miingon ang Biblia, "Moabot ang takna nga pagalaglagon sa Dios ang mga nagalaglag sa yuta." Ug ang tibuok kalibutan!

348 Tan-awa n'yo ang mga walog. Nagatindog ko didto, niadtong miaging adlaw, nagalantaw sa walog didto sa Phoenix. Misaka mi sa South Mountain, milingkod ako ug akong asawa didto, ug naglantaw sa Phoenix. Ug ingon ko, "Dili ba kana makalilisang?"

Ingon siya, "Makalilisang? Unsa ma'y buot mong ipasabot?"

349 Ingon ko, "Ang sala. Ug unsa na kaha ka daghang mga pagpanapaw, ug paghuboghubog, ug pagpamalikas, ug paggamit sa Ngalan sa Ginoo sa walay kapuslanan, dinha nianang walog; nga may mga usa ka gatus ug—ug kuwarenta, singkwenta ka libo ka mga tawo, o siguro duha ka gatus ka libo ka mga tawo, diha niana nga walog!"

350 Ingon ko, "Lima na ka gatus ka tuig ang milabay, o mga usa na ka libo, nga wala gyu'y unsa man kaniadto gawas ra sa mga

cactus, mesquite, ug ihalas nga mga iro nga nagadagan ngadto-nganhi sa kabalasan, dinha sa—sa suba.” Ug ingon ko, “Ingon niana ang pagbuhat sa Dios niini.”

³⁵¹ Apan, miabot ang tawo. Unsa ma’y gibuhat niya? Iyang gipuno ang yuta og kahugawan. Ang mga kalsada puno na og kapait. Ang mga imburnal, ang . . . Ug kontaminado na ang mga kasapaan tungod—tungod sa kahugaw. Dili na sila . . . Aba, ayaw gyud pag-inom og bisan gamay’ng gikalos gikan niana nga tubig; makakuha gyud ka og bisan unsa na lang. Kita n’yo? Tan-awa kini. Dili lang dinhi, kondili, sa tibuok kalibutan, kontaminado na ang maong butang!

³⁵² Ug ang kalibutan, ang kinaiyahan, (Dios malooy ka!) ang tibuok kalibutan anaa—anaa na gayud sa mga kasakit sa pagpanganak. Nagapanglimbasog ang kalibutan, siya’y “nagaantus,” ang ingon ni Isaias. Unsa ma’y nagakahitabo? Anaa siya sa . . . nagapanglimbasog kini nga maghimugso og usa ka bag-ong kalibutan, para sa Milenyum, kon diin ang tanang . . .? . . . Nagapanglimbasog nga maghimugso og usa ka bag-ong kalibutan, para sa usa ka bag-ong katawhan nga dili na magpakasala ug magahugaw kaniya. Husto kana. Nagabati siya og kasakit. Mao kana’y hinungdan nga ang—ang . . . Nagabati kita og kasakit, diha kang Cristo, aron ihimugso ang Pangasaw-onon. Nagabati og kasakit ug nagaagulo mismo ang tanang butang. Kita n’yo, aduna gyu’y butang nga andam nang mahitabo.

³⁵³ Ug kining Ikaunom nga Hampak ang magpahitabo niini. Igsoon, magaabot ang grabeng linog, ug mangauyog ang mga bitoon, mangbuto ang mga bulkan, ug pagabag-ohon sa kalibutan ang kaugalingon niini. Bag-ong nagabaga nga linanay’ng mga bato ang mobugwak gikan sa kinauyokan sa yuta. Ug magun-ob kini, ang kinatibuk-an niini, pagmotuyok-tuyok na kini.

³⁵⁴ Ug sultihan ko kamo, usa niana ka buntag sa diha nga mobalik na si Jesus ug ang Iyang Pangasaw-onon dinhi sa yuta, aduna na’y usa ka paraiso sa Dios dinhi. Ingon-ana, oh, grabe, silang mga nakiggubat sa gubat, magalakaw didto kauban ang ilang mga higala ug mga minahal sa kinabuhi. Ang kawanangan mapuno sa mga pag-awit, sa Langitnong panon. “Oh, maayong pagkabuhat, Akong maayo ug kasaligan nga ulipon. Sumulod ka sa kalipayan sa Ginoo, nga dugay nang giandam para kanimo, sama sa angay mo unta kining maangkon kaniadto sa wala pa gisugdan ni Eva ang pagpakasala.” Amen! Whew! Oo.

³⁵⁵ Adunay pagabuhaton ang Ikaunom nga Selyo. Oo, sir. Tinuod gayud nga ang tibuok kalibutan nagaagulo ug nagaantus, alang sa kapanahonan sa Milenyum!

³⁵⁶ Karon, kining kalibutan nga aduna kita karon nahumod gayud og ayo sa kahugawan! Nga giwali ko na dinhi, dili pa

lang dugay, nagtoo kong, giwali ko na kana dinhi sa tabernakulo ang, *Kalibutan Nga Nagakalumpag*. Eksakto kana. Tan-awa n'yo kung unsa ang nagakalumpag sa kalibutan. Tan-awa, nagakalumpag na ang tanan-tanan, niini. Siguradong, ingon-ana gyud. Kini'y—sigurado gyud nga malumpag kini. Oo, sir.

³⁵⁷ Tan-awa, ang katukoranan niini! Ipakita ko kaninyo ang hinungdan kon nganong sigurado nga mamaingon niana ang kalibutan. Ang katukoranan niining kalibutan, ang mga puthaw, ug ang mga tumbaga, ug ang mga materyales nga ania niining yuta, gipanguha na gikan niini, ang katukoranan niini, alang sa gubat ug kapanginabuhian, hangtud nga halos andam na kining. . . Bueno, wala pa kita nagkaaduna og linog gawas niadtong miaging adlaw lang, dinhi nga bahin sa nasud; niadtong miaging adlaw lang gyud dinhi, nakita n'yo, sa St. Louis ug hangtud didto. Nagakanipis na kaayo kini. Gipanguha na nila ang tanan gikan niini. Kita n'yo?

³⁵⁸ Hugaw pud kaayo ang pulitika niini, halos wala na'y usa ka matinuuron kanila, kita n'yo, tungod sa sistema niini. Ubos na kaayo ang moralidad niini, nga wala na gani kini og unsa pa man nga moralidad. Kana lang. Kita n'yo? Oo. Dunot na ang relihiyon niini. Oo, sir.

³⁵⁹ Panahon na para sa Ikaunom nga Selyo, nga sa dili madugay, pagaablihan na. Ug pag naablihan na kini, oh, grabe, tapos na kini! Human nang gisakgaw ang Pangasaw-onon, humana siyang. . . gisakgaw na ang Rayna aron mopuwesto na sa iyang puwesto; gikasal na Siya nianang tungora, ngadto sa Hari, samtang magakahitabo kini. Ug ang mga nahibilin sa Israel selyado na ug andam nang mobiya, ug pagkahuman niana pagasaputon na ang kinaiyahan. Oh, pagkakuyaw nga panahon!

³⁶⁰ Himatikdi ang ulahing bersekulo sa Ikaunom nga Selyong, giablihan. Kadtong mga nagkatawa sa pagwali sa Pulong, mahitungod sa gipanghimatud-an nga Pulong sa buhi nga Dios; sa diha nga silang mga propeta mibarug didto ug namuhat og mga milagro, nga gisirhan ang adlaw, ug tanang uban pa, ug sa maong tibuok nga kapanahonan. Kita n'yo, "Sila nanagtuaw ngadto sa kapangpangan ug kabukiran aron tabonan sila," kita n'yo, aron nga matabonan lang sila gikan sa Pulong nga ilang gikataw-an, tungod nakita man nila Siya nga nagaabot na. "Taboni kami gikan sa kapungot sa Cordero." Siya mao ang Pulong. Kita n'yo? Gikataw-an nila ang Pulong. Ug ania ang Pulong nga, nagpakatawo. Ug gibiyabiayan nila Kini; gikataw-an sila, gibiyabiayan sila. Ug minaug ang nagpakatawo nga Pulong!

³⁶¹ Nganong wala man sila naghinulsol? Tungod dili man nila mahimo. Ulahi na kaayo, nianang panahona. Busa, nasayod na sila niana, sa maong silot. Napatalinghugan nila Kini. Mitambong man 'sab sila sa mga panagtigum nga sama niini ug

nasayran ang mahitungod Niini. Ug hingsayran pud nila nga ang mga butang nga gikatagna, niadtong mga propeta, nagatutok na kanila mismo diha sa ilang dagway, ang mismong butang nga ilang gisalikway. Gisalikway nila ang kalooy sa kaulahiag higayon.

³⁶² Ug pag isalikway mo ang kalooy, wala na gayu'y nahibilin pa kondili ang paghukom. Pag isalikway mo ang kalooy; hunahunaa lang kini.

³⁶³ Ug ingon niana sila. Wala na sila'y lugar nga maadtoan, walay dalangpanan. Ug miingon ang Biblia dinhi, "Sila nanagtawag alang sa . . . Nanagtuaw ngadto sa kapangpangan ug kabukiran, nga, "Tumpagi kami, ug taboni kami gikan sa—gikan sa nawong . . . ug sa kapungot sa Cordero." Gipaningkamotan man nilang maghinulsol, apan miabot na man ang Cordero aron angkonon na ang mga Iyaha Mismo, kita n'yo. Ug nanagtuaw sila ngadto sa kapangpangan ug sa kabukiran. Nanag-ampo sila, apan ulahi na kaayo ang mga pag-ampo.

³⁶⁴ Igsoon kong lalaki, igsoong babaye, ang kaayo ug kalooy sa Dios, gilugwayan na para sa mga tawo. Samtang, gibutahan ang Israel tungod niini, para dinhi, sa halos duha na ka libo ka tuig, aron mahatagan lang 'ta og usa ka kahigayonan nga maghinulsol. Gisalikway mo ba kana nga kalooy? Gisalikway mo ba? Gisalikway mo ba Kana?

³⁶⁵ Si kinsa man mo, kung ingon-ana? Asa man mo gikan? Ug asa man mo padulong? Dili n'yo mapangutana ang doktor, dili n'yo mapangutana ang si kinsa man sa kalibutan, ug walay libro usab nga mabasa ninyo, nga makasulti kaninyo kon kinsa kamo, kon asa kamo gikan, ug kung unsay inyong padulngan, kondili kini nga Libro lang.

³⁶⁶ Karon, kabalo na mo, kung wala mo'y Dugo sa Cordero aron mamuhat para sa inyong kahimtang, makita n'yo na kon asa ang inyong paingnan. Busa, kung—kung gibuhat kana sa Dios para kaninyo, ang pinakagamay'ng butang nga mahimo nato mao ang dawaton kung unsa ma'y Iyang nabuhat. Kana lang ang gihangyo Niya nga buhaton nato.

³⁶⁷ Ug sumala niini nga basihanang, kung maghisgot ko og dugang pa, kinahanglan kong hisgotan ang mahitungod nianang Hampak, ang tanan niana, sa panerbisyo ugma sa gabii. Ug karon dili ko na mahimo kini, nga magpadayon pa. Gimarkahan ko na kini dinhi, og usa ka krus, "mihunong dinhi," kita n'yo. Busa, kung ingon-ana, ako—hulaton ko na lang gyud hangtud ugma.

Karon iduko nato ang atong mga ulo sa makadiyut.

³⁶⁸ Kung wala mo pa, minahal kong higala, wala—wala mo pa gidawat ang gugma niining Dios nga akong ginahisgotan! Kung wala pa nimo . . . Paminawa kini og ayo karon. Kung wala mo pa

gidawat ang Iyang gugma ug kalooy, siguradong motindog gyud ka didto sa Iyang mga paghukom ug kapungot.

369 Karon, ikaw, karong gabhiona, anaa usab sa mao rang kahintang sama ni Adan ug ni Eva sa tanaman sa Eden kaniadto. Aduna ka'y katungod. Aduna pud ka'y gawasnong kinaugalingong pagbulot-an. Mahimo kang modangop ngadto sa Kahoy sa Kinabuhi, o kaha mahimo mong dawaton ang plano nga iya sa paghukom. Apan, karong adlaw, samtang aduna ka pa'y maayong salabutan, nga anaa sa husto mong panghunahuna, ug himsog ka pa nga—nga makatindog ug dawaton kini, nganong dili mo man buhaton kini kung wala mo pa gyud kini nabuhat sukad.

370 Aduna ba'y mga tawo dinhi nga wala pa, nagbuhat niana, hangtud karon? Kung ingon niana man, mahimo n'yo bang ipataas ang inyong kamot? Moingon, "Iampo ako, Igsoong Branham. Gusto ko nang buhaton kini karon. Dili ko gustong moabot pa kana." Karon, hinumdumi, mga higala... Panalanginan kamo sa Dios. Maayo kana. Aduna ko'y...

371 Dili ko kini mga ideya ang mahitungod Niini. Ako—ako... Dili ingon niini ang akong gihunahuna; bug-os kining gawas na kanako. Busa tabangan unta ako, nasayod ang Balaang Espiritu niini. Ug hulata ninyo, kon itugot sa Ginoo, ugma sa gabii, gusto kong ipakita kaninyo ang usa ka misteryo nga dugay nang nagakahitabo, dinhi mismo niini nga panagtigum. Nagaduhaduha kaayo ko kon nakita n'yo ba kana o wala, kita n'yo, kung unsay—kung unsay nagakahitabo. Butang kini nga gipahimutang mismo dinhi sa atubangan ninyo. Ug gibantayan ko, matag gabii, kini, nga mahitabo kini, nga may tawong moingon, "Nakita ko kana." Kita n'yo?

372 Ayaw gyud Kini isalikway, palihog, ginahangyo ko kamo; kung dili pa kamo Cristohanon, kung kamo—wala pa kamo napailalum sa Dugo, kung wala pa kamo natawo pag-usab, og napuno sa Balaang Espiritu.

373 Kung wala pa mo sukad nakapahayag sa kadaghanan mahatungod—mahatungod ni Jesus Cristo, pinaagi sa pagpabautismo sa Iyang Ngalan, sa pagpamatuod sa Iyang kamatayon, paglubong ug pagkabanhaw, nga inyo nang gidawat, nan andam na ang tubig. Nagahulat ra sila. Anaay mga ilisan dinhi, ug nahilandam na ang tanang butang.

374 Ania pud nga andam si Cristo, nga gituy-od ang mga bukton, aron dawaton kamo. Sulod sa usa ka oras gikan karon, kana nga kalooy tingali'g dili na moabot pa kaninyo. Mahimong isalikway n'yo kini sa kaulahiing higayon; og dili na gayud niini tandogon ang inyong kasingkasing pag-usab. Samtang mahimo n'yo pa, samtang mahimo n'yo pa, nganong dili n'yo man buhaton kini? Karon samtang...

375 Nasayod ko nga ang kasagaran, naandan nang pamaagi, mao ang paanhion ang mga tawo sa altar. Ginabuhat man nato kana, ug kana’y maayo gayud. Pero niining higayona, nagkaguot man gud ta dinhi, hangtud mismo dinhi sa altar, mao nga dili ko mahimo kana.

376 Apan gusto kong isulti kini. Sa apostolikanhong adlaw kaniadto, ginaingon nila, “Sa tanan nga mitoo gipangbautismohan.” Kita n’yo? Kung mahimo n’yo lang, gayud, sa kinahiladman sa inyong kasingkasing! Mao lang kana tanan. Dili kini—dili kini emosyon, bisan pa man ginaubanan kini og emosyon. Sama lang sa ako nang gikaingon, dili sala ang pagpanigarilyo ug paghuboghubog; bunga lang kana sa sala; nagapakita kana nga wala kamo nagatoo. Kita n’yo? Apan pag tinuod gayud kamo nga nagatoo diha sa inyong kasingkasing, ug nasayod kamo niana sa basihan sa, kon asa kamo nagalingkod dinha, og gidawat n’yo kini sa tibuok ninyong kasingkasing, nan aduna gyu’y butang nga mahitabo dinha mismo. Mahitabo kini.

377 Dayon makabarug na kamo ingon nga saksi niini, nga aduna gyu’y butang nga nahitabo. Pagkahuman niana lakaw mo ngadto sa tubig, og moingon, “Gusto kong ipakita sa kongregasyon, gusto kong pamatud-an, gusto kong ipakita ang akong testimonyo, nga magpabilin ako sa akong puwesto uban ang Pangasaw-onon. Ania ako karon mabautismohan.”

378 Nasayod ko nga daghang mga kababayan-an sa kalibutan karong gabhiona, buutan nga mga kababayan-an, apan nagmasulob-on ako nga usa ra ang akong nakita. Adunay usa kanila kana’y ang akong asawa. Nagauli siya uban kanako. Dili ko siya asawa, kaniadto; apan ang paagi nga nahimo siyang asawa ko, gidala niya ang akong ngalan.

379 Moanhi si Jesus. Daghan kaayong mga kababayan-an, mga kaiglesiahan, sa kalibutan, apan moanhi Siya alang lamang sa Iyang Asawa. Ginatawag ang Iyang Asawa sa Iyang Ngalan. “Sila nga anaa kang Cristo pagadad-on sa Dios uban Kaniya.” Unsaon man nato pagsulod Niini? “Pinaagi sa usa ka Espiritu kitang tanan gibautismohan ngadto sa usa ka Lawas.”

380 Karon samtang magaampo kita, mag-ampo kamo, usab. Sa mga anaa sa sulod ug sa gawas, adunay dakung panon sa mga tawo sa mga lawak, sa gawas, nga nagatindog ra sa palibot, dinha sa mga kalsada. Apan karon samtang—samtang kamo. . . Dili na namo mahimong paanhion kamo dinhi sa altar. Apan, ang inyong kasingkasing, himoa kana nga altar. Ug sa inyong kasingkasing mismo, moingon, “Ginoong Jesus, nagatoo ko Niini. Nagatindog ko dinhi niining gabhiona. Halos dili ko makaginhawa, sulod niining gamay’ng lawak. Nagalingkod ko dinhi, uban niining mga tawo. Ako—ako—ako—ako—dili ko gusto mahimong. . . dili ko mahimong pakyason kini; dili ko gayud mahimong pakyason.”

³⁸¹ Ang tanan-tanan, sa gikaingon ko na kaninyo kagabii, ug, busa tabangan unta ako, nasayod ang Ginoo nga ginasulti ko ang Kamatuoran. “Ako wala magbakak,” sumala sa gikasulti ni Pablo. Kana nga panan-awon, o unsa man kana; nagtindog ko didto, nakita ko, ug nagunitan ko mismo kadtong mga tawo nga mitaliwan na, sa ingon ka tinuod gayud nga nagatindog ako mismo dinhi. Ayaw kini pakyasa, akong luoy’ng igsoong lalaki o igsoong babaye; ayaw kana buhata. Nasayod ko nga nakapatalinghug na kamo og wali, napatalinghugan n’yo ang *ingon-niini*, *ingon-niana*, ug mga sugilanon, tanan na niana. Apan tugoti. . . Paminaw gayud. Para kanako, kini mao’y. . . nasayod ko nga Kamatuoran kini, kita n’yo. Inyo lang. . . ako—ako—dili ko na kana mapaklaro pa, kita n’yo. Ayaw kini pakyasa. Inyo kining tanan.

Karon mag-ampo kita.

³⁸² Ginoong Jesus, ania sa atubangan ko ang usa ka kahon sa mga panyo nga nagarepresentar sa mga tawong may sakit. Samtang ginaampo ko ang mga niini, nagapandong og mga kamot niini, sumala sa giingon sa Biblia, “Mikuha sila gikan sa lawas ni Pablo, og mga panyo ug mga panapton, migula ang mahugaw’ng mga espiritu gikan sa mga tawo, ug dagkung mga ilhanan ang nabuhat.”

³⁸³ Tungod, nakita man nila si Pablo, nga hingsayran nila nga ang Espiritu sa Dios anaa kaniya. Nasayod sila nga siya’y—siya’y usa ka talagsaon nga tawo, tungod, sa mga butang nga iyang gihisgotan, mahitungod sa Pulong. Moadto siya og gamiton ang karaang Hebreohanong pulong sa Hebreohanong iglesia, ug buhion kini, ug ipahinungod kini ngadto kang Cristo. Hingsayran nila nga anaa ang Dios sa maong tawo. Dayon nakita nila nga namuhat ang Dios og talagsaon ug gamhanang mga buhat pinaagi kang Pablo, nagapropesiya og mga butang ug nagakahitabo kadto sa ingon-niadto mismo nga paagi, ug nasayod gyud sila nga siya’y alagad sa Dios.

³⁸⁴ Ginoo, ginaampo ko nga pasidunggan Mo kini nga mga tawo tungod sa ilang pagtahud sa Pulong, ug ayoha sila alang kang Jesus. Dinhi sa mga mananambong, Ginoo, adunay nagalingkod nga mga tawo, sama ra niadtong mga nanagpatalinghug kang apostol Pedro kaniadto sa Adlaw sa Pentecostes. Mibalik siya sa Pulong, ug nasabtan niya mismo ang Pulong! Ug ingon siya, “Ingon ni Joel, sa kaulahiing mga adlaw mahitabo kining mga butanga. Ug mao na Kini.” Ug gitooan Kini sa tulo ka libo, ug gipangbautismohan sila.

³⁸⁵ Ug, Amahan, karong adlawa nagatindog kami dinhi tungod sa Imong grasya. Ug dili tungod nga—nga kami espesyal nga mga tawo, kondili tungod kay (sama lang niadtong panahon sa leon, o sa baka, o sa tawo) kini mao’y panahon sa agila. Mao kini ang dihog alang sa maong panahon. Mao kini ang panahon

nga among gikinabuhian. Mao kini ang pagpamuhat sa Balaang Espiritu alang niining partikular nga panahon, aron pamatud-an nga dili patay si Jesus. Ang mga butang nga gisulti Niya nga Iyang pagabuhaton sa dili pa mapalolong ang pang-gabii nga mga Kahayag, ug ania na makita namo Siya nga ginabuhat kana, nga sunod-sunod. Nakita namo Kini nga miabot diha sa siyentipikong pagtuki ug nakudakan ang Iyang hulagway; ang gamhanang Haligi nga Kalayo Nga nanguna sa mga anak sa Israel kaniadto; Nga nakigtagbo kang Pablo sa dalan.

³⁸⁶ Ug nasayod kami, nga kining mao gihapong Haligi nga Kalayo nga nanguna kang Moises didto sa kamingawan kaniadto, og pinaagi nianang mao ra nga Haliging Kalayo nakasulat siya og daghang mga Basahon sa Biblia, tungod kay dinihogan man siya sa Pulong.

³⁸⁷ Sa niining mao ra nga Haliging Kalayo nga mikunsad kang Pablo, didto sa dalan paingon sa Damascus, nakasulat pud siya og daghang mga Basahon sa Biblia, nga gitawag og Pulong sa Dios.

³⁸⁸ Ug karon, Ginoo, kanang mao gihapong Haligi nga Kalayo, pinaagi sa ebidensiya sa pagpanghimatuod sa Pulong, ug bisan sa siyentipikong pagtuki, makita namo Kini karon nga ginapadayag ang Pulong sa Ginoo.

³⁸⁹ Dios, itugot nga mahigmata ang mga tawo, Ginoo, sa gilayon! Kadtong mga nahisulat na ang ilang mga ngalan diha sa Basahon sa Kinabuhi; pagmokidlap na Kini diha sa ilang dalan, hinaut nga makita nila. Sama kaniadtong luoy'ng, mahugaw'g-dungog nga babaye sa atabay niadtong adlaw, naila niya sa gilayon, ug hingsayran niya nga mao na Kadto ang Kasulatan.

³⁹⁰ Ug karon, Amahan, ginaampo ko nga ang tanang modawat Kanimo niining higayona, diha sa ilang mga kasingkasing, hinaut nga ipapabilin kini hangtud sa kahangturan, niining orasa, nga sila'y tapos na sa sala; nga mangbarug sila ug mangandam para sa dayag nga pagpahayag, nga mabautismohan sa Ngalan ni Jesus Cristo, alang sa kapasayloan sa ilang mga sala; aron ipakita nga nanagtoo sila nga gipasaylo na sila sa Dios, ug dalhon na nila ang Ngalan ni Jesus Cristo.

³⁹¹ Dayon, Amahan, ibubo ang Balaang Espiritu, nga nga mao ang Lana, diha kanila, aron mapahimutang sila sa buluhaton sa Ginoong Dios, aron mamahimo pud sila nga mga mamumuhat sa niining kaulahian, og dautan nga panahon, tungod naamgo namo nga aduna kami og hamubo na lang nga panahon. Ug mahimong mokayab na ang Iglesia sa unsa mang oras.

³⁹² Ang Cordero tingali, sa unsa mang oras, mobiya na sa santuwaryo Didto, o sa Trono sa paghalad, og motindog gikan sa Trono sa Dios kon diin napahimutang ang halad, ug dayon tapos na kini; wala na'y paglaum pa alang sa kalibutan; tapos na siya. Dayon mahiagum siya og mga kakulba, mga grabeng

pag-ulbo sa mga linog, ug—ug makusog nga mga pag-uyog sama kaniadtong sa pagkabanhaw. Ug—ug, ang—ang. . .

³⁹³ Maingon nga mibangon si Cristo gikan sa lubnganan, sa diha nga mobangon usab ang mga balaan, mahitabo mismo ang mao rang butang. Ginoo, mahimong mahitabo kini unsa mang taknaa. Nagahulat kami alang sa pag-abot nianang malipayong adlaw.

³⁹⁴ Agaka ang Imong mga anak ilalum sa Imong bukton, Amahan, karon. Dad-a ang Imong gagmay'ng mga cordero nganha sa Imong sabakan. Itugot kini. Ug pakan-a sila sa Pulong, hangtud nga malig-on sila alang sa buluhaton. Ginatugyan namo sila Kanimo karon, Ginoo. Tubaga kini nga pag-ampo.

³⁹⁵ Miingon Ka, Amahan, dinha sa Marcos, sa ika-11 nga kapitulo, “Pagmoampo ka, magatindog sa pag-ampo, toohi nga madawat mo kung unsay imong ginahangyo, ug madawat mo kini.”

³⁹⁶ Ug sa tibuok kong kasingkasing para Kaniya nga nagapadayag niining mga butanga sa mga nangaging katuigan, ug niining mga Selyo dinhi sa niining nangagi nga semana; nagatoo ako, Kanimo, Ginoong Dios, nga mao na kini ang panahon, haduol na karon, mas haduol pa kay sa among pagdahum, ang Imong pag-abot.

³⁹⁷ Kung mahimo itugot nga matubag ang akong pag-ampo. Ug hinaut nga ang matag tinawag nga anak sa Dios, nga mga ania dinhi nagapaminaw, o kon diin man abton niining teyp, hinaut nga nianang higayona. . . ginaangkon ko sila alang sa Ginghamarian sa Dios, sumala sa basihanang sa pagkahibalo nga mao kini ang Pulong nga nahipadayag. Itugot nga modan-ag ang pang-gabii nga Kahayag, Amahan. Ginatugyan ko sila Kanimo, sa Ngalan ni Jesus. Amen.

³⁹⁸ Karon, ang tanan, nga anaa sa sulod o sa gawas, nga nagatoo, ug wala pa gayud nakahimo sa inyong—inyong pagpahayag ngadto sa kadaghanan, nga tapos na mo sa sala; ug kamo—gitinguha ninyo ang kalooy sa Dios, ug nadawat n'yo kini diha kang Jesus Cristo. Ang bautismohanang. . . Andam sila nga bautismohan ang si kinsa man nga gustong magpabautismo, karong adlaw o ugma, karon mismo o kon kanus-a man.

³⁹⁹ Nagustohan n'yo ba ang Ikaunom nga Selyo? [Nagaingon ang kongregasyon, “Amen.”—Ed.] Nakita n'yo ba kon asa Kini naablihan karon? [“Amen.”] Gitooan n'yo ba Kini? [“Amen.”]

⁴⁰⁰ Miingon Kini, “Kinsa ba'y nakatoo sa among balita? Ug kang kinsa man gipadayag ang bukton sa Ginoo?” Kita n'yo? Toohi ang balita, dayon ang bukton sa Ginoo mapadayag. Ang bukton, ang Pulong sa Ginoo, napadayag.

401 Kon itugot sa Ginoo ha, ugma sa gabii, paningkamotan ko kutob sa akong mahimo nga tubagon ang maong mga pangutana. Tingali'g igahin ko ang nahibilin niining gabii, ug, o halos kinatibuk-an niini, sa pag-ampo, para niining mga pangutana. Makatulog lang ko og mga usa hangtud tulo ka oras sa matag gabii. Ngani kagabii ala una na ako nakatulog, ug pagka-alas tres nagtuon na pud ko. Kita n'yo? Kita n'yo?

402 Kinahanglan kong manubag para niini. Husto kana. Haduol na kaayo kita para sa unsa mang butang, sa unsa mang kabuang, o unsa mang mga pagpamasin, o alang-alang nga pagtoo. Kinahanglan kong makita kini, una. Ug dayon, pagnakita ko na kini, kinahanglan nga anaa kini sa Pulong, usab. Ug hangtud karon, tungod sa grasya sa Ginoo, ingon gyud ka hingpit kini. Gisubay ko kini gikan sa sinugdanan hangtud sa katapusan, kabalo mo niana, ug kini'y—mitakdo gayud kini nga husto.

403 Kini'y kinahanglan MAO KINI ANG GINAINGON SA GINOO. Tungod kay, dili ingon nga isulti lang Kini tungod nasayod ko Niini, mismo, apan ang Pulong sa Ginoo mao'y MAO KINI ANG GINAINGON SA GINOO. Ug ania ang Pulong, og ginawali ko lang kung unsay Iyang gihatag kanako, ug ginatakdo Kini ug ginapakita Kini kaninyo. Busa mahibal-an n'yo, mismo, nga kini'y MAO KINI ANG GINAINGON SA GINOO. Kita n'yo?

404 Ania ang Pulong, nga nagasulti niini. Ug dayon ang kapadayagan nga gihatag Niya kanako, nga sukwahi sa kung unsa ma'y gihunahuna ni kinsa man kanato; aba, sukwahi man gani sa kung unsay akong gihunahuna, tungod kay wala ko pa man nahisgotan Kini nga sama niana. Apan karon, hingsayran nato, nga nagakatakdo kini mismo. Ug unsa man Kini? Kini'y MAO KINI ANG GINAINGON SA GINOO. Kita n'yo? Eksakto gayud. Kini'y usa ka butang nga abli na, nga nagahulat lang, alang niining taknaa, ug dayon miabot ang Ginoo ug giklaro Kini mismo nga sama niana. Busa, nakita n'yo, mao na Kini. Kini, Kini'y—ang Ginoo kini. Oh, gihigugma ko Siya! Gihigugma ko Siya sa tibuok kong kasingkasing.

405 Karon timan-i, kamo. . . Dili na ta makapa-anhi sa altar. Daghan na ang nagpataas sa ilang mga kamot. Karon, kita n'yo, usa kini ka pang-individuwal nga butang, para kaninyo. Kini mao'y kung unsa man ang gusto ninyong buhaton. Kita n'yo?

406 Haduol na kaayo ang takna, kinahanglan ninyong makigbisog pa kutob sa inyong mahimo, og dili na kinahanglan pang guyoron. Kita n'yo, pakigbisog gayud, paningkamot nga makasulod, "Ginoo, ayaw ako pasagdi nga anaa sa gawas. Ayaw ako biyai sa gawas, Ginoo. Pagasirhan na ang mga pultahan; kung mahimo makasulod pa unta ako!" Kita n'yo?

407 Pagasirhan na sa Dios ang pultahan sa umaabot nga adlaw. Gibuhat Niya kana sa adlaw ni Noe kaniadto, ug nagsige sila'g panuktok sa pultahan. [Ginadukdok ni Igsoong Branham ang

ibabaw sa pulpito sa makadaghang higayon—Ed.] Husto ba kana? [Nagaingon ang kongregasyon, “Amen.”]

408 Karon hinumdumi, miingon ang Biblia, nga, “Sa ikapitong pagtukaw.” Husto ba kana? [Nagaingon ang kongregasyon, “Amen.”—Ed.] Ang uban nahikatulog ra sa unang pagtukaw, ikaduha, ikatulo, ikaupat, ikalima, ikaunom, og ikapito. Apan, sa ikapitong pagtukaw, dihay miabot nga usa ka proklamasyon, usa ka singgit, “Nagaanhi na ang Pamanhonon! Panggawas kamo ug sugata Siya.”

409 Miingon ang nagakatulog nga mga dalagang ulay, “Aba, gusto kong makabaton og ingon niana nga Lana karon na.”

410 Miingon ang Pangasaw-onon, “Aduna ko’y igo lang para sa akong kaugalingon; igo lang kini kanako. Kung gusto n’yo Kini, adto mo og mag-ampo para Niini.”

411 Dili ba ninyo makita ang nagakatulog nga mga ulay karon? Tan-awa ang Episcopalian, Presbyterian, Lutheran, ug tanan na, nga nagapaningkamot na mismo. Ug ang problema lang niini, imbis nga maningkamot nga madawat ang Espiritu Santo, nagapaningkamot hinoon sila nga makasulti sa laing mga dila.

412 Ug daghan kanila ang nagasulti sa laing mga dila, ug maulaw man nga motambong niini nga iglesia aron maiampo; gusto pa nga ako ang moadto sa ilang balay ug iampo sila. Matawag n’yo ba kana nga Espiritu Santo? Pagsulti kana sa laing mga dila, apan dili nga Espiritu Santo. Kita n’yo?

413 Karon, nagatoo ko nga ang Espiritu Santo nagasulti man sa laing mga dila. Kabalo na mo nga nagatoo ako niana, kita n’yo. Apan aduna ma’y mini Niini, usab. Oo, sir. Ang—ang mga bunga sa Espiritu, ang nagapamatuod kung unsa Kini. Ang mga bunga sa kahoy ang nagapamatuod kung unsa nga matang sa kahoy kini. Dili ang panit sa kahoy; ang bunga mismo!

414 Karon matikdi, dayon, pagmoduol na siya, nianang—nianang ulahi nga takna. Ug dinha, pagmoabot sila, dayon moabot sila ug moingon, “Bueno, nagatoo ko nga nadawat ko na Kini. Nagatoo gyud ko nga nadawat ko na Kini. Oo, nadawat na namo Kini.”

415 Ako—ako—mas maayo nga dili ko na isulti kini, kita n’yo, kay tingali’g maghinungdan pa kini og pagkalibog. Sa dihang gisulti ko niadtong miaging adlaw, ang Pagsakgaw, kon sa unsang paagi Kini mahitabo, ako—ako . . . Karon, kung moingon mo nga inyong—nga inyong toohan kini, nan maayo. [Nagaingon ang kongregasyon, “Amen.”—Ed.] Matikdi. Matikdi. Sige, anaa ra kana kaninyo.

416 Sa diha nga ang nagakatulog nga ulay, kita n’yo, nga nagdahum nga siya’y nag-ampo na, aron mobalik, human nang gisakgaw ang Pangasaw-onon. Mikayab na ang Pangasaw-onon, ug wala siya mahibalo niini; sama sa usa ka kawatan

sa kagabhion. Dayon mosugod na silang manuktok sa mga pultahan. Ug unsa ma'y mahitabo? Unsa ma'y mahitabo? Igatambog sila ngadto sa panahon sa Kasakitan. Miingon ang Biblia, "Magkaaduna og paghilak, ug pagdanguyngoy, ug pagkagut sa mga ngipon." Husto ba kana?

417 Kon kanus-a man kana mahitabo, igsoong lalaki, igsoong babaye, wala ako mahibalo. Apan, ako—ako, para kanako, tingali'g ako lamang dinhi, karon, kita n'yo. Kini, kini mao'y kung unsa. . . Mao kini ang akong hunahuna. Kita n'yo? Ako—ako—nagatoo ko nga haduol na kaayo kana, ako—ako'y. . . Sa matag adlaw ako—nanguha kong. . . Nagapaningkamot kong magkinabuhi nga ingon ka malolot kutob sa akong mahimo. Kita n'yo? Ug karon sa dihang, kabalo na mo, sa dihang ang. . .

418 Adunay butang nga nahitabo karong adlaw, ug aduna ko'y nakita nga mitungha. Ako—ako gayu'y. . . Dili ako halos makaghinawa kaganina, kita n'yo. Didto Siya kaganina, nga nagatindog, kanang gamay'ng Kahayag nga nagpakita didto mismo. Ug atua Siya. Mao nga nasayod ko nga Kamatuoran kini.

419 Nahunahuna ko, "Oh Dios, dili ko masulti kana. Ako—dili ko masulti kana. Dili ko mahimo." Migawas na lang ko gikan sa maong lawak, miadto didto, og naglakaw-lakaw. Igsoon, nahunahuna ko, "Grabe! Unsa ma'y akong buhaton? Oh!" Kita n'yo? Ug ako—kinahanglan kong mamingwit, o unsa man, o ako. . . Aba, kamo'y. . . kamo. . . dili ko makasulti kaninyo. Kita n'yo?

420 Busa, aduna kita'y maanindot nga higayon. Dili ba? Dalaygon ang Ginoo! Amen! Kita n'yo? Ania kita sa usa ka—ania kita sa usa ka makuyaw nga panahon, kita n'yo, tungod nagaawas-awas na sa akong kasingkasing ang kalipay ug kasadya.

421 Apan pagmahunahuna ko kining kalibutana ug ang linibo nga hingsayran ko nga mga nahisalaag, og mga nangitngitan, hum, nan magadugo gayud ang imong kasingkasing. "Unsa ma'y mahimo mo? Unsa ma'y mahimo mo?" Mabati mo mismo ang Balaang Espiritu nga nagatuaw, sa imong kasingkasing. Siguradong sama kaniadto sa atong Ginoo, sa dihang mitan-aw Siya didto sa Jerusalem, ang Mismo Niyang mga katawhan, kita n'yo, miingon, "Jerusalem, Jerusalem, sa makadaghan nga buot Kong lumluman ka, sama sa usa ka himungaan nga magalumom sa iyang mga piso, apan nagadumili ka." Mabati mo gayud ang Balaang Espiritu nga nagaingon, "Sa makadaghan Kong gipangandoy nga tigumon kamo, kita n'yo, apan nagadumili man kamo." Kita n'yo?

422 Kita'y, ania na kita mismo sa usa ka butang, mga higala. Kung unsa man kini, ang Dios ang nahibalo. Walay si kinsa man, walay si kinsa man ang nahibalo kung kanus-a kini mahitabo.

Usa kini ka sekreto. Wala gyu’y si kinsa man ang nahibalo kung kanus-a kini mahitabo.

423 Apan nagsulti man si Jesus kanato, “Inigkakita ninyo niining mga butanga, niining tanang mga butanga.” Sama ra sa akong gibuhat, gitandi ko ang Ikaunom nga Selyo, ngadto sa kung unsay Iyang gisulti sa Mateo 24. Karon hinumdumi kung unsay Iyang giingon, “Inigkakita ninyo niining mga butanga nga nagaabot na, sugod nang nagakahitabo, nan ang maong takna anaa na gayud sa pultahan.” Matikdi ninyo ang mismong misunod nga bersekulo, ang 30–30 ug ika-31 nga bersekulo nga nagpadayon sa, ika-32, ika-33 nga bersekulo.

424 Ingon Siya, “Ug pagasugoon Niya ang Iyang mga manulonda ngadto sa upat ka kanto sa kalangitan, sa upat ka mga hangin, aron tigumon ang Iyang mga Pinili.” Husto ba kana?

Miingon, “Karon magtuon og usa . . .”

425 Karon hinumdumi, nga mihunong Siya mismo dinha. Wala na Siya nagpadayon, human nianang Ikaunom nga Selyo. Wala gyud Siya nagsulti og unsa man mahitungod sa Ikapito. Gisulti Niya ang Una, Ikaduha, Ikatulo, Ikaupat, Ikalima, ug Ikaunom. Apan mihunong na Siya dinha, og wala na naghisgot og unsa man mahitungod Niini.

426 Matikdi ang sunod nga butang nga Iyang gisulti, “Karon tun-i ninyo kini nga sambingay.” Kita n’yo? Dayon nagsugod na Siya sa maong sambingay. Ingon Siya, “Mahitabo kining mga butanga.”

427 Ginatubag Niya ang tulo ka pangutana. “Unsa man ang mamahimong . . . mga ilhanan? Ug unsa man ang ilhanan sa Imong Pag-anhi? Unsa man ang ilhanan, sa katapusan sa kalibutan?”

428 Ug Ang Ikaunom, dinha, mao ang katapusan sa kalibutan. Ug ang pagtingog sa ikapitong manulonda . . . “Gibayaw ang mga kamot, ug nanumpa Kaniya nga buhi hangtud sa kahangturan, nga matapos na ang panahon.” Maghimugso ang yuta og usa ka bag-ong yuta. Tapos na ang kining sa karon.

429 Ug ania kita, nga ania na mismo sa pultahan. Oh, nagapangurog ako. “Ug unsa ma’y kinahanglan kong buhaton, Ginoo? Unsa—unsa pa ma’y akong mahimo?” Kita n’yo? Ug, dayon, palandongang lang nga makita mo kana nga dapit ug kadtong bililhon nga mga tawo! Sa nagatindog ako didto, ginatan-aw ang akong kaugalingon. Ug nahunahuna ko, “Oh Dios, aba, sila—dili nila puedeng masayloan kini. Ako—ako—kinahanglan ko silang pugson. Kihanglan kong monaug diha sa mga mananampong ug aghaton, ug pugson sila.” Dili mo mahimo kana. Kamo . . .

430 “Walay tawong makahimo sa pag-ari gawas kon pagadanihon siya sa Akong Amahan.” Apan ania ang usa ka

kahupayan nga aduna kita, “Ang tanan nga gikahatag Kanako sa Amahan magari.”

⁴³¹ Apan ang tanang uban pa kanila, sa nianang mga organisasyon, nanagsalig na lang sila sa butang nga sama niana, kita n’yo. “Ug iyang gilimbongan ang tanan nga nangabuhi, nanagpuyo sa yuta, kinsang mga ngalan wala mahisulat nianang Basahon sa Kinabuhi nga iya sa Cordero, nga gipatay sukad sa pagkatukod sa kalibutan.” Oh, grabe! Busa, nakita n’yo, usa kana ka masubo nga butang.

⁴³² Ang butang lang nga mahimo ninyo mao ang magpabilin lang—lang—lang—lang gayud sa Pulong. Matikdi mismo nga kung unsa man ang Iyang ginasulti nga pagabuhaton, ug buhata gyud kana. Kita n’yo? Kung unsa ma’y Iyang ginasulti nga pagabuhaton; buhata kana.

⁴³³ Ug motan-aw mo didto, ug moingon, “Oh, grabe! Ginabuhat man nila *kini*, dayon . . . Oh!” Kini gayu’y . . .

⁴³⁴ Wala ninyo naamgo kung unsa ang kalisod! Karon gusto kong isulti kini. Siguro gipalong na man ang mga teyp. Daghang mga tawo ang moingon, “Igsoong Branham, sa ingon niana nga matang sa ministerio . . .” (Kinahanglan kong magbantay, tungod manguha ang mga tawo og mga teyp ug mangita lang og masaway, kabalo na mo.) Busa pagmoingon sila, “Igsoong Branham, gusto namong magkaaduna pud unta og ministerio,” wala mo nasayod sa kung unsay inyong ginasulti. Kamo, sa tinuod lang, wala kamo masayod kung unsay kauban niini, igsoong lalaki, igsoong babaye. Oh, grabe! Ug ang responsibilidad, pag ang mga tawo nagasalig mismo sa kung unsay imong ginasulti! Timan-i, pag sayup ang ginasulti mo kanila, siguradong paninglon sa Dios ang ilang dugo sa imong mga kamot. Mao nga, palandong na n’yo kana. Usa kana ka makahahadlok nga butang.

⁴³⁵ Busa, magmahiligugmaon kamo. Higugmaa si Jesus sa tibuok ninyong kasingkasing. Basta sun- . . . Magpakayano lang. Ayaw n’yo paninguhaa—paninguhaang sabton ang unsa mang butang. Magpakayano lang, sa atubangan sa Dios. Tungod kay, kung mas ginapaninguhaan ninyo nga masabtan, mas mapahilayo kamo Kaniya. Kita n’yo? Toohi lamang Siya.

Moingon, “Karon, bueno, kanus-a man Siya moabot?”

⁴³⁶ Kung moabot Siya karong adlaw, maayo. Kung moabot man Siya baynte ka tuig gikan karon, maayo lang gihapon. Magpadayon lamang ako sa paagi nga nagapadayon ko karon, nga nagasunod Kaniya. “Ginoo, kung magamit Mo man ako sa bisan asa, ania ako, Ginoo.” Kung usa pa ka gatus ka tuig gikan karong adlaw, kung ang akong mga kaapo—apo—apo—apo—apohan mabuhi pa nga makita kana, itugot . . . “Ginoo, wala ko masayod kung kanus-a kana mahitabo, apan tugoti lang kong magkinabuhi nga husto karon, uban Kanimong lamang.” Kita

n'yo? Ako—gusto kong. . . Tungod, ako—mobangon ko nianang adlaw, sama ra nga natulog lang ako sa makadiyut sa kung asa man.

⁴³⁷ Sa pag-moabot na ta didto, sa nianang mahimayaong palasyo didto, sa nianang Ginghamarian sa Dios didto, kon diin ang tanang mga tigulang mamahimo nang mga batan-on, diin ang mga bisti nga puti gikasul-ob na! Ang mga kalalaken-an ug mga kababayen-an nausab na, diha sa katahum, sa mismong hulagway sa usa—sa usa ka guwapo nga lalaki ug usa—usa ka matahum nga babaye! Magabarug kita didto diha sa bug-os nga katahum ug bantayog sa usa ka batan-ong babaye ug usa ka batan-ong lalaki, didto mismo! Ug dili na gayud matigulang pa, dili na mahimong makasasala pa, wala na'y unsa man nga kasina, o pagdumot, o unsa mang butang! Oh, grabe!

⁴³⁸ Sa hunahuna ko gipalong na ang mga teyp karon. Ug ako—aduna na lang ko'y mga tulo o upat ka minuto. Gusto ko pang makig-istorya kaninyo. Okey lang ba kana? [Nagaingon ang kongregasyon, “Amen.”—Ed.] Karon, personal lang kini, kita n'yo. Tungod kay, ugma, ako—ako. . . Kana'y mahinungdanon kaayo! Siguro mas maayo nga isulti ko na kini karon, kita n'yo, kung unsa ma'y akong isulti. Ako. . . Kini'y para lang kanato karon. Ako gayu'y. . .

⁴³⁹ Kabalo na mo, ako—aduna ko'y asawa nga akong gihigugma, ug kana'y si Meda. Ug ako—wala ko unta siya giminyoan, tungod sa gugma ko kaniadto sa una kong asawa. Ug bisan pa niana, bisan unsa pa ka daku ang pagpalangga ko kaniya, ako—wala ko unta siya giminyoan kung dili pa lang ang Dios ang nagsulti kanako nga minyoan siya. Ug kabalo na mo sa estorya niini; kon giunsa niya pag-ampo, ug kon giunsa ko usab pag-ampo. Ug dayon gisulti sa Dios kanako sa eksakto kung unsay buhaton, ug, “Umadto ka, og minyoi siya,” ug ang eksaktong panahon mismo nga buhaton kadto. Usa siya ka hiligugmaong babaye. Ug nagaampo siya para kanako karong gabhiona. Ug tungod alas otso na karon, didto sa balay, siguradong nagaampo na siya karon.

⁴⁴⁰ Karon matikdi. Usa ka adlaw miingon siya kanako, ingon siya, “Bill,” ang ingon niya, “Gusto ko lang mangutana kanimo mahitungod sa Langit.”

Ingon ko, “Okey, Meda, unsa man kana?”

Ingon siya, “Kabalo ka nga gihigugma ta ka.”

⁴⁴¹ Ug ingon ko, “Oo.” Pagkahuman mismo kadto nga nahitabo kini dinhi.

Ingon siya, “Kabalo ka nga gihigugma ka ni Hope, usab.”

Ingon ko, “Oo.”

⁴⁴² Ug ingon siya, “Karon,” ingon niya, “Siguro dili man ko mangabugho,” ang ingon niya, “apan basin si Hope ang

mangabugho.” Ug ingon siya, “Karon, pag-didto na kita sa Langit. . . Ug miingon man ka nga nakita mo siya didto.”

443 Ingon ko, “Atua siya didto. Nakita ko siya. Nakita ko siya duha ka higayon, didto.” Atua siya didto. Nagahulat siya kanako nga moabot. Mao usab ang. . . Mao usab si Sharon. Nakita ko siya, sama ra nga nagatan-aw ko kaninyo. Nakita ko siya didto. Ug ingon ko. . .

444 Ingon siya, “Bueno, karon, pagmoabot na kita didto,” miingon, “kinsa man ang mamahimo mong asawa?”

445 Ingon ko, “Kamong duha. Wala na’y uban pa, kita mo, apan kamong duha ang mamahimo kong asawa.”

Ingon siya, “Dili ko kini masabtan.”

446 Ingon ko, “Karon, honey, lingkod ’sa, tugoti kong ipasabot kanimo ang usa ka butang.” Ingon ko, “Karon, kabalo ko nga gihigugma mo ako, ug kabalo pud ka nga gihigugma gyud ta ka, ug ginatahud ug ginapasidunggan. Karon, pananglitan, unsa kaha kung nakabisti ko’g maayo, nga moadto sa lungsod; ug may kung kinsang bigaon, nga matahum kaayo, ug moduol ug mogakus kanako, ug moingon, ‘Oh, Igsoong Branham, gihigugma gyud ta ka,’ og agbayan ako ug gakuson ako. Unsa ma’y imong hunahunaon?”

Ingon siya, “Siguro dili ko gayud kana magustohan.”

447 Ug ingon ko, “Aduna ko’y gustong ipangutana kanimo. Imo bang. . . Kinsa ba’y imong pinaka gihigugma, kung kinahanglan man kini nga mahimong usa ka indigay, ako o ang Ginoong Jesus?” Karon, kana’y pang-pamilya lang, nga panag-estoryahanay.

448 Ug ingon siya, “Ang Ginoong Jesus.” Ingon pa, “Oo, Bill, bisan unsa ko pa ikaw gihigugma, apan, sa dili ko pa Siya talikdan, talikdan ko ’usa ikaw.”

449 Ingon ko, “Salamat, honey. Nalipay kong madungog nga gisulti mo kana karon.” Ingon pa ko, “Karon, unsa kaha kung kanang mao gihapong babaye ang moduol kang Jesus ug mogakus Kaniya, moingon, ‘Jesus, gihigugma ko Ikaw,’ unsa ma’y hunahunaon mo bahin niana?”

Ingon siya, “Magustohan ko kana.”

450 Kita n’yo, mausab kini gikan sa phileo ngadto sa agapao. Kita n’yo, mas hataas na kini nga Gugma. Kita n’yo? Ug wala na’y ingon-anang butang sama sa bana ug asawa, ingon nga. . . ug aron magpanganak pa. Wala na kana tanan, ang—ang pang-babaye ug pang-lalaki nga pakighilawas. Ang tanang mga glandula. . . Managsama na kanang tanan, didto. Kita n’yo? Wala na’y ingon niana, wala na. Kita n’yo, wala na’y sex glands didto, wala na. Kita n’yo? Kamo’y. . . Oo, sir. Hunahuna lang ang inyong kaugalingon nga wala na’y sex gland. Ang hinungdan nga gibutang kini kanato mao’y aron mapadaghan ang mga tawo

sa yuta, nakita n'yo. Apan, Didto, wala na'y ingon-ana Didto. Wala na'y pang-lalaki o pang-babaye nga glandula. Wala.

⁴⁵¹ Apan ang bantayog sa hulagway sa Dios maatua didto. Eksakto gyud kana. Ug mamahimo kitang tinuod gayud. Wala—wala na'y phileo, wala gayud; ang tanan agapao na. Kita n'yo? Busa, ang asawa mamahimong usa na lang ka hiligugmaong butang nga—nga mao'y imoha, ug siya. . . Panag-iya ninyo ang usa'g usa. Wala na'y ingon-anang butang sama sa usa ka. . . Wala, wala, wala na gani. . . Kita n'yo, ang phileo nga bahin wala na gani didto. Kita n'yo, wala na'y unsa man nga pagpangabugho; kay wala na ma'y pangabughoan didto. Wala na'y ingon-ana nga butang didto. Wala ka na'y nahibaloan nga ingon-anang butang. Kita n'yo? Ug usa lamang ka mahiligugmaong batan-ong babaye ug batan-ong lalaki, nga nagakinabuhi.

Ug dayon, pagkahuman niana, miingon siya, “Nasabtan ko na kini karon, Bill.”

Ingon ko, “Oo.”

⁴⁵² Gusto kong sultihan kamo sa usa ka gamay'ng butang nga nahitabo. Usa kini ka damgo. Nakatulog ako niadto. Ug wala ko pa gisulti kini diha sa kadaghanan kaniadto. Gisulti ko lang kini sa pipila ka mga tawo, apan wala pa gyud diha sa kadaghanan, sa nahibaloan ko.

⁴⁵³ Ako—nagdamgo ko, mga usa na ka bulan human niana, nga nagatindog kono ko, usa niana ka adlaw, ug ginatan-aw ko ang halangdong panahon nga. . . Dili ang paghukom, ha. Wala ko gatoo nga modangat ang Iglesia sa, (ang buot kong ipasabot, ang Pangasaw-onon), nga modangat sa usa ka paghukom. Apan, atua ako kono sa diha nga gipanghatag ang mga korona, kita n'yo. Ug ang halangdong—halangdong daku nga Trono gipahimutang *didto*. Ug si Jesus ug ang taga-lista nga Manulonda, ug ang tanan, atua pud nga nagatindog didto. Ug dihay usa ka hagdanan, nga morag, paingon *niini* nga direksyon, hinimo sa maputing marpil; mikanaug, sa usa ka lingin, nga nakahimo og usa ka talan-awon nga sama *niini*, ug dayag kadto, nga ang tibuok niadtong dakung panon nga atua didto makita kung unsay nagakahitabo.

⁴⁵⁴ Ug mitindog ako sa may likod, sa may daplin. Ug nagtindog lang ko didto, nga walay ni usa ka ideya nga kinahanglan ko usab diay nga moagi niadtong maong hagdanan. Nagtindog ko didto. Nakita ko. . .

⁴⁵⁵ Nagtawag ang taga-lista nga Manuloda og usa ka partikular nga ngalan; ug hingsayran ko, nailhan ko kadto nga ngalan. Mitan-aw ako, ug gikan didto sa may likod, dihay mitungha nga igsoong lalaki, nagalakaw kauban ang usa ka igsoong babaye, nga nagpaingon kaninyo, nga sama niana. Atua nagatindog ang taga-lista nga Manulonda sa kiliran ni Cristo, (usa lang

kini ka damgo ha), ug nagatan-aw. Ug ang ilang ngalan atua didto, nga hingskaplagan diha sa Basahon sa Kinabuhi; mitan-aw Siya kanila, ug miingon, “Kini’y—maayong pagkabuhat, Akong maayo ug kasaligan nga ulipon. Karon sumulod ka.”

⁴⁵⁶ Milingi ako, kung asa sila paingon. Dihay usa ka bag-ong kalibutan, ug kalipayan Ug miingon, “Sumulod ka sa kalipayan sa Ginoo, nga dugay—nga dugay nang para kanimo sukad pa sa pagkatukod sa kalibutan.” Kita n’yo? Ug, oh, nahunahuna ko. . . Mosulod sila didto, ug makita ang usa’g usa, ug managkalipay gayud, ug moadto sila sa mga kabukiran didto ug pagkahalangdon nga dapit.

⁴⁵⁷ Apan nahunahuna ko, “Oh, dili ba pagkaanindot niana! Himaya! Alleluyah!” Milukso-lukso gyud ako!

⁴⁵⁸ Dayon nadungog ko ang usa na usab ka ngalan nga gitawag. Sa hunahuna ko, “Oh, nakaila man ko kaniya. Nakaila ko kaniya. Ako. . . Didto, atua siya, didto.” Gitan-aw ko siya nga sama niana.

“Sumulod ka sa kalipayan sa Ginoo, Akong maayong. . .”

“Oh,” miingon ko, “dalaygon ang Dios! Dalaygon ang Dios!”

Ingnon ta, pananglitan, sama sa giingon nila, “Orman Neville,” kita n’yo.

⁴⁵⁹ Ug dayon moingon ko, “Ang suod kong Igsoong Neville kana. Atua siya.” Kita n’yo? Ug atua siya mitungha, gikan sa kadaghanan, og misaka.

⁴⁶⁰ Dayon moingon Siya, “Sumulod ka sa kalipayan sa Ginoo, nga dugay nang giandam para kanimo sukad pa sa pagkatukod sa kalibutan. Sumulod ka.” Ug nausab gayud si Igsoong Neville, ug hinay-hinay nga misulod didto, nga nagasinggit ug nagahugyaw mismo.

⁴⁶¹ Grabe, misinggit gyud ako ug miingon, “Himaya sa Dios!” Nagatindog ko niadtong dapita nga nag-inusara, nga nagkalipay gyud og ayo, nga ginalantaw ang akong mga kaigsoonan nga nagasulod.

⁴⁶² Ug mitindog didto ang taga-lista nga Manulonda, ug miingon, “William Branham.”

⁴⁶³ Wala gyud ko nagdahum nga moadto pud diay ko didto. Busa niadtong tungora nahadlok ako. Nahunahuna ko, “Oh, grabe! Kinahanglan ko bang buhaton kana?” Busa miadto ko didto. Ug ang tanan nagatapik kanako sa—sa. . . [Nagahulagway si Igsoong Branham pinaagi sa pagtapik sa iyang kaugalingon sa makapila ka higayon—Ed.] “Kumusta, Igsoong Branham! Panalanginan ka sa Dios, Igsoong Branham!” Ginatapik ako samtang nagaagi ako, taliwala niadtong dakung panon sa katawhan. Ug silang tanan nagakab-ot ug ginatapik ako nga sama niana. [Nagahulagway si Igsoong Branham pinaagi sa pagtapik sa iyang kaugalingon sa makapila ka higayon.]

“Panalanginan ka sa Dios, igsoon! Panalanginan ka sa Dios, igsoon!”

464 Nagpadayon ko. Ingon ko, “Salamat. Salamat. Salamat.” Sama sa nagagawas ka sa usa ka panagtigum, o morag ingon-ana, kabalo na mo.

465 Ug kinahanglan ko nang molakaw niadtong dakung halangdong marpil nga hagdanan. Hinay-hinay kong misaka didto. Ug sa pagtungtong ko pa lang sa unang ang-ang, mihunong ako. Ug nahunahuna ko. . .Mitan-aw ako sa Iyang nawong. Nahunahuna ko, “Gusto kong tan-awon Siya og maayo nga ingon niini.” Ug mihunong ko.

466 Naka-ingon *niini* ang akong mga kamot. Nabati ko nga may migunit sa akong bukton *dinhi*. Bukton kadto sa usa ka tawo. Milingi ako, ug atua si Hope; kadtong dagku og itum nga mga mata, ug maitum nga buhok nga nakabuhayhay diha sa iyang likod, nagasul-ob og maputi nga bisti; og nagatan-aw kanako nga sama niana. Ingon ko, “Hope!”

467 Nabati ko nga may migunit pud *niini* nga bukton. Milingi ko, ug atua si Meda; nagatutok kadtong itum niyang mga mata, ug nakabuhayhay ang maitum nga buhok, nagasul-ob pud og usa ka maputi nga bisti. Ug ingon ko, “Meda!”

468 Ug nagtinan-away sila sa usa’g usa, kabalo na mo, nga sama niana. Sila’y. . .Gigunitan ko sila diha sa akong mga bukton, ug mipadayon na kami, nga naglakaw Pauli.

469 Nakamata ko. Oh, nakamata ko. Ug ako—mibangon ko ug milingkod sa usa ka lingkoranan, ug mihilak, kabalo mo. Nahunahuna ko, “Oh Dios, nagalaum ko nga mahitabo unta kana nga ingon-ana.” Parehong nakauban ko sa kinabuhi, ug nakabaton og mga anak, ug mga butang nga sama niana; ug atua kami, nagalakaw paingon sa bag-ong kalibutan, oh, grabe, kon diin didto ang kahingpitan ug tanan na. Wala, walay unsa man. . .

470 Oh, mamahimo kining usa gayud ka maanindot nga butang! Ayaw ninyo pakyasa kana. Ayaw gyud ninyo pakyasa kana. Pinaagi sa grasya sa Dios, buhata ang tanan nga mahimo ninyo, ug ang Dios na ang bahala sa tanang uban pa niana pagkahuman.

I love Him, I love Him
Because He first loved me
And purchased my salvation
On Calvary’s. . .

471 Awiton nato kini pag-usab, sa tibuok natong kasingkasing. Karon ihangad ta ang atong mga mata ngadto sa Dios.

I love Him

472 [Mibiya si Igsoong Branham sa pulpito ug nagaampo para sa usa ka babaye, samtang ginakanta sa kongregasyon ang *I Love Him* sa makausa pa—Ed.]

. . . love Him
Because He first loved me
And purchased my salvation
On Calvary's tree.

473 Okey, siges. Wala na siya gidahum nga mabuhi pa hangtud sa pagtapos sa panagtigum. Husto kana. Anaa siya, nga ginapataas ang iyang duha ka kamot, og nagadayeg sa Dios. Mao kana'y hinungdan nga nagdugay-dugay pa ko dinhi; wala ko lang gisulti kaninyo kung unsay akong buhaton. Naghisgot pa ko mahitungod kang Meda ug sa uban pa. Ug tungod nga nagabantay man ko, aron makita kung unsay. . . Namatikdan ko na kanang Kahayag nga nagatuyok-tuyok, ug miabot ug nagpaibabaw sa maong babaye. Nahunahuna ko, "Mao kana." Oh, dili ba kini kahibulongan? [Nagakalipay ang kongregasyon—Ed.]

I love Him, I love Him
Because He first loved me
And purchased my salvation
On Calvary's tree.

474 Karon, sa atong mga kasingkasing, [Si Igsoong Branham nagsugod na sa paglaylay og *I Love Him*—Ed.] hunahunaa lang ang Iyang kaayo ug kalooy.

. . . I love Him (Amen!)
. . . He first loved. . .

475 Karon nakita n'yo kung unsa ka mas maayo kini? Amen! Mao kana. Karon. . .? . . . Lakaw ug mamaayo na. Amen! Nagpakita na kaninyo ang grasya sa Dios, aron ayohon kamo. Amen.

. . . on Calvary's tree.

Oh, himaya sa Dios!

I love Him, . . .

Siges, ang inyong pastor.

I . . .

476 [Adunay nagaingon, "Igsoong Branham, magsugod ba ta ugma sa alas nuebe-traynta?"—Ed.] Alas nuebe hangtud alas nuebe-traynta. Alas nuebe, mga ingon-ana. ["Human ba sa pamahaw? Sa alas nuebe?"] Sugod mo sa alas nuebe. Mosugod ko pagka alas nuebe-traynta.



ANG IKAUNOM NGA SELYO CEB63-0323

(The Sixth Seal)

SERYE SA KAPADAYAGAN SA PITO KA MGA SELYO

Kining Mensahe ni Igsoong William Marrion Branham, unang giwali sa Ingles niadtong Sabado sa gabii, Marso 23, 1963, didto sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apod-apod sa Voice of God Recordings.

CEBUANO

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org